



本紀卷第二十四

宋史二十四

開府儀同三司程國錄里國事尚中書右丞相監修國史領經筵事部總裁臣脫脫等奉

勅修

高宗一

高宗受命中興全功至德聖神武文昭仁憲孝皇帝
 諱構字德基徽宗第九子母曰顯仁皇后高氏大觀
 元年五月乙巳生東京之大內赤光照室八月丁丑
 賜名授定武軍節度使檢校太尉封蜀國公二年正
 月庚申封廣平郡王宣和三年十二月壬子進封康
 王資性朗悟博學疆記讀書日誦千餘言挽弓至一

石五斗宣和四年始冠出就外第靖康元年春正月
金入犯京師寧干城西北遣使入城邀親王宰臣議
和軍中朝廷方遣同知樞密院事李統等使金議割
太原中山河間三鎮遣宰臣按地親王送大軍過河
欽宗召帝諭指帝慷慨請行遂命少宰張邦昌為計
議使與帝俱金帥幹離不留之軍中旬日帝意氣間
暇二月會京畿宣撫司都統制姚平仲夜襲金人砦
不克金人見責邦昌恐懼涕泣帝不為動幹離不異
之更請肅王癸卯肅王至軍中許割三鎮地遣邦昌
為太宰留質軍中帝始得還金兵退復遣給事中王

雲使金以租賦贖三鎮地又以蠟書結遼降將耶律
余覲為金人所得八月金帥黏罕復引兵深入陷太
原幹離不破真定久十月主雲從吏自金先還言金
人須帝再至乃議和雲歸言金人堅欲得地不然進
兵取汴都十一月詔帝使河北奉袞冕玉輅尊金主
為伯上尊號十八字被命即發京師以門下侍郎耿
南仲主和議請與俱乃以其子中書舍人延禧為叅
議官偕行帝由滑瀆至磁州守臣宗澤請曰肅王去
不返金兵已迫復去何益請留磁磁人以雲將挾帝
入金遂殺雲時黏罕幹離不已率兵渡河相繼圍京

師從者以磁不可留知相州汪伯彥亦以蠟書請帝
還相州閏月耿南仲馳至相見帝致辭以面受欽宗
之旨盡起河北兵入衛帝乃同南仲募兵勤王初朝
廷聞金兵渡河欲拜帝為元帥至是殿中侍御史胡
唐老復申元帥之議尚書右僕射何臬擬詔書以進
欽宗遣閣門祇候秦任持蠟詔至相拜帝為河北兵
馬大元帥知中山府陳亨伯為元帥汪伯彥宗澤為
副元帥仔於頂髮中出詔帝讀之嗚咽兵民感動十
二月壬戌朔帝開大元帥府有兵萬人分為五軍命
武顯大夫陳淳都統制軍馬閣門祇候侯章齋蠟書

至自京師詔帝盡發河北兵命守臣自將帝乃下令
諸郡守與諸將議引兵渡河乙亥帝率兵離相州丙
子履冰渡河丁丑次大名府宗澤以二千人先諸軍
至知信德府梁揚祖以三千人繼至張俊苗傅楊沂
中田師中皆在麾下兵威稍振會簽書樞密院事曹
輔齋蠟詔至云金人登城不下方議和好可屯兵近
甸毋輕動汪伯彥等皆信和議惟宗澤請直趨澶淵
為壁次第解京城之圍伯彥南仲請移軍東平帝遂
遣澤以萬人進屯澶淵揚言帝在軍中自是澤不復
預府中謀議帝決意趨東平庚寅帝發大名

建炎元年春正月癸巳帝至東平初帝軍在相州京城圍久中外莫知帝處及是陳請四集取決帥府壬寅高陽關路安撫使黃潛善總管楊惟忠亦部兵數千至東平命潛善進屯與仁留惟忠為元帥都統制金人聞帝在澶淵遣甲士及中書舍人張澂來召宗澤命壯士射之澂乃遁伯彥等請帝如濟州二月庚辰發東平癸未次濟州時帥府官軍及群盜來歸者號百萬人分屯濟濮諸州府而諸路勤王兵不得進二帝已在金人軍中三月丁酉金人立張邦昌為帝稱大楚黃潛善以告帝慟哭僚屬欲奉帝駐軍宿州

謀渡江左帝聞二軍籍籍遂輒承制以宗澤為徽猷閣待制丁巳韓維不迭帥徽宗北遷戊午承制以汪伯彥為顯謨閣待制元元帥潛善為徽猷閣待制充副元帥夏四月黏罕退師欽宗北遷癸亥邦昌尊元祐皇后為宋太后遣人至濟州訪帝又遣吏部尚書謝克家來迎耿南仲率幕僚勸帝避席流涕遜辭不受伯彥等引天命人心為請且謂靖康紀元為十一月立康之兆帝曰當更忘之以知惟寧府趙子崧為實文明學士元帥府參議官東南道總管統東南勤王兵邦昌遣閣門宣贊舍人蔣師愈等持書詣帝

自言從權濟事及將歸寶位之意帝亦貽諸帥書以未得至京已至者毋輒入聞資政殿大學士領開封府事李綱在湖北遣劉然持書訪之又諭宗澤等以受偽命之人義當誅討然慮事出權宜未可輕動澤復書謂邦昌篡亂踪跡已無可疑宜早正天位興復社稷不可不斷門下侍郎呂好問亦以蠟書來言帝不自棄恐有不當立而立者丁卯謝克家以大宋受命之寶在濟州帝慟哭曉命克家還京師趣辦儀物戊辰濟州父老詣軍門言州四旁望見城中火光烏天請帝即位于濟會宗澤來言南京乃藝祖興

王之地取四方中漕運尤易遂決意趨應天是夕邦昌手書上延福宮太后尊號曰无祐皇后入居禁中以尚書左丞馮解為奉迎使皇后又遣兀于衛尉少卿孟忠厚持手書遺帝皇后書兼聽政邦昌權尚書左僕射率在京百官上表勸進不許甲戌皇后手書告中外俾帝嗣統乙亥百官再上表又不許丁丑馮解等至濟州百官三上表許以權聽國事戊寅命宗澤先勅兵分駐長垣韋城等縣以備非常東道副總管承勝亦至濟州宣撫司統制官韓世忠以兵來會庚辰帝發濟州郡丞副總管劉光世自陝州來會以

光世為五軍都提舉辛巳次軍州壬午次虞城縣西
道都統管王襄自襄陽來會祭未至應天府呈后詔
有司備法駕儀仗乙酉張邦昌生伏地慟哭請死帝
慰撫之承制以任伯彥為顯謨閣直學士黃潛善為
徽猷閣直學士權吏部尚書王時雍等奉乘輿服御
至群臣勸進者益衆命有司築壇府門之左五月庚
寅朔帝登壇受命禮畢慟哭進謝二帝即位于府治
改元建炎大赦常赦所不宥者咸赦除之張邦昌及
應于供奉全國之人一切不問命西京留守司修奉
祖宗陵寢罷天下神霄宮俸散青苗錢應死節及破

下王事者並推恩奉使未還者祿其家一年應選人
並循資已係承直郎者改次等京官臣僚因亂去官
者限一月選任潰兵群盜咸許自新免係官欠負蠲
南京及元帥府常駐軍一月以上州縣夏稅應天府
特奏名舉人並與同進士出身免解人與免省諸路
特奏名三舉以上及宗室嘗預貢者並推恩應募兵
勤王人以兵付州縣主兵官聽赴行在中外臣庶許
言民間疾苦雖詆訐亦不加罪命官犯罪更不取特
旨裁斷蔡京童貫朱勔李彥孟昌齡梁師成譚稹及
其子孫更不收叙內外大臣限十日各舉布衣有材

畧者一人餘如故事以黃潛善爲中書侍郎汪伯彥
同知樞密院事元祐皇后在東京是日徹簾辛卯遙
尊乾龍皇帝爲孝慈淵聖皇帝元祐皇后爲元祐太
后詔史官辨宣仁聖烈皇后誣謗築景靈宮于江寧
府壬辰以張邦昌爲太保奉國軍節度使同安郡王
五日一赴都堂參決大事以河東北宣撫使范訥爲
京城留守癸巳遙尊帝母章賢妃爲宣和皇后遙立
嘉國夫人邢氏爲皇后耿南仲罷甲午以李綱爲尚
書右僕射兼中書侍郎趣赴行在揚惟忠爲建武軍
節度使主管殿前司公事罷諸盜及民兵之爲統制

者簡其士馬隸五軍乙未以生辰爲天申節馮澥罷
以兵部尚書呂好問爲尚書右丞命中軍統制馬忠
後軍統制張換率兵萬人趣河間府追襲金人丙申
以呂好問兼門下侍郎丁酉以黃潛善兼御營使汪
伯彥副之真定府路副總管王淵爲都統制鄜延路
副總管劉光世提舉一行事務王時雍黃州安置命
統制官薛廣張瓊率兵六千人會河北山東峇義兵
共復磁相戊戌以資政殿學士路允迪爲京城撫諭
使龍圖閣學士耿延禧副之贈吏部侍郎李若水觀
文殿學士謚忠愍己亥詔太學生陳東赴行在李綱

至江寧誅叛卒周德等庚子詔以靖康大臣主和誤國責李邦彥爲建寧軍節度副使潯州安置徙吳敏柳州蔡懋英州李忱宇文虛中鄭望之李鄴皆以使金請割地責廣南諸州並安置辛丑詔張邦昌知幾達變勲在社稷如文彥博例月兩赴都堂壬寅封後宮潘氏爲賢妃以江淮發運使梁揚祖提領東南茶鹽事癸卯天申節罷百官上壽乙巳賜諸路勤王兵還營者錢人三千丙午以誣謗宣仁聖烈皇后追貶蔡確蔡卞邢恕蔡懋官以保靜軍節度使姚古知河南府金人陷河中府權府事郝仲連死之丁未徽宗

至燕山府庚戌以宗澤爲龍圖閣學士知襄陽府壬子進張邦昌太傅丙辰罷監察御史張所尋責江州安置丁巳詔成都在京兆襄陽荆南江寧府鄧揚二州儲資糧修城壘以避巡幸以簽書樞密院事張叔夜嘗援京城力戰從徽宗北行遙命爲觀文殿大學士醴泉觀使戊午右諫議大夫范宗尹罷遣太常少卿周望使河北軍前通問二帝西道總管王襄北道總管趙野坐勤王稽緩並分司襄陽府青州居住尋責襄永州野邵州並安置六月己未朔李綱入見上十議曰國是巡幸赦令僭逆僞命戰守本政責成脩德

李綱十議

以前殿前副都指揮使王宗濬引衛兵遁逃致都城失守青管邵州安置徽猷閣直學士徐秉哲假資政殿學士爲大金通問使秉哲辭庚寅封靖康軍節度使仲湜嗣濮王黏罕還屯雲中辛酉命新任郎官未經上殿者並引對御史中丞顏岐罷徐秉哲責官梅州安置詔河北京陝淮湖江浙軍州縣鎮募人脩築城壁壬戌置登聞檢鼓院癸亥以黃潛善爲門下侍郎兼權中書侍郎張邦昌坐僭逆責降昭化軍節度副使潭州安置及受僞命臣僚王時雍高州吳玠永州莫儔全州李耀柳州孫覲歸州並安置顏博文王

紹以下論罪有差以知懷州霍安國河東宣撫使劉韜死節贈安國延康殿學士韜資政殿大學士甲子命李綱兼御營使乙丑以龍神衛四厢都指揮使馮忠爲河北經制使措置民兵洪芻罷左諫議大夫下臺獄丁卯以祠部員外郎喻汝礪爲四川撫諭督漕計羨緡及常平錢物罷開封諸州軍府司錄曹掾官州軍通判二員者省其一權減宰執奉賜三之下省諸路提舉常平司兩浙福建提舉市舶司賊李孝忠寇襄陽守臣黃叔敖棄城遁立格買馬辛未以子惠生大赦籍天下神霄宮錢穀充經費拘天下職田錢

隸提刑司。還元祐黨籍及上書人恩。癸酉詔陝西山東諸路帥臣團結軍民互相應援。乙亥增諸縣弓手置武尉領之。宗室叔向以所募勤王兵屯京師。或言爲變。命劉光世捕誅之。戊寅以汪伯彥知樞密院事。遣宣義郎傅雲使河東軍前通問。二帝已卯置沿河沿淮沿江帥府十有九。要郡三十九。次要郡三十八。帥守兼都總管。守臣兼鈐轄都監。總置軍九十六萬七千五百人。別置水軍七十七將。造舟江淮諸路。置三省樞密院賞功司。東京留守范訥落節鉞。淄州居住庚辰。以二帝未還。蔡州縣用樂。辛巳置沿河巡察

六使壬午。以戶部尚書張慤同知樞密院事。兼提舉措置戶部財用。癸未呂好問罷。甲申併尚書戶部右曹所掌歸左曹。命尚書總領乙酉。以宗澤爲東京留守。杜充爲北京留守。罷監司州郡職田。丙戌詔陝西河北京東西路募兵合十萬人。更番入衛。行在命京東西路造戰車丁亥。以張所爲河北西路招撫使。括買官民馬。勸出財助國。戊子以錢蓋爲陝西經制使。封趙懷恩爲安化郡王。因召五路兵赴行在。秋七月己丑朔。以樞密副都承旨王瓌爲河東經制使。庚寅詔王淵劉光世統制官張俊喬仲福韓世忠分討陳

州軍賊杜用京東賊李昱及黎驛魚臺潰兵皆平之
辛卯籍東南諸州神霄宮及贍學錢助國用叙右監
門衛大將軍貴州團練使士瑋以磁洛義兵復洛州
乙未以温州觀察使范瓊爲定武軍承宣使御營司
同都統制丙申賜諸路疆壯巡社名爲忠義巡社專
隸安撫司戊戌欽宗至燕山府以忻州觀察使張換
爲河北制置使東都宣武卒杜林謀據成都叛伏誅
己亥詔臺省寺監繁簡相兼學官館職減舊制之半
辛丑復議吳玠莫儔等十一人罪並廣南江湖諸州
安置餘遞貶有差壬寅詔奉元祐太后如東南六宮及

衛士家屬從行朕當獨留中原與金人決戰以延康
殿學士許翰爲尚書右丞甲辰以右諫議大夫宋齊
愈當金人謀立異姓書張邦昌姓名斬于都市乙巳
手詔京師未可往當巡幸東南丙午詔定議巡幸南
陽以觀文殿學士范致虛知鄧州脩城池繕宮室輸
錢穀以實之丁未遣官詣京師迎奉太廟神主赴行
在配寵四道都總管以尚書虞部員外郎張浚爲殿
中侍御史庚戌徵諸道兵期八月會行在丙辰徽宗
自燕山密遣閣門宣贊舍人曹勛至賜帝綃半臂言
其領曰便可即真來援父母帝泣以示輔臣張所傳

亮軍發行在是月關中賊史斌犯興州僭號稱帝八月戊午朔洪勗等坐圍城日括金銀自盜及私納官人芻及余大均陳冲貸死流沙門島餘五人罪有差勝捷軍校陳通作亂于杭州執帥臣葉夢得殺漕臣吳昉已未元祐太后發京師庚申以劉光世爲奉國軍節度使韓世忠張俊皆進一官辛酉右司諫潘良貴罷壬戌以李綱爲尚書左僕射兼門下侍郎黃潛善爲右僕射兼中書侍郎張焜兼御史副使癸亥命御營使副大閱五軍庚午更號元祐太后爲隆祐太后辛未罷傅亮經制副使召赴行在壬申召布衣

定赴行在命御營統制辛道宗討陳通是夕東北方有赤氣祭酉以耿南仲生和誤國南雄州安置乙亥用張浚言罷李綱左僕射丙子隆祐太后發南京命侍衛馬軍都指揮使郭仲荀護衛如江兼節制江淮荆浙閩廣諸州制置東南盜賊丁丑以龍圖閣直學士錢伯言知杭州節制兩浙淮東將安及福建檜校手討陳通庚辰降榜招諭杭州亂兵壬午用黃潛善議殺上書太學生陳東崇仁布衣歐陽澈乙酉遣兵部員外郎江端友等撫諭閩浙湖廣江淮京東西諸路及體訪官吏貪廉軍民利病許翰罷于亥博州

陳東等
見殺

平宮儀作亂犯萊州九月己丑建州軍校張真等作
亂執守臣張動轉運副使毛壘為所殺判官曹仔嬰
城自守范瓊捕斬李孝忠于復州壬辰以金人犯河
陽汜水軍詔擇日巡幸淮甸錄建炎通寶錢命淮浙
沿海諸州增脩城壁招訓民兵以備海道甲午命揚
州守臣呂頤浩繕脩城池宗澤往河北視師七月還
是夜辛酉宗女潰于嘉興縣丁酉詔荆襄關陝江淮
皆備巡幸戊戌罷買馬己亥以子粵為檢校少保集
慶軍節度使封魏國公詔內外官司參用嘉祐元豐
故事以俟新書庚子二帝徙居霄郡辛丑陳通劫提點

刑獄周格營殺格執提點州獄高士曠壬寅遣徽猷
閣待制孟忠厚迎奉太廟神主赴揚州以直秘閣王
圭為招撫判官代張所尋責所廣南安置乙巳宗澤
表請車駕還關以申河以招撫司都統制王孝度河
擊金人破之復新興縣己酉以謀報金人欲犯江浙
詔暫駐淮甸捍禦稍定即還京闕募民入質授官軍
賊趙萬入常州執守臣何泰能諸路經制招撫使庚
戌始適當三大錢于淮浙荆湘諸路壬子命湖南撫
諭官馬伸持詔賜張邦昌死于潭州併誅王時雍癸
丑詔有敢妄議感疾沮巡幸者許告而罪之不告者

斬乙卯王彥及金人戰敗積善太行山聚眾其裨將岳飛引其部曲自為一軍趨萬壽鎮江府守臣趙子崧棄城渡江保夔洲是秋金人分兵據兩河州縣惟中山慶源府保莫那洛冀磁終相州又之乃陷冬十月丁巳朔帝登舟幸淮甸戊午太后至揚州己未罷諸路勸誘獻納錢物庚申罷諸路召募潰兵忠義等入及寄居官擅集勤王兵者與之募群盜能併滅賊眾者官之甲子以張浚論李綱不已落綱觀文殿大學士止奉宮祠知秀州非州擢浙西提點刑獄趙叔近入杭州招撫陳通乙丑罷帥府要郡次要郡及新軍

水軍丁卯以王淵為杭州制置盜賊使統制官張俊從行庚午次泗州辛酉照寺甲戌太白晝見己卯次楚州寶應縣後軍將孫琦等作亂逼左正言盧臣中墮水死庚辰命劉光世討鎮江叛兵辛巳以光世為滁和濠州江寧府界招捉盜賊制置使御營統制官苗傅為使司都統制朝請即李棣提舉廣西左右兩江峒丁公事癸未至揚州禁內侍統兵官相見丙戌王淵張俊誘趙萬等悉誅之十一月戊子李綱鄂州居住真定軍賊張遇入池州守臣滕祐棄城遁己丑詔雜犯死罪有疑及情理可憫者撫諭官司提刑司

酌情減降先斷後聞壬辰道王倫等為金國通問使
乙未以張慤為尚書左奉工部尚書顏岐同知樞密
院事丙申曲赦應天府毫宿揚泗楚州高郵等丙午
以張慤為中書侍郎戊申以顏岐為尚書左丞兼權
門下侍郎御史中丞許彥衡為右丞刑部尚書郭三
益同知樞密院事權密州趙野秦城道軍校杜彥模
州追野殺之辛亥命福建路增招弓手金人陷河間
府是月軍賊丁進圍壽春府守臣康允之拒却之十
二月丙辰朔命從臣四員充講讀官就內殿講讀丁
巳詔諸路提刑司選官即轉運司所在州類省試進

士以待親策辛酉王淵入杭州執陳通等誅之壬戌
青州敗將王定以兵作亂殺帥臣魯孝序癸亥黏罕
犯汜水關西京留守孫昭遠遣將拒之戰歿昭遠引
兵南遁尋命部將王仔奉啓運宮神御赴行在甲子
改授后父徽猷閣待制邢煥為光州觀察使乙丑詔
凡刑賞大政並經三省其干請墨敕行下者罪之丙
寅張遇犯江州戊辰金人圍棣州守臣姜剛之固守
金兵解去甲戌金人陷同州守臣鄭驥死之張遇犯
黃州己卯金人陷汝州入西京庚辰金人陷華州辛巳
破潼關河東經制使王瓌自同州引兵遁入蜀丁進

諸宗澤降乙酉增置廣西弓手以備邊以戶部尚書黃潛厚為延康殿學士同提舉措置財用

劉... 二十四

本紀卷第二十五

宋史二十五

開府儀同三司柱國錄軍國重事節書丞相兼樞密使領經筵事都總裁長脫脫素

勅修

高宗二

二年春正月丙戌朔帝在揚州丁亥錄兩河流亡吏士沿河給流民官田牛種戊子金人陷鄧州安撫劉汲死之辛卯置行在權貨務壬辰金人犯東京宗澤遣將擊郤之癸巳復明法新科甲午詣壽寧寺謁祖宗神主乙未金人破永興軍前河東經制副使傅亮以兵降經略使唐重副總管楊宗閔提舉軍馬陳迪

萬曆二十五年刊

宋史本紀卷第二十五

一

金

轉運副使桑景詢判官曾謂提點刑獄郭忠孝經略
司主管機宜文字王尚及其子建中俱死之東平府
兵馬鈐轄孔彥舟叛渡淮犯黃州守臣趙令歲拒之
丙申詔自今犯枉法自盜贓者中書籍其姓名罪至
徒者永不錄用金人陷均州守臣楊彥明遁去丁酉
金人陷房州己亥張遇焚真州祕閣修撰孫昭遠爲
亂兵所害庚子遣主客員外郎謝亮爲陝西撫諭使
兼宣諭使持詔賜夏國張遇陷鎮江府守臣錢伯言
棄城走辛丑內侍邵成章坐輒言大臣除名南雄州
編管金人陷鄭州通判趙伯振死之癸卯金帥窩里

唄陷濰州又陷青州尋棄去丁未詔諭流民潰兵之
爲盜賊者釋其罪己酉禁諸將引潰兵入蜀置大散
關使以審驗之庚戌遣考功員外郎傅雱爲淮東京
東西撫諭使辛亥王淵招降張遇以所部萬人隸韓
世忠改授顯謨閣直學士孟忠厚爲常德軍承宣使
詔凡后族毋仕侍從官著爲令金人焚鄧州是月以
中奉大夫劉豫知濟南府金人陷潁昌府守臣孫默
爲所殺經制司僚屬王擇仁復永興軍金人陷秦州
經略使李復降又犯熙河經略使張深遣兵馬都監
劉惟輔與戰于新店敗之斬其帥黑鋒二月丙辰金

人再犯東京宗澤遣統制閻中立等拒之中立戰歿
戊午移耿南仲于臨江軍金人陷唐州壬戌安化軍
節度副使宇文虛中應詔使絕域復中大夫召赴行
在癸亥罷市易務甲子金人犯滑州宗澤遣張撝救
之戰死乙丑澤遣判官范世延等表請帝還闕河北
賊楊進等詣澤降丁卯復延康述古殿直學士爲端
明樞密直學士辛未詔自今犯枉法自盜賊罪至歿
者籍其貲壬申赦福州叛卒張員等癸酉金人陷蔡
州執守臣閻孝忠丙子金人陷淮寧府守臣向子詔
歿之丁丑遣王貺等充金國軍前通問使戊寅責降

知鎮江府趙子崧爲單州團練副使南雄州安置己
卯奪祕書正字胡瑄官送梧州編管朝奉大夫劉正
彥應詔使絕域授武德大夫威州刺史尋爲御營右
軍副統制庚申以王淵爲嚮德軍節度使辛巳武功
大夫和州防禦使馬擴奔真定五馬山峇聚兵得皇
弟信王榛于民間奉之總制諸峇壬午詔京畿京東
西河北淮南南路置振華軍八萬人是月成都守臣盧
法原修城成三月辛卯金人陷中山府壬辰詔諸路
安撫使許便宜節制官吏丁酉初立大小使臣呈試
弓馬出官格先閱試然後奏補黏罕焚西京去庚子

河南統制官翟進復西京宗澤奏進為京西北路安撫制置使丙午遷授尚書右僕射何臬為觀文殿大學士中書侍郎陳過庭為資政殿大學士同知樞密院事聶昌為資政殿大學士並主管宮觀時臬已卒于金昌為人所殺朝廷未之知過庭亦在金軍中丁未罷內外權局官之不應法者遣楊應誠為大金高麗國信使己酉張員等復作亂擁眾突城出命本路提點刑獄李訛討捕之辛亥以范瓊權同主管侍衛步軍司公事屯真州是月金人陷鳳翔府守臣劉清臣棄城去又犯涇原經畧使曲端遣將拒戰敗之金

兵走同華石壕尉李彥仙舉兵復陝州夏四月丙辰詔文臣從官至牧守武臣管軍至遙郡各舉所知二人戊午禁州縣責鄰保代輸逃戶稅役宗澤遣將趙世興復滑州乙丑翟進以兵襲金帥兀室于河南兵敗其子亮死之進又率御營統制韓世忠京城都巡檢使丁進等兵戰于文家寺又敗世忠收餘兵南歸兀室復入西京尋棄去隴右都護張巖及金人戰于五里坡敗績死之丁卯金人入洛州壬辰軍賊孫琦焚隨州癸未入唐州信王榛遣馬擴來奏事是月以榛為河外兵馬都元帥擴為元帥府馬步軍都總管

五月乙酉許景衡罷孫琦犯德安府丙戌命參酌元
祐科舉條制立詩賦經義分試法戊子以翰林學士
朱勝非爲尚書右丞辛卯以金兵渡河遣韓世忠宗
澤等逆戰甲午曲赦河北陝西京東路福建轉運判
官謝如意執張員等六人誅之內申復命宇文虛中
爲資政殿大學士充金國祈請使賊靳賽寇光山縣
戊戌河北制置使王彥部兵渡河屯滑州之沙店癸
卯張懋薨甲辰金帥婁宿陷絳州丁未復置兩浙福
建提舉市舶司己酉秀州卒徐明等作亂執守臣朱
希迎前守趙叔近復領州事命御營中軍統制張俊

討之癸丑罷借諸路職田六月乙卯邛州鑄錢增印
錢引癸亥建州卒葉濃等作亂寇福州甲子親慮囚
乙丑張俊至秀州殺趙叔近執徐明斬之甲戌葉濃
陷福州丁丑詔江浙沿流州軍練水軍造戰艦京畿
淮甸鯨是月以知延安府王庶節制陝西六路軍馬
涇原經畧使曲端爲節制司都統制永興軍經畧使
郭瑛逐王擇仁擇仁奔興元秋七月甲申葉濃入寧
德縣復還建州命張俊同兩浙提點刑獄趙哲率兵
討之丙戌詔吏部審量京官非政和以後進書頌及
直赴殿試人乃聽參選宗澤薨丁亥詔石官坐蔡京

王黼擬授而廢者許自新復用戊子禁軍中抉目剗
心之刑壬辰選江浙州軍正兵士兵六之一赴行在
乙未以郭仲荀為京城副留守戊戌錄內外諸軍將
士功辛丑以春霖夏旱蝗詔監司郡守條上闕政州
郡災甚者蠲田賦甲辰以降授北京留守杜充復樞
密直學士為開封尹東京留守八月甲寅初鑄御寶
三甲戌御集英殿策試禮部進士罷殿中侍御史馬
伸尋責濮州河北京東捉殺徒李成等辛巳犯宿州
是月二帝徙居韓州九月甲申丁進叛復寇淮西庚
寅賜禮部進士李昉以下四百五十一人及第出身

特奏名進士皆許調官壬辰召侍從所舉褚宗諤等
二十一人驛赴行在癸巳金人陷冀州將官李政死
之甲午金人再犯永興軍經畧使郭琰棄城退保義
谷辛丑陝西節制司兵官賀師範及金人戰于八公
原敗績死之丙午復所滅京官奉丁未東京留守統
制官薛廣及金人戰于相州敗死巳酉郭三益薨是
秋窩里温榭懶破五馬山砦信王榛不知所終馬擴
軍敗于北京之清平冬十月甲寅命楊州濬隍修城
闕江淮州郡水軍楊應誠還自高麗戊午遣劉光世
討李成壬戌禁江浙閉糴癸亥黏罕圍濮州遣韓世忠

宋史本紀卷第二十五
范瓊領兵至東平開德府分道拒戰又命馬擴援之
甲子命孟忠厚奉隆祐太后幸杭州楊進復叛攻汝
洛命翟進擊于鳴臯山翟進戰死丙子罷吏部審量
崇寧大觀以來濫賞止令自陳是月劉正彥擊丁進
降之十一月辛巳朔提舉嵩山崇福宮李綱責授單
州團練副使萬安軍安置劉光世及李成戰于新息
縣成敗走高麗國王王楷遣其臣尹彥頤入見金人
圍陝州守臣李彥仙拒戰卻之壬辰金人陷延安府
權知府劉選總管馬忠皆遁通判府事魏彥明死之
癸巳趙哲大破葉濃于建州城下濃遁而降復謀為

變張俊擒斬之乙未金人陷濮州執守臣楊粹中又
陷開德府守臣王棨歿之以魏行司充金國軍前通
問使庚子詣壽寧寺朝饗祖宗神主壬寅冬至祀昊
天上帝于園丘以太祖配大赦金人陷相州守臣趙
不試歿之甲辰陷德州兵馬都監趙叔取歿之庚戌
立士庶子弟習射補官法是月節制陝西軍馬王庶
為都統制曲端所拘奪其印四川茶馬趙開罷官買
賣茶給引通商如政和法金人犯晉寧軍守臣徐徽
言拒卻之知府州折可求以城降金人陷淄州涇原
兵馬都監吳玠襲斬史贊濱州賊蓋進陷棣州守臣

姜剛之死之京東賊李民詣行在請降王淵殲其衆
留民爲將十二月乙卯太后至杭州扈從統制苗傅
以其軍八千人駐奉國寺庚申金人犯東平府京西
路制置使權邦彥棄城去又犯濟南府守臣劉豫以
城降甲子金人陷大名府提默刑獄郭永罵敵不屈
死之轉運判官裴億降又陷襲慶府乙丑陷虢州丙
寅初命修國史己巳以黃潛善爲尚書左僕射兼門
下侍郎注伯彥右僕射兼中書侍郎顏岐門下侍郎
朱勝非中書侍郎兵部尚書盧益同知樞密院事辛
未金人犯青州丁丑特進致仕余深金紫光祿大夫

致仕薛昂並分司進昌軍徽州居住耿南仲再責單
州別駕唐恪追落觀文殿大學士戊寅以禮部侍郎
張浚兼御營參贊軍事教習長兵是冬杜充決黃河
自泗入淮以阻金兵

三年春正月庚辰朔帝在揚州以京西北路兵馬鈐
轄翟興爲河南尹京西北路安撫制置兼招討使京
西賊貴仲正陷岳州甲申以資政殿學士路允迪簽
書樞密院事丁亥金人再陷青州又陷濰州焚城而
去京東安撫劉洪道入青州守之己丑奉安西京會
聖宮累朝御容于壽寧寺占城國入貢趣大金通問

使李鄴周望宋彥通吳德休等往軍前辛卯陝州都
統邵興及金人戰于潼關敗之復虢州乙未杜充遣
岳飛桑仲討其叛將張用于城南其徒王善救之官
軍敗績庚子張用王善寇淮寧府守臣馮長寧却之
詔百官聞警遣家屬避兵致物情動搖者流丙午黏
罕陷徐州守臣王復及子倚死之軍校趙立結鄉兵
為興復計御營平寇左將軍韓世忠軍潰于沐陽其
將張遇死世忠奔鹽城金兵執淮陽守臣李寬殺轉
運副使李跋以騎兵三千取彭城間道趣淮甸戊申
至泗州二月庚戌朔始聽士民從便避兵命劉正彥

部兵衛皇子六宮如杭州江淮制置使劉光世阻淮
拒金人敵未至自潰金人犯楚州守臣朱琳降辛亥
金人陷天長軍壬子內侍鄭詢報金兵至帝被甲馳
幸鎮江府是日金兵過揚子橋癸丑游騎至瓜洲太
常少卿季陵奉太廟神主行金兵追之失太祖神主
王淵請幸杭州命留朱勝非守鎮江以吏部尚書呂
頤浩為資政殿大學士江淮制置使都巡檢使劉光
世為殿前都指揮使充行在五軍制置使駐鎮江府
控扼江口主管馬軍司楊惟忠節制江東軍馬駐江
寧府是夕發鎮江次呂城鎮金人入真州甲寅次常

州御營統制王亦謀據江寧不克而遁御營平寇前將軍范瓊自東平引兵至壽春其部兵殺守臣鄧紹密丙辰次平江府丁巳金人犯泰州守臣魯班以城降丁進縱兵剽掠王淵誘誅之戊午次吳江縣命朱勝非節制平江府秀州控扼軍馬禮部侍郎張浚副之又命勝非兼御營副使留王淵守平江以忠訓郎劉俊民為閤門祗候齎書使金軍詔錄用張邦昌親屬仍命俊民持邦昌貽金人約和書藁以行金人陷滄州守臣劉錫棄城走己未次秀州命呂頤浩往來經制長江以龍圖閣待制知江州陳彥文為沿江措

置使庚申次崇德縣呂頤浩從行卽拜同簽書樞密院專江淮兩浙制置使以兵三千還屯京口又命御營中軍統制張俊以兵八千守吳江吏部員外郎鄭資之為沿江防托監察御史林之平為沿海防托募海舟守隘壬戌駐蹕杭州金人陷晉寧軍守臣徐徽言死之癸亥下詔罪已求直言令有司具舟常湖迎濟衣冠軍民家屬省儀物膳羞出官人之無職掌者乙丑降德音赦雜犯死罪以下囚放還士大夫被竄斥者惟李綱罪在不赦更不放還蓋用黃潛善計罪綱以謝金人置江寧府權貨務都茶場丁卯百官入

見應廸功郎以上並赴朝參戊辰出米十萬斛卽杭
秀常湖州平江府損直以糴濟東北流寓之人金人
焚揚州已巳用御史中丞張徵言罷黃潛善汪伯彥
以戶部尚書葉夢得爲尚書左丞徵爲右丞庚午詔
平江鎮江府常湖杭越州具寓居京朝官已上姓名
以備簡拔分命浙西監司等官募土豪守千秋垂脚
襄陽諸嶺以拒宣常諸州險要金人去揚州辛未詔
御營使司唯掌行在五軍凡邊防經制並歸三省樞
密金人過高郵軍守臣趙士瑗棄城走潰兵宋進犯
泰州守臣曾班遁壬申罷寧朗司措歛民財者呂頤

浩遣將陳彥渡江襲金餘兵復揚州癸酉靳賽犯通
州韓世忠小校李在叛據高郵甲戌黃潛善汪伯彥
並落職乙亥召朱勝非赴行在留張浚駐平江贈陳
東歐陽澈承事郎官有服親一人恤其家召馬伸赴
行在卒贈直龍圖閣丙子詔士民直言時政得失是
月以王庶爲陝西節制使爲京兆府節制司都統制
曲端爲鄜延經略使知延安府張用據確山號張奔
薨二月巳卯朔日中有黑子庚辰以朱勝非爲尚書
右僕射兼中書侍郎辛巳葉夢得罷以盧益爲尚書
右丞未拜復罷爲資政殿學士御營都統制王淵同

簽書樞密院事呂頤浩爲江南東路安撫制置使知江寧府壬午詔王淵免進呈書押本院文字扈從統制苗傅忿王淵驟得君劉正彥怨招降據盜而賞薄帝在揚州聞官用事恣橫諸將多疾之癸未傅正彥等叛勒兵向闕殺王淵及內侍康履以下百餘人帝登樓以傅爲慶遠軍承宣使御營使司都統制正彥滑州觀察使副都統制傅等追帝遜位于皇子魏國公請隆祐太后垂簾同聽政是夕帝移御顯寧寺甲申尊帝爲睿聖仁孝皇帝以顯寧寺爲睿聖宮大赦以張澂兼中書侍郎韓世忠爲御營使司提舉一行

事務前軍統制張俊爲秦鳳副總管分其衆隸諸軍丁亥以東京留守杜充爲資政殿大學士節制京東西路殿前副都指揮使東京副留守郭仲荀進驅化軍節度使分窠內侍藍珪高邈張去爲張旦曾擇陳永錫于嶺南諸州擇已行傳追還殺之呂頤浩至江寧戊子以端明殿學士王孝迪爲中書侍郎盧益爲尚書左丞張俊部衆八千至平江張浚諭以決策起兵問罪約呂頤浩劉光世招韓世忠來會己丑改元明受張浚奏乞睿聖皇帝親總要務庚寅百官始朝睿聖宮以苗傅爲武當軍節度使劉正彥爲武成軍

明受之變

節度使劉光世爲太尉淮南制置使范瓊爲慶遠軍節度湖北制置使楊惟忠加少保張浚爲禮部尚書及呂頤浩並赴行在傅等以御營中軍統制吳湛主管步軍司黃潛善汪伯彥並分司衡永州居住王孝迪盧益爲大金國信使進士黃太本吳時敏爲先期告請使置行在都茶場呂頤浩奏請睿聖皇帝復大位金人陷鄜州癸巳張浚命節制司參議官辛道宗措置海船遣布衣馮輻持書說傅正彥甲午有司請尊太后爲太皇太后不許呂頤浩率勤王兵萬人發江寧乙未再貶黃潛善鎮東軍節度副使英州安置

劉光世部兵會呂頤浩于丹陽丙申韓世忠自鹽城收散卒至平江張俊假兵二千戊戌赴行在辛丑傅等以世忠爲定國軍節度使張俊爲武寧軍節度使知鳳翔府張浚責黃州團練副使彬州安置俊等皆不受傅等遣軍駐臨平拒勤王兵壬寅日中黑子沒盧益罷呂頤浩至平江水賊邵青入泗州癸卯太后詔睿聖皇帝宜稱皇太弟天下兵馬太元帥康王皇帝稱皇太姪監國賜傅正彥鐵券呂頤浩張浚傅檄中外討傅正彥執黃太本下獄乙巳太后降旨睿聖皇帝處分兵馬重事張俊率兵發平江劉光世繼之

丙午張浚同知樞密院事翰林學士李昉御史中丞鄭穀並同簽書樞密院事呂頤浩張浚發平江丁未次吳江奏乞建炎皇帝還卽尊位朱勝非召傅正彥至都堂議復辟傅等遂朝睿聖官金人陷京東諸郡劉洪道棄青州去撻懶以劉豫知東平府節制河南州郡趙立復徐州夏四月戊申朔太后下詔還政皇帝復大位帝還宮與太后御前殿垂簾詔尊太后爲隆祐皇太后己酉詔訪求七祖神主以苗傅爲淮西制置使劉正彥副之庚戌復紀年建炎命張浚知樞密院事苗傅劉正彥並檢校少保呂頤浩張浚軍次

臨平苗翊馬柔吉拒戰不勝傅正彥引兵二千夜遁辛亥皇太后撤簾呂頤浩等入見傅犯富陽新城二縣遣統制王德喬仲福追擊之癸未朱勝非顏岐王孝廸張澂路允迪俱罷以呂頤浩爲尚書右僕射兼中書侍郎李昉尚書右丞鄭穀簽書樞密院事甲寅以劉光世爲太尉御營副使韓世忠爲武勝軍節度使御前左軍都統制張俊爲鎮西軍節度使御前右軍都統制勤王所僚屬將佐進官有差主管殿前司王元左言並責官英賀州安置樞密都承旨馬瑗停官永州居住吏部員外郎范仲熊浙西安撫司主管

機宜文字時希孟並除名柳州吉陽軍編管斬中軍
統制吳湛工部侍郎王世修于市贈王淵開府儀同
三司乙卯大赦舉行仁宗法度應嘉祐條制與今不
同者自官制役法外賞格從重條約從寬罷上供不
急之物元祐石刻黨人官職恩數追復未盡者令其
家自陳許中外自陳丁巳禁內侍交通主兵官及饋
遺假貸借役禁兵干預朝政庚申詔尚書左右僕射
並帶同中書門下平章事改門下中書侍郎爲參知
政事省尚書左右丞以李邴參知政事詔行在職事
官各舉所知併省館學監等官苗傅犯衢州癸亥

以給事中周望爲江浙制置使丁卯帝發杭州留鄭
穀衛皇太后以韓世忠爲江浙制置使及劉光世追
討傅正彥巳巳詔傅正彥當首領苗傅張達不赦餘黨
並原壬申立子魏國公芳爲皇太子赦傅黨王鈞甫
馬柔吉罪許其自歸丙子范瓊自光斬引兵屯洪州
是月劉文舜寇濠州西北賊薛慶襲據高郵軍五月
戊寅朔帝次常州以張浚爲宣撫處置使以川陝京
西湖南北路隸之聽便宜黜陟庚辰苗傅統領官張
翼斬王鈞甫馬柔吉降辛巳次鎮江府遣祭張懋陳
東莫詔恤其家癸未以翰林學士滕康同簽書樞密

院事乙酉至江寧府駐蹕神霄宮政府名建康起復朝散郎洪皓爲大金通問使丁亥以徽猷閣直學士陳彥文提領水軍措置江浙防托召藍珪等速還朝已丑韓世忠追討傅正彥于浦城縣獲正彥傅遁走張浚撫諭薛慶于高郵爲慶所留乙未浚罷以御營前軍統制王瓌爲淮南招撫使己亥復置中書門下省檢正官省左司郎中二員苗傅裨將江池殺苗翊降于周望傳走建陽縣土豪詹標執之以獻辛丑張浚還自高郵復命知樞密院事是月翟興擊殺楊進餘黨復推其徒劉可拒官軍六月戊申朔以東京

留守杜充引兵赴行在命兼宣撫處置副使節制淮南京東西路己酉以久雨召郎官已上言闕政呂頤浩請令實封以聞遂用司勳員外郎趙鼎言罷王安石配饗神宗廟庭以司馬光配王善攻淮寧府不克轉寇宿州統領王冠戰敗之甲寅罷賞功司乙卯命恤死事者家且錄其後升浙西安撫使康允之爲制置使丙辰劉光世招安苗傅將韓侂戊午命江浙淮南引塘濶開畝澮以阻金兵庚申皇太后至建康府辛酉以久陰下詔以四失罪己一曰昧經邦之大略二曰昧戡難之遠圖三曰無綏人之德四曰失馭臣

之柄仍榜朝堂徧諭天下使知朕悔過之意以帶御
器械李質權同主管殿前司乙丑以建康府路安撫
使連南天兼建康府宣徽太平等州制置使丁卯右
司諫袁植請誅黃潛善及失守者權邦彥等九人詔朕
方念咎責已豈可盡以過失歸於臣下遂罷植知池
州以趙鼎爲右司諫癸酉置樞密院檢詳官以右司
郎中劉寧止爲沿江措置副使甲戌移御行宮乙亥
詔諭中外以迫近防秋請太后率宗室迎奉神主如
江表百司庶府非軍旅之事者並令從行朕與輔臣
宿將備禦寇敵應接中原官吏士民家屬南去者有

王

司毋禁金人陷磁州是夜賊貴仲正降秋七月戊寅
贈王復爲資政殿學士己卯親慮囚辛巳苗傅劉正
彥伏誅癸未進韓世忠檢校少保武勝昭慶軍節度
使御營使司都統制范瓊自洪州入朝以瓊爲御營
使司提舉一行事務後軍統制辛未爲都統制命
學士院草夏國書大金國表本付張浚甲申詔以苗
劉之變當軸大臣不能身衛社稷朱勝非顏岐路允
迪並落職張浚衡州居住以知廬州胡舜陟爲淮西
制置使知江州權邦彥兼本路制置使金人犯山東
安撫使劉洪道棄維州遁萊州守將張成舉城降丁

亥以范瓊跋扈無狀收下大理獄分其兵隸神武五軍皇太子薨諡元懿戊子鄭穀薨己丑以資政殿大學士王綱參知政事兵部尚書周望同簽書樞密院事庚寅仙井監鄉貢進士李時雨上書乞選立宗子係屬人心帝怒斥還鄉里辛卯升杭州爲臨安府壬辰言者又論范瓊逼遷徽宗及迎立張邦昌瓊辭伏賜死子弟皆流嶺南劉洪道復青州執金守向大猷乙未遣謝亮使夏國丁酉遣崔縱使金軍前庚子張浚發行在辛丑王瓊與靳賽遇合戰敗績壬寅命李邠滕康權知三省樞密院事扈從太后如洪州楊惟

忠將兵萬人以衛以杜充同知樞密院事兼宣撫處置副使乙巳詔江西閩廣荆湖諸路團教峒丁槍杖手山東賊郭仲威陷淮陽軍翟興引兵入汝州與賊王俊戰敗之八月己酉移浙西安撫司于鎮江府庚戌李邠罷壬子以吏部尚書劉珪爲端明殿學士權同知三省樞密院事甲寅王庶罷以徽猷閣直學士知慶陽府王似爲陝西節制劉文舜入舒州己未太后發建康丁卯遣拉時亮使金軍前閏八月丁丑朔以胡舜陟爲沿江都制置使集英殿脩撰王義叔副之丁亥輔達掠漣水軍殺軍使郝璘率衆降于三

已丑以呂頤浩守尚書左僕射充守右僕射並同中書門下平章事庚寅起居郎胡寅上書言二十事呂頤浩不悅罷之辛卯命杜充兼江淮宣撫使守建康前軍統制王瓚隸之韓世忠爲浙西制置使守鎮江劉光世爲江東宣撫使守太平池州並受充節制丁酉太后至洪州己亥減福建廣南歲上供銀三之一詔制置使唯用兵聽便宜餘事悉禁壬寅帝發建康復還浙西張俊辛金宗以其軍從甲辰次鎮江府賜陳東家金張浚次襄陽招官軍義兵分屯襄郢唐鄧以程千秋李克文節制是月知濟南府宮儀及金

人數戰于密州兵潰儀及劉洪道俱奔淮南守將李達以密州降金斡賽詣劉光世降九月丙午朔日有食之諜報金人治舟師將由海道窺江浙遣韓世忠控守圖山福山辛亥次平江府壬子金人陷單州興仁府遂陷南京執守臣凌唐佐降之癸丑以周望爲兩浙荆湖等路宣撫使總兵守平江翰林學士張守同簽書樞密院事命劉光世移屯江州丙辰遣張邵等充全國軍前通問使金人陷沂州却高麗入貢使張浚承制罷知潭州辛炳起復直龍圖閣向子諲代之丁巳蠲諸路青苗積欠錢辛酉知鼎州邢侗坐結

耶律余覲再責汝州團練副使英州安置癸亥賜宿
泗州都大提舉使李成軍絹二萬匹成尋復叛己巳
以胡舜陟為宣撫司參謀官知鎮江府陳邦光為沿
江都制置使庚午以工部侍郎湯東野知平江府兼
浙西制置使辛未追復鄒浩龍圖閣待制壬申夜潭
州禁卒作亂謀竄不果向子諲隨招安之甲戌金帥
婁宿犯長安經略使郭瑛棄城遁河北賊鄧瓊圍光
州冬十月丙子朔詔按察官歲上所發擿賊吏姓名
以為殿最庚辰禁諸軍擅入川陝癸未帝至杭州復
如浙東庚寅渡浙江郭仲威詣周望降望以仲威為

本司統制辛卯李成陷滁州殺守臣向子伋壬辰帝
至越州癸巳命提舉廣西峒丁李斌市馬邕州置牧
養務戊戌初命東南八路歲收經制五項錢輸行在
張浚治兵于興元府金人陷壽春府庚子陷黃州守
臣趙令歲死之辛丑張浚以同主管川峽茶馬趙開
為隨軍轉運使專總四川財賦金人自黃州濟江劉
光世引軍遁知江州韓招棄城去金人自大冶縣趨
洪州是月京西賊劉滿陷信陽軍殺守臣趙士負盜
入宿州殺通判盛備己十一月乙巳朔金人犯廬州
守臣李會以城降王善叛降金金人執之丁未詔降

雜犯死罪釋流以下囚聽李綱自便追復宋齊愈官
貴仲正犯荆南兵馬鈐轄渠成與戰斬之戊申金帥
兀朮犯和州守臣李儔以城降通判唐璟死之己酉
張浚出行關陝兀朮陷無爲軍守臣李知幾棄城走
壬子太后遷保慶州江西制置使王子獻棄洪州走
丁巳金人陷臨江軍守臣吳將之遁戊午遣孫悟等
充金國軍前致書使金人陷洪州權知州事李績中
以城降撫袁二州守臣王仲山王仲巖皆降淮賊劉
忠犯蘄州韓世清逆戰破之忠入舒州殺通判孫知
微庚申金人陷真州守臣向子志棄城去辛酉太后

至吉州壬戌金人犯建康府陷溧水縣尉潘振死之
癸亥金人陷太平州主管步軍司閻勅自西京奉累
朝御容至行在詔奉安于天慶觀壽命勅節制淮西
軍馬以拒金人甲子杜充遣都統制陳淬岳飛等及
金人戰于馬家渡王瓌以軍先遁淬敗績死之乙丑
以檢正諸房公事傅崧卿爲浙東防遏使太后發言
州次太和縣護衛統制杜彥及後軍揚世雄率衆叛
犯永豐縣知縣事趙訓之死之余人至太和縣太后
自萬安陸行如虔州丁卯下詔回浙西迎敵金人犯
吉州守臣楊淵棄城走又陷六安軍己巳帝登越州

次錢清鎮庚午復還越州以周望同知樞密院事仍兼兩浙宣撫使守平江殿前都指揮使郭仲荀為副使守越州右軍都統制張俊為浙東制置使從行御史中丞范宗尹參知政事辛未兀朮入建康府守臣陳邦先戶部尚書李柁迎拜通判楊邦乂拒之癸酉帝如明州金人犯建昌軍兵馬監押蔡迺世擊却之甲戌兀朮殺楊邦乂韓世忠自鎮江引兵之江陰軍江淮宣撫司潰卒李選攻陷鎮江淮西兵馬都監王宗望以濠州降于金是月兀朮至秦州桑仲自唐州犯襄陽京西制置使程千鈞敗走仲遂據襄陽十二

狼狽至此

月乙亥朔張浚承制廢積石軍丙子帝至明州丁丑江淮宣撫司準備將戚方擁眾叛犯鎮江府殺守臣胡唐老辛巳金人陷常州守臣周祀遣赤心隊官劉晏擊走之陷廣德軍殺守臣周烈劉光世引兵趨南康軍壬午定議航海避兵禁卒張寶等憚行謀亂命呂頤浩等伏兵執寶等十七人斬之甲申張浚承制拜涇原經略使曲端為威武大將軍宣撫處置使司都統制乙酉兀朮犯臨安府守臣康允之棄城走錢塘縣令朱躡死之己丑帝乘樓船次定海縣給行在諸軍雪寒錢辛卯留范宗尹趙鼎于明州以候金使

癸巳帝次昌國縣乙未杜彥犯潭州殺通判孟彥卿
趙民彥金人屠洪州戊戌金人犯越州安撫使李鄴
以成降衛士唐琦袖巨石要擊金帥琶八不克死之
郭仲荀棄軍奔温州庚子移幸溫合癸卯黃潛善卒
于英州李成自滁州引兵之淮西

卷第二十五

本紀卷第二十六

宋史二十六

開府儀同三司柱國魏國公事前中書丞相魏國公領經筵事都統裁臣脫等奉
勅

高宗三

四年春正月甲辰朔御舟碇海中乙巳金人犯明州
張俊及守臣劉洪道擊却之丙午帝次台州章安鎮
己酉遣小校自海道如處州問安太后庚戌金人再
犯明州張俊引兵去浙東副總管張思政及劉洪道
繼適癸丑賊郭仲荀汝州團練副使廣州安置丙辰
詔原兩浙州郡降金官吏丁巳婁宿陷陝州守臣李

碇同釘種
舟石也

彥仙死之己未金人陷明州夜大雨震電乘勝破定
 海以舟師來襲御舟張公裕以大船擊退之辛酉廢
 章安鎮壬戌雷雨又作甲子泊温州港口乙丑以中
 書舍人李正民為兩浙湖南江西撫諭使請太后問
 安丁卯台州守臣晁公為棄城遁處州衛兵及鄉兵
 相殺縱火肆掠三日劉可轉寇京西屢為桑仲所敗
 至是為其黨所殺復推劉超據荆門軍戊辰滕康劉
 珪罷仍奪職己巳換給僧道度牒人輸錢十千辛未
 命臣僚條具兵退之後措置之策駐蹕之所是月金
 人攻楚州守臣趙立拒之金人犯邠州曲端遣涇原

路副總管吳玠拒戰敗之于彭原之葛同州張浚遣
 謝亮使夏國至則其主乾順已稱制遂還二月甲午
 朔鄴瓊率眾降于劉光世叛將傅選詣處州乞降乙
 亥奉安祖宗神御于福州詔復以盧益為資政殿學
 士李回端明殿學士並權知二省樞密院事金人陷
 潭州將吏王暕劉价趙聿之戰死向子諲率兵奪門
 亡去金兵大掠屠其城丙子金人自明州引兵還臨
 安癸未處州鄉兵首領陳新率眾數萬圍城叛將胡
 友亦犯處州與新戰破之新乃去甲申禁迓卒殺刺
 別軍丙戌金人自臨安退兵命劉光世率兵追之丁

亥金人陷汴京權留守上官悟出奔為盜所殺庚寅
帝次溫州浙東防遏使傅崧卿入越州辛卯金人陷
秀州甲午知蔡州程昌寓棄城南歸鼎州民鍾相作
亂自稱楚王乙未杜充罷丙申以金兵退肆赦張浚
承制以陝西制置使王似知成都府罷諸路武臣提
點刑獄李成入歸州金游騎至平江周望奔太湖守
巨湯東野亦遁茶陵縣軍賊二千餘人犯郴州永興
縣戍戍金人入平江縱兵焚掠辛丑白虹貫日鍾相
陷澧州殺守臣黃宗權湖北制置使傅容招諭孔彥
舟彥舟聽命因以為湖南北提殺使荆南守臣唐忠

棄城去金人陷醴州守臣王淑棄城去是月張浚自
秦州引兵入援二月癸卯朔孔彥舟入鼎州金人去
平江統制陳思恭以舟師邀敗其後軍于太湖呂頤
浩請幸浙西丙午趙鼎言金兵去未遠遂緩其行丁
未命發運司說諭兩浙富民助米以備巡幸辛亥遣
兵部員外郎馮康國等撫諭荆湖南北廣南諸路壬
子金人入常州守臣周杞棄城去甲寅遣盧益及御
營都統制辛企宗奉迎太后東遷丙辰金人犯終南
縣經略使鄭恩戰敗死之丁巳金人至鎮江府韓世
忠屯焦山寺邀擊之詔侍從官各舉可充監司者一

二人辛酉御舟發溫州宣撫司節制軍馬李允文部
兵至鄂州御管前軍將楊勅叛甲子張浚請便宜辟
官不許衝改戊辰孔彥舟擊敗鍾相禽相及其子子
昂檻送行在巳巳賊方陷廣德軍殺權通判王儔夏
四月癸酉蠲江西州縣兵盜殘破民家夏稅戊寅吳
玠及金人戰于邵州彭原店敗績部將楊晟死之巳
卯以觀文殿學士朱勝非爲江西湖南北宣撫使是
日張浚引兵至房州知金兵退乃還癸未帝駐越州
甲申下詔親征巡幸浙西韓世忠駐軍揚子江要金
人歸路屢敗之兀朮引軍走建康乙酉以御史中丞

趙鼎爲翰林學士鼎固辭不拜賊方圍宣州劉光世
遣統制王德誘誅劉文舜于饒州丙申用趙鼎劾奏
呂頤浩罷爲鎮南軍節度使醴泉觀使命三省樞密
院同班奏事韓世忠及兀朮再戰江中金人乘風縱
火世忠敗績兀朮渡江屯六合縣丁酉復以趙鼎爲
御史中丞戊戌振明州被兵民家巳亥以張浚爲浙
西江東判判置使辛丑王德破妖賊王宗石于信州貴
溪縣執其渠帥諸縣悉平是月金人犯江西者自荆
門軍北歸留守司同統制牛皐潛軍寶豐擊敗之五
月甲辰以范宗尹爲尚書右僕射兼御管使辛亥統

領赤心隊軍馬劉晏及戚方戰于宣州敗死壬子金
 人焚建康府執李杓陳邦光而去淮南宣撫司統制
 岳飛邀擊于靜安鎮敗之是夜紫微垣內有赤雲巨
 天白氣貫其中癸丑詔臺諫等官各舉所知二人以
 張守參知政事趙鼎僉書樞密院事以白金三萬兩
 賜韓世忠軍贈戰歿將孫世詢嚴永吉張淵等官甲
 寅金人陷定遠縣執閻勅去勅不屈死之巨師古擊
 戚方于宣州數敗之方引去乙卯王綯罷丁巳命劉
 光世移軍捕戚方楊勅犯婺州戊午復置權尚書六
 部侍郎癸亥詔中原淮南流寓士人聽所在州郡附

試甲子周望罷尋分司衡州居住置京畿淮南湖北
 京東西路鎮撫使乙丑升高郵軍為承州以翟璽為
 汝趙立劉位趙霖李成吳翊李彥先薛應並為鎮撫
 使與河南府汝唐州立楚泗州漣水軍位濠州霖
 和州無為軍成舒翊光黃州彥先海州淮陽軍慶
 承州天長軍丁卯慶及金人戰于承州城下累敗之
 戊辰命江浙州縣祭戰死兵民分江東西為鄂州江
 州池州三路置安撫使罷諸路帥臣兼制置使諸州
 守臣兼管內安撫使是月劉超據荆南分兵犯峽州
 又合叛將彭筠犯復州淮西敗將崔增陷焦湖水砦

河東北經制使王俊舉兵及金人戰于襄城縣敗之
復領昌府張浚承制以金房州隸利路六月辛未朔
獨紹興府三縣湖田米詔侍從臺諫諸將集議駐蹕
事宣揚訪犯處州癸酉遣統制陳思恭討訪合江南
兩路轉運為部轉運使再改周望昭化軍節度副使
連州安置甲戌罷御營司以范宗尹兼知樞密院事
乙亥王燮遣統領林閻等討襲揚訪于東陽縣軍敗
裨將李在死之丁丑以劉光世部兵為御前巡衛軍
光世為都統制揚訪等謀大建州戚方犯湖州安吉縣
詔張俊捕之戊寅更御營五軍

為神武副軍以知建康

州權臣在淮南等路制置

發運使除張鎮撫使副

位為賊張文舉所殺命其子

綱襲職庚辰置鎮撫使

六人陳規德安府復州漢陽

軍解潛荆南府歸陝州

加門公安軍程昌寓鼎澧州

陳求道襄陽府鄧隨郢

州范之才金筠房州馮長寧

淮寧順昌府蔡州辛巳

慮囚申命有司討論董正崇

寧以來濫賞罷諸州添

左通判職官癸未召劉光世

赴行在甲申岳飛破戚

方于廣德軍乙酉鍾相偽將

胡源引兵入慈利縣執

其黨陳誠來降丙戌以呂頤

浩為建康路安撫大使

劉光世為兩浙路安撫大使

劉光世為兩浙路安撫大使

朱勝非為江州路安撫大使郭仲威為真揚州鎮撫使戚方請張俊降庚寅召韓世忠率兵赴行在辛卯妖賊王宗石等伏誅壬辰權密州都巡檢徐文舉部兵泛海來歸甲午置樞密院幹辦官四員乙未郭仲威死鎮江府遣岳飛擊之是月兀朮聞張浚在秦州將舉兵北伐自六合引兵趨陝西秋七月癸卯劉元世降宣撫使例乞便宜行事不許詔軍興以來諸州得便宜指揮者並罷乙巳馮長寧復順昌府張浚罷出都統制丁未以劉光世為集慶軍節度使開府兼同三司戊申以孔彥舟為夔元靖州鎮撫使張浚獻黃金萬兩助軍用宣撫司遣統制官呂世存王俊復鄜州其餘州縣多迎降後軍將王闢叛陷歸州鈐轄田祐恭擊敗之己酉王闢犯房州守臣章知幾棄城走庚戌楊勅受劉光世招安尋復叛去迫泉州癸丑崔增犯太平州守臣郭偉拒却之乙卯金人徙二帝自韓州之五國城劉光世乞移司平江不許丙辰張俊合諸將戚方等兵萬餘赴行在丁巳申命元祐黨人子孫于州郡自陳盡還當得恩數韓世忠張俊並罷己未禁閩廣淮浙海舶商販山東慮為金人鄉導詔江浙福建州縣諭豪右募民兵據險立柵防遏

外寇庚申以岳飛為通泰州鎮撫使辛酉建州民范汝為作亂命統制李捧捕之乙丑復李邦彥以下十九人官職聽自便復李綱銀青光祿大夫許翰顏岐端明殿學士張浚貶曲端階州居住丁卯金人立劉豫為帝國號齊戊辰罷提領措置茶鹽司己巳詔王瓌部兵屯信州程昌寓遣將杜湛禽李合戎于松滋縣是月張用據漢陽軍沿江措置副使李允文招降之以便宜徙鄂州路副總管以右軍統制馬友知漢陽軍八月辛未朔以禮部尚書謝克家參知政事壬申李成誥降于江州詔撫納之張浚停程千秋官文

州編管癸酉選神武中軍親兵六百人番直禁中甲戌詔侍從官日一員輪直進故事關治體者丁丑以韓世忠為檢校少師武成感德軍節度使張俊檢校少保寧武昭慶軍節度使贈監察御史常安民為左司諫江公望左諫議大夫錄其後二人庚辰太后至自虔州蕪慶及金人戰于揚州城下死之郭仲威奔興化縣辛巳侍御史沈與求戶部侍郎李陵以論宰相范宗尹皆黜宗尹復視事癸未盧益罷張浚復永興軍再敗曲端海州團練使萬州安置甲申陳萬信餘黨雷進作亂乙酉焚慈利石門二縣以御營司察

議官王擇仁權河東制置使山砦首領韋忠佺爲都
統制宋用臣馮賽同都統制丙戌命李成吳翊捍禦
上流翊棄城去以成爲四州鎮撫使命李捧便道過
信州招捕靳賽戊子以饒信妖賊平赦二州徒以下
囚蠲民今年役錢貶滕康永州劉珩衡州並居住已
丑詔岳飛救楚州仍命劉光世遣兵往援辛卯杜湛
渡江討羣賊復石首等五縣壬辰盜入梅州殺守臣
沈同之火掠而去癸巳命福建安撫使程邁會兵討
范汝爲甲午知虢州邵興遣統制閻興及金人戰于
鮮州東屢破之金人陷承州命陳思恭屯兵明州以

防海道劉光世遣王德鄴瓊以輕兵渡江乙未遇金
游騎丁召伯隸敗之戊戌以桑仲爲襄陽鄧隨郢州
鎮撫以是月罷提舉廣西峒丁孔彥舟入潭州宣撫
司叅議官王以寧率兵拒之以寧敗遁去宣撫司主
管機宜文字傅雲在彥舟軍中承制以彥舟權湖南
副總管劉綱以乏食率兵奔溧陽九月辛丑呂頤浩
入見請益兵命王瓌巨師古顏孝恭兵隸之分屯境
內壬寅詔諸路決囚甲辰徽宗皇后鄭氏崩于五國
城戊申命秦鳳將關師古領兵赴行在劉豫僭位于
北京庚戌禁宣撫司僚屬便宜行事及京西湖南北

路勿隸川陝宣撫司節制癸丑涇原同統制李彥琦
及金人戰于洛河車渡敗之乙卯罷中書門下省檢
正官桑仲陷均房州進犯白土關丙辰復增左右司
郎官爲四員金人攻楚州趙立死之丁巳趙霖復和
州李成遣馬進犯興國軍戊午荆襄賊趙延壽犯德
安府陳規拒却之己未金均房安撫使王彥及桑仲
戰于平麗縣敗之王闢詣彥降辛酉李捧擊范汝爲
于建州官軍皆潰捧遁去金人犯揚州統制靳賽逆
戰于港河敗之金人陷延安府執呂世存又陷保安
軍癸亥張浚遣都統制劉錫統五路兵及金將婁宿

秦檜

戰于富平縣浚駐邠州督戰官軍敗績丙寅給劉光
世犒軍銀二萬兩絹二萬匹戊辰趙延壽焚郢州金
人陷楚州鎮撫使李彥先來救兵敗死之冬十月庚
午朔張浚斬環慶經略使趙哲于邠州貶劉錫合州
安置命諸將各領兵歸本路浚退保秦州陝西大震
辛未秦檜自楚州金將撻懶軍中歸于漣水軍丁襪
水砦壬申命楊惟忠王瓌討李成丙子以孔彥舟爲
鼎澧辰沅靖州鎮撫使戊寅鍾相餘黨楊華舉兵圍
桃源縣己卯馬進犯江州癸未程昌寓入鼎州擊楊
華破之甲申趣劉光世救楚州丁亥以李回同知樞

密院事庚寅遣前御史臺檢法官謝嚮招范汝為召
張浚以兵入援追復李邦彥觀文殿大學士辛卯虔
州賊李敦仁及弟世雄舉兵破處州石城縣甲午命
楊惟忠率兵屯江州乙未岳飛破金人于承州丙申
詔劉光世節制諸鎮守禦通泰州伺便襲金人過淮
是月馮長寧棄城去尋以淮寧附劉豫江東賊張琪
犯建康府劉淇道招降之環慶路統制慕洵叛附于
夏國汪原統制張中彥經略司幹辦趙彬叛降金人
劉忠據岳州平江縣白面山王善餘黨祝友擁衆為
亂屯滁州龔家城十一月癸卯慕洵遂引金人圍環

州呂頤浩復南康軍甲辰趙鼎罷乙巳秦檜入見丙
午岳飛棄秦州渡江丁未金人犯秦州飛退保江陰
軍沙上以御史中丞富直柔僉書樞密院事秦檜為
禮部尚書李允文殺岳州守臣袁植呂頤浩會楊惟
忠與馬進戰南康軍不利戊申頤浩遣巨師古救江
州為進所敗師古奔洪州金人陷汪原經略使劉錡
退屯瓦亭己酉以孔彥舟為湖南副總管部兵屯潭
州庚戌命神武副軍都統制辛企宗討范汝為壬子
日南至率百官遙拜二帝乙卯改樞密院幹辦官為
計議官丙辰金人陷秦州丁巳通州守臣呂伸棄城

去王彥攻桑仲于黃水破之房州平張浚以彥為金均房州鎮撫使崔增犯池州劉洪道遣統制李貴擊走之增以兵萬餘詣呂頤浩降甲子詔諸路守臣節制管內軍馬丙寅金房州賊郭希犯歸州田祐恭擊卻之命王夔帥兵萬人速援呂頤浩祝友渡江大掠是月張浚退軍興州秦鳳副總管吳玠收餘兵保大散關東和尚原詔諸路轉運司括借寺觀田租蘆場三年十二月庚午安南請入貢卻之辛未遣度支員外郎韓球括饒信諸州錢糧凡江湖川廣上供皆拘之壬申命孔彥舟援江州丙子禁節制軍馬守臣便

宜行事丁丑馬進分兵犯洪州乙丑李敦仁犯撫州崇仁縣命李山張中彥討之壬辰金人犯熙州總管劉惟輔戰敗之殺五千餘人甲午再犯熙州惟輔軍潰被執死之乙未以張俊為江南招討使討李成丁酉范汝為降詔補民兵統領是月張俊承制復海州團練副使曲端左武大夫興州居住是歲宣撫處置司始令四川民歲輸激賞絹三十三萬匹有奇

紹興元年春正月己亥朔帝在越州帥百官遙拜二帝不受朝賀下詔改元釋流以下囚復贖良方正直言極諫科蠲兩浙夏稅和買紬絹絲綿減閩中上供

銀三分之一戊申改命張俊為江淮路招討使復江
池路為江東西路分荆湖江南諸州為荆湖東西路
置安撫司治池江鄂鼎州江南東西路各置轉運司
荆湖東西路轉運司通掌兩路財賦以呂頤浩為江
東路安撫大使朱勝非江西路安撫大使馬進陷江
州守臣姚舜明棄城走端明殿學士王易簡等二百
人皆遇害已酉岳飛引兵之洪州金人犯揚州謝嚮
率范汝為討平建陽賊劉時舉金人犯秦州吳玠擊
敗之庚戌又犯西寧州守臣俱重迎降辛亥謝克家
罷壬子詔京官知縣並堂除內外侍從各舉可任縣

令者二人犯賊連坐自今不歷縣令者勿除監司郎
官不歷外任者勿除侍從著為令張中孚以原州叛
降于金癸丑李敦仁圍建昌軍蔡延世率鄉兵擊退
之賊曹成人漢陽軍李允文招之成人鄂州復趨江
西丁巳呂頤浩遣王瓊崔增擊賊于湖口大敗之頤
浩及楊惟忠引兵趨江州辛酉詔太祖創業垂統德
被萬世神宗詔封子孫一人為安定郡王世世勿絕
自宣和末至今未舉有司其上應襲封人名依故事
舉行金人再圍環州是月張浚復曲端榮州刺史提
舉江州太平觀闡州居住尋移恭州二月戊辰朔宜

章縣民李冬至二作亂犯英連韶都諸州祝友降劉
 光世分其軍以友知楚州庚午改行宮禁衛所為行
 在皇城司李成黨邵友犯筠州守臣王庭秀棄城去
 辛未犯臨江軍守臣康倬遁壬申初定歲祀天地社
 稷如奏告之禮癸酉桑仲自棗陽引兵還襄陽丁丑
 鄜延將李永琦叛犯慶陽府戊寅禁州郡統兵官擅
 招安亂軍盜賊已卯日中有黑子四日乃沒以辛企
 宗為福建制置使辛巳以秦檜參知政事壬午水賊
 張榮入通州癸未詔辛企宗及謝繼隆遣范汝為兵
 汝為不聽命甲申詔王夔張俊倚角討捕馬進等賊

丙戌復置秘書省己丑命孔彥舟呂頤浩張俊會兵
 討李成壬辰雨雹癸巳邵青寇宣州丙申詔諸路提
 刑司以八月類省試張浚亦以便宜合川陝舉人即
 置司類省試丁酉宣教郎范壽坐誣訟孟忠厚且及
 太后除名湖州編管是月李敦仁犯汀州馬友遣其
 黨犯鄂州總管張用拒卻之李允文以友權湖南招
 捉公事友大掠漢陽而去過岳州守臣吳錫遁友據
 之三月戊戌朔以嚴衢二州守臣柳約李處勵有治
 効各進職一等呂頤浩遣崔增王夔合兵擊李成于
 湖口大敗之庚子張浚以富平之敗上疏待罪詔免

壬寅禁諸路過羅丙午張俊楊沂中岳飛渡江擊馬
進大敗之孔彥舟焚掠潭州趨衡州己酉李成犯饒
州庚戌張俊楊沂中復擊馬進于筠河敗之復筠州
進奔江州男子崔紹祖詐稱越王中子受上皇詔爲
天下兵馬大元帥趙霖以聞辛亥詔赴行在命劉光
世兼淮南京東路宣撫使治揚州經畫屯田光世迄
不行甲寅罷諸州免行錢乙卯金人破階州庚申劉
超犯澧州統制杜湛率兵拒之甲子始下詔罪李成
募人禽斬赦脅徙者張俊追馬進至江州進戰敗遁
去乙丑進復江州楊沂中趙密引兵追擊進又大敗

之成奔蘄州振淮南京東西流民荆湖東路安撫使
向子諤說降馬友與共討李冬至二平之是月金人
攻張榮縮頭湖水砦榮擊敗之來告捷劉光世以榮
知秦州金人迫興州張浚退保閬州以端明殿學士
張深爲四川制置使及叅議軍事劉子羽趨益昌叅
謀官王庶爲龍圖閣待制知興元府兼利夔兩路制
置使節制陝西諸路桑仲以其黨李道知隨州夏四
月乙巳張浚承制分利閬劍文政五州爲利州路置
經略安撫使庚午張琪復叛犯當塗縣金將撻懶渡
淮屯宿遷縣馬樂湖壬申太白晝見乙亥劉光世復

楚州階州統領杜肇復階州馬友引兵入潭州戊寅
杜琪棄澧州劉超入據之己卯金涇原帥趙彬犯耀
州守臣趙澄擊走之淮賊寇宏犯濠州庚辰隆祐皇
太后崩癸未桑仲陷鄧州守將譚充棄城走河東招
捉使王俊引兵來援仲執斬之以其黨李橫知州事
乙酉爲太后制暮年服辛卯群臣三上表始聽政癸
巳命向子諲發兵及廣西安撫許中同扼險要防孔
彥舟入廣仍許脅從自新以招諭之是月京西賊李
忠陷商州守臣楊伯孫棄城走呂頤浩遣統制閻臯
通判建昌軍蔡延世襲擊李敦仁禽其弟世雄世臣

五月丙辰朔蠲江西路被賊州縣賦稅丁酉詔呂頤
浩朱勝非劉光世並兼淮南諸州宣撫使始奪李成
官戊戌以張用爲舒蘄鎮撫使癸卯作大宋中興寶
成金人犯和尚原吳玠擊敗之丙午初復詔試館職
之制劉光世遣統制王德襲揚州執郭仲威以獻伏
誅辛亥水軍統制邵青叛圍太平州趙彬及金人合
兵圍慶陽府守臣楊可昇擊敗之甲寅命知南外宗
正事令廣選年幼宗子將育于宮中詔收耆戶長役
錢己未詔州縣因軍期徵取民財物者立式榜示禁
過數催擾庚申孔彥舟引衆過潭州馬友迎擊大敗

吳木

之彥舟趨岳州犯鄂州李允文以彥舟爲湖東副總管屯漢陽辛酉以直秘閣宗綱爲荆南鎮撫司措置營田官樊賓爲副壬戌劉光世招降邵青趙延壽據分寧縣呂頤浩招降之是月張俊及李成戰于黃梅縣殺馬進成敗遁歸劉豫李忠譚兗各率兵歸張浚浚命王庶分其兵張用復叛寇江西岳飛招降之湖州進士吳木上書論宰執送徽州編管六月己巳始鬻承直修武郎以下官壬申冊謚皇太后曰昭慈獻烈甲戌張琪犯餘杭州又犯宣州乙亥月犯心庚辰湖賊楊華楊廣犯鼎州程昌寓拒邵之上虞縣丞婁

寅亮上書請選立繼嗣壬午權檟昭慈獻烈皇后于越州張琪犯徽州守臣郭東棄城去琪入據之癸未張浚引大兵至瑞昌縣之丁家洲李允文自鄂部兵歸浚浚并其兵護允文赴行在邵青率舟師至鎮江甲戌復叛去丁亥崇安民廖公昭合范汝爲餘黨熊志寧作亂衆旣散志寧復與建陽民丁朝佐合兵陷二縣戊子慮囚己丑邵青犯江陰軍之福山遣海州鎮撫使李進彥中軍統制耿進率舟師會劉光世討之南安賊吳忠宋破壇劉洞天作亂庚寅江西提刑司遣官討之破壇洞天皆伏誅忠遁去癸巳熙河統

制關師古洮東安撫郭玠同討熙州叛兵連敗之甲
午廣賊鄧慶龔富圍南雍州守臣鄭成之率兵民以
拒蠲建劔汀州邵武軍租是月知虢州邵興屯盧氏
縣爲河南統制董先所破走興元先遂取商虢二州
張浚承制以吳玠爲陝西諸路都統制時關隴六路
盡陷止餘階成岷鳳洮五郡鳳翔之和尚原隴州之
方山原黏罕旣得陝西地悉與僞齊秋七月乙未朔
以馬友權荆湖東路副總管趣討孔彥舟統制潘逵
後軍將胡江等叛破玉山弋陽永豐三縣遣樞密使
準備將領徐文討之戊戌吳錫復入邵州庚子以岳

飛爲神武右副軍統制留軍洪州彈壓盜賊辛丑封
伯右武衛大將軍令話爲安定郡王壬寅虔州賊陳
顯作亂命趣捕之甲辰詔秘書省長貳通修日曆丙
午劉光世遣將喬仲福擊邵青于常熟爲所敗捷懶
自宿遷北歸戊申韓世清追襲張琪復祁門縣庚戌
張浚執傅雱赴行在張浚以曲端屬吏以武臣康隨
提點夔路刑獄與王庶雜治之辛酉詔呂頤浩赴行
在張琪犯饒州頤浩遣閻臯擊敗之琪黨姚興降琪
走徽州癸亥范宗尹罷是月珍州守臣李玠棄城去
王彥數擊敗李忠趙彬來歸張浚承制以彬爲陝西

轉運使又以涇原兵馬都監李彥琪爲本路副總管
彥琪尋叛去八月丙寅以孔彥舟爲蘄黃鎮撫使丁
卯以知潭州吳敏爲荆湖東西廣南路宣撫使張浚
殺曲端于恭州獄張用部兵至瑞昌歸張浚浚以用
爲本軍統制戊辰張守等上紹興重修敕令格式癸
酉復以汪伯彥爲江東安撫大使乙亥呂頤浩遣將
李鑄復舒州丁丑祔昭慈獻烈皇后神主于温州太
廟戊寅張守罷以李回參知政事富直柔同知樞密
院事庚辰杜湛及劉超戰于彭山爲所敗辛巳超及
楊華楊廣合兵復寇鼎州程昌寓遣湛率舟師擊敗

之遣辛巳宗稜軍福州討熊志寧胡江等諸賊世
清及張琪戰世清敗琪復入祈門縣壬午命張俊遣
兵捕之鑄紹興錢癸未詔許邵青張琪脅從徒黨自
新乙酉以李成在順昌恐復謀亂遣使齎蠟書諭淮
寧蔡州將士立賞格募人禽斬成丁亥以秦檜爲尚
書右僕射同中書門下平章事兼知樞密院事庚寅
復李綱資政殿大學士募人往京東河南伺察金齊
動止仍齎詔慰撫忠義保聚之人蔡州鎮撫使范福
棄城去以土豪李祐代之辛卯蠲徽州被賊民家夏
稅壬辰置三省樞密院賞功房是月知鄂州曹成掠

朔西犯沅州與知復州李宏合屯瀏陽既而攻宏宏奔潭州九月甲午朔張琪黨李捧犯宣州守臣李彥卿及韓世清擊却之詔江東西路安撫使復治建康府洪州以王瓌知池州楊惟忠知江州並兼管內安撫使率部兵赴官內申斬李世臣己亥以資政殿學士葉夢得爲江南東路安撫大使兼壽春等六州宣撫使庚子張琪復陷宣州己乃遁去辛丑命王瓌討琪丁未詔歲再遣使省謁諸陵因撫問河南將士命馬友移屯鄂州庚戌命宗室右監門衛大將軍士苞朝饗溫州太廟辛亥合祭天地于明堂太祖太宗並配大赦罷諸州守臣節制軍馬錄用元符末上書人子孫癸丑復以呂頤浩爲尚書左僕射同中書門下平章事兼知樞密院事丁巳王彥破李忠于秦郊店忠奔歸劉豫戊午禁福建轉運司抑民出助軍錢落范宗尹觀文殿學士己未初措置河南諸鎮屯田以戶部尚書孟庾爲江東西湖東等路宣諭制置使辛酉詔四方有建議能還兩宮者實封以聞有劾者賞以王爵壬戌遣御史胡世將督捕福建盜賊是月長星見冬十月乙丑詔蔡京王黼門人實有才能者公舉叙擢李回罷丙寅朱勝非分司江州居住丁卯以

李允文恣睢專殺賜死大理獄已巳王德招邵青降
之庚午以孟庾叅知政事徽猶閣直學士湯東野為
江淮發運使劉洪道招降李捧董旺壬申置行在大
宗正司癸酉兀朮攻和尚原吳玠及弟玠力戰大敗
之兀朮僅以身免丁丑增置諸路武尉戊寅以張俊
為太尉移屯婺州壬午初置見錢關子招人入中以
給軍食范汝為復叛入建州守臣王浚明棄城走辛
企宗退屯福州甲申劉起請降以起守光州戊子崔
紹祖伏誅詔邵青以舟師赴行在己丑升越州為紹
興府李成軍正李雱伏誅知承州王林禽張琪于楚

州檻送行在壬辰錄程頤孫易為分寧令癸巳范汝
為犯邵武軍守臣吳必明統制李山率兵拒之衆潰
退仔光澤縣關師古復秦州獲郭振是月劉豫遣將
王世冲寇廬州守臣王亨大破之斬世冲曹成及馬
友戰于潭州成敗還攸縣王才遣將丁順圍濠州劉
先世遣兵攻橫澗山順解圍去十一月乙未葉夢得
至建康以詔招王才降之丙申遣內侍撫問孔彥舟
秦仲丁酉榜諭福建江東羣盜赦其脅從者戊戌詔
移蹕臨安以孟庾為福建江西荆湖宣撫使神武左
軍都統制韓世忠副之仍命械謝嚮陸棠赴行在己

亥以婁寅亮為監察御史范汝為犯光輝縣李山走
 信州辛丑續編紹興太常因革禮桑仲請正劉豫惡
 逆之罪詔進幸荆南乙巳以右司諫韓璜當當直柔
 責監潯州稅張琪伏誅庚戌富直柔罷荆湘廣西宣
 撫使吳敏始受命置司柳州辛亥升康州為德慶府
 壬子詔內外侍從各舉所知三人丙辰程昌寓遣杜
 湛擊楊華敗之命張浚遣使持詔招曹成以所部赴
 行在己未楊華請降辛酉命吏部侍郎李光節制臨
 安府內外諸軍壬戌曹成犯安仁縣執安撫使向子
 謹進攻道州是月前知鄆州李惟德攻峽州未歸吳

玠始遣人通書夏國十二月乙丑吳敏罷丙寅復置
 樞密院都承旨范汝為遣葉澈寇南劍州守臣張翬
 拒戰大破之己巳遣吏部侍郎傅崧卿為淮東宣諭
 使甲戌遣江東安撫司統制郝政顏孝恭討建昌軍
 賊乙亥辛企宗罷仍追三官率兵赴軍前自效丁丑
 蠲諸路在官積欠詔官戶名田過制者與民均科以
 岳飛為神武副軍都統制部兵屯洪州曹成陷道州
 守臣向子志棄城走戊寅以晁出求直言增行在職
 事官職錢遣駕部員外郎李愿撫諭川陝己卯詔兩
 浙分東西路置提點刑獄庚辰桑仲遣兵寇復州守

臣殂遁棄城去辛巳復置廣西提舉茶鹽司知海州
薛安靖殺偽都巡檢使王企中率軍民以城來歸增
諸路酒錢以備軍費甲申知龍州范綜統制雷仲舉
兵復水洛城巳丑起復陝西都統制吳玠為鎮西軍
節度使詔江西安撫司趣兵討捕吳忠是月劉豫遣
將王彥克攻壽春府桑仲遣李橫復寇金州王彥拒
戰於馬郎嶺大破之均州平蔡州褒信縣弓手許約
叛據光州隋州安撫孫注復洮州龔富等圍南劔州

本紀第二十六

本紀卷第二十七

宋史二十七

開府儀同三司上柱國錄軍國重事前中書右丞相監修國史領經筵事部議裁曰脫朕等奉

勅修

高宗四

二年春正月癸巳朔帝在紹興府率百官遙拜二帝
不受朝賀甲午詔復置賢良方正直言極諫科丙申
賜揚邦又謚曰忠襄韓世忠園建州丁酉蠲諸路元
年逋稅庚子陝西我將白常圍岷州關師古率兵破
之辛丑韓世忠拔建州范汝為自焚死斬其二弟餘
黨悉平壬寅帝發紹興曹成釋向子諲丙午帝至臨

安府壬子遣韓世清捕石陂賊癸丑以張俊檢校少
保定國軍節度使劉豫遣兵犯伊陽縣翟興及其將
李泰合擊敗之曹成犯郴州永興縣己未脩臨安城辛
酉遣內侍任源撫問張浚江西副總管楊惟忠以楊
勅雖就招安復謀作亂誘誅之二月甲子楊辛復叛
擾鼎澧潭三州詔立賞禽捕首領赦貸脅從丙寅命
劉光世將銳卒萬人屯揚州經理淮東庚午以李綱
為觀文殿學士湖廣宣撫使仍命岳飛率馬友李宏
韓京吳錫等共討曹成諸盜甲戌以吏部尚書李光
為淮西招撫使王瓌副之乙亥兩寇丙子以施逵謝

獨陸棠黨范汝為逵除名發州編管獨棠械赴行在
俱道死丁丑分崔增李捧邵青趙延壽李振單德忠
徐文所部兵為七將名御前忠銳軍隸步軍司非樞
密奉旨不許調遣咸淮南營田歲租三之二俟三年
復舊己卯劉光世入見同熱政對內殿諭以進屯揚
州光世迄不行庚辰詔監司避本貫壬午程昌寓遣
杜湛募兵攻賊周倫破之甲申以工部員外郎滕茂
實死節于代州贈龍圖閣直學士丙戌初置著作官
二員修日曆己丑復荆湖東西為荆湖南北路南路
治潭北路仍治鄂申禁福建路私有私造兵器是月

知商州董先叛入劉豫金入陷慶陽府執揚可昇降
之三月壬辰朔命襄鄧鎮撫使桑仲收復陷沒諸郡
仍命諸鎮撫使互相應援再貶徐秉哲惠州吳玠南
雄州莫儔韶州並居住水賊翟進襲漢陽軍殺守臣
趙令斌李光執韓世清于宣州以歸度化縣賊李敦
仁及其徒皆授官隸諸軍乙未復置江陰軍罷福建
路武尉成成葉夢得罷以李光為江東安撫大使兼
滁濠等六州宣撫使罷江淮發運司桑仲如邳州調
兵守將霍明以仲將謀逆殺之以其事聞庚子金人
攻方山原陝西統制楊政援之金兵引去辛丑又犯

隴安縣吳璘等擊土乞之淮南營田副使王寔括閒田
三萬頃給六軍耕種丙午復置中書門下省檢正官
省樞密院檢詳官己酉以神武右軍中節制楊沂
中為神武中軍統制癸丑河南鎮撫使翟興為部將
楊偉所殺甲寅金人復自水洛城來攻楊政等又敗
之庚申曹成寇賀州清水寨守臣劉全棄城去是月
知壽春府陳下及鈐轄陳實等舉兵復順昌府尋引
兵歸為偽齊所逐并壽春失之夏四月甲子曹成陷
賀州陳顥圍循州焚龍川縣命江西安撫司遣將捕
之丙寅賜禮部進士張九成以下二百五十九人及

第出身庚午以翰林學士承旨程汝文參知政事壬申釋福建諸州雜犯死罪以下囚江西軍賊趙進寇瑞昌縣楊惟忠討降之戊寅偽齊統領王資率兵來歸富順監男子李勣偽稱徐王召赴行在壬午詔內外侍從監司守臣各舉中原流寓士大夫三二人以備任使癸未詔曰朕登庸二相倚遇惟均其所薦用之人不得偏私離間朋比害政謚孫傳曰忠定乙酉李綱始拜命置司福州是夜太平州軍士陸德據城叛囚守臣張錞殺當塗縣令鍾大猷戊子命呂頤浩都督江淮荆浙諸軍辛庚寅劉豫徙居汴京是月王

彥大破董先于馬嶽關復商州閏月癸巳高麗遣使入貢乙未知池州王進討陸德誅之丙申岳飛擊破曹成于賀州置都督府隨軍轉運司丁酉左朝奉郎孫覲坐前知臨安府贓汙貨死除名泉州羈管罷後苑工作辛丑韓世清以狂悖伏誅丙午岳飛敗曹成于挂嶺縣成走連州遣統制張憲追擊破之又走郴州入邵州丁未賜福建宣撫司賞軍錢十萬緡聽朱勝非自便乙卯詔諸鎮撫使非奉朝旨毋擅出兵劉光世聞父喪去官特命起復己未詔自今明堂專祀昊天上帝以太宗配是月張浚命利夔制置使王庶

與知成都府王似兩易其職襄鄧副都統制李橫同
副都統制李道合兵圍郢州霍明遁去五月辛酉以
兵部尚書權和奏簽書樞密院事以樞密將領趙琦
所部兵為忠銳第八將癸亥呂頤浩出師以神武後
軍及忠銳兩將從行百官班送甲子以霍明權襄鄧
隨郢州鎮撫使詔觀察使已上各薦可備將帥者二
人丁卯罷兩浙轉運司回易庫已巳廢紹興府餘姚
上虞縣湖田為湖漸民田庚午詔修建康行宮辛未
選宗室子備之子伯琮育于禁中丙子呂頤浩總師
至常州前軍將趙汝壽兵叛于呂城鎮丁丑汝壽犯

金壇縣殺知縣胡思忠頤浩稱疾不進戊寅海州賊
王山犯漣水軍總領蘇復副統制劉靖會兵擊敗之
庚辰臨安府火癸未置御前軍器所甲申親慮囚自
是歲如之罷行在權官乙酉劉光世遣王德追趙延
壽叛兵至建平縣悉誅之丙戌置修政局命秦檜提
舉詔侍從臺省寺監官監司守令條具省費裕國疆
兵息民之策丁亥以中書門下省檢正官仇愈為沿
海制置使戊子手詔用建隆故事命百官日輪一人
轉對兩浙轉運副使徐康國獻銷金屏障詔有司敗
之奪康國二官獨太平州被賊之家夏稅是月張浚

以參贊軍事劉子羽知興元府黜王庶復以三似知
成都府韓世忠至洪州遣董收招曹成成聽命赴行
春六月庚寅朔李宏引兵入潭州執馬友殺之甲午
李綱領兵三千發福州戊戌詔孟庾韓世忠班師岳
飛屯駐江州庚子以劉光世爲寧武寧國軍節度使
韓世忠爲太尉移屯建康府辛丑以李橫爲襄郢鎮
撫使李道鄧隨鎮撫使壬寅翟汝文罷孔彥舟叛降
僞齊乙巳以權邦彥兼權參知政事戊申仇愈燕制
置福建路辛亥免臺諫官輪對甲寅召呂頤浩赴行
在令參謀官傅崧卿權王管都督府事詔兩浙江淮

守臣令存撫東北流寓人乙卯韓世忠遣統制解元
巨振入潭州執李宏以歸秋七月辛酉悉蠲福建諸
州被兵之家田稅壬戌復置湖北提舉茶監司甲子
罷福建提舉市舶司己巳起復翟琮爲河南府孟汝
唐州鎮撫使甲戌罷淮東路提點刑獄司丙子馬友
黨郝通率兵五萬歸宣撫司戊寅知廬州王亨復安
豐壽春縣己卯呂頤浩入見庚辰韓世忠討劉忠駐
兵于岳州之長樂渡大破之忠走淮西丁亥詔編次
建炎以來譜牒八月壬辰以孟庾兼權同都督江淮
荆浙諸軍事癸巳順昌縣賊余勝等作亂通判南鈞

州王元鼎捕殺之甲午安定郡王令話薨丙申詔郡
守除罷赴闕皆得引對臨安府火以知江州劉紹先
為沿淮防遏使戊戌命朱勝非提舉醴泉觀兼待讀
日赴朝堂議事沿海州縣籍民海舶每歲一更守海
道險要振福建饑民己亥停傳秀官英州羈管庚子
詔孟庾韓世忠總大兵至建康進赴行在戊申給事
中胡安國以論朱勝非不能宰執臺諫上疏留之皆不
報江西統制傅樞討平四雄賊吳忠鄧慶劉軍一等
己酉賜吳玠田田實差以樞能給事中程瑤等坐論駁
朱勝非疑其黨檜並竝以職主官觀華出胃乙卯成膳

戒輔臣修闕政罷脩建康行宮九月戊午朔落秦檜
職己未罷修政局辛酉以慧出大赦許中外臣民直
言時政陝西諸叛將許令自新壬戌王倫自金國使
還入見遣潘致堯等為金國軍前通問使附茶藥金
幣進兩宮甲子以直徽猷閣郭偉為淮西巡撫使乙
丑復以朱勝非為尚書右僕射同中書門下平章事
兼知樞密院事戊辰司空山賊李通出降以為都督
府親軍統領癸酉以右朝請大夫呂源為浙東福建
沿海制置使治定海縣知建昌軍朱芾擊石陂賊余
照禽斬之甲戌慧沒丙子復以郭仲荀為武泰軍節

度使詔墨敕有不當者許三省樞密院奏稟給事中
中書舍人繳駁臺諫論列有司申審庚辰命福建提
舉茶鹽官兼領市舶司辛巳以韓世忠為江南東西
路宣撫使他帥臣稱宣撫使者並罷壬午遣監察御
史明橐等五人宣諭江浙湖廣福建諸路仍降詔諭
官吏以遣使按察勸懲誅賞之意癸未新作行宮南
門成甲申提轄權貨務張純浚立淮浙鹽法增其筭
總領四川財賦趙開初變四川鹽法盡權之乙酉太
白晝見丙戌以知興元府王似為川陝宣撫處置副
使丁亥封右監門衛大將軍榮州防禦使令時為安

定郡王是月韓世忠遣統制解三龍襲擊劉忠于蘄陽
大破之忠奔劉豫冬十月戊子弼置牧馬監于饒州
庚寅李勣伏誅丙申初置江浙荆湖廣南福建路都
轉運使甲辰潘致堯至楚州通判州事劉晏劫其禮
幣奔劉豫守臣柴春戰死戊申以知平江府趙鼎為
三東安撫大使丙辰禁温台二州民結集社會班度
量權衡于諸路禁私造者是月顏孝恭招降石陂餘
賊李寶等十一月辛酉陳顥陷汀州武平縣犯梅循
二州乙丑初權明州鹵田鹽辛未議將撫師江上召
侍從官條具利害甲戌命李綱劉洪道程昌寓解港

會兵捕討胡寇楊太戊寅范汝為餘黨范忠掠龍泉
縣庚辰詔宣諭五使焚所至州縣建炎以前已蠲稅
籍癸未臨安大火是月關師古敗偽齊兵于抹邦山
馬友黨步諒詣李綱降綱入潭州其黨郝晟降王進
吳錫禽王浚湖南盜賊悉平十二月丁亥朔命神武
前軍統領申世景等討捕范忠己丑偽稱榮德帝姬
易氏伏誅范忠犯虔州巨師古引兵入廬州執王亨
送行在甲午李綱罷臨安府火丙申振被火家罷浙
東沿海制置司丁酉岳飛遣統領徐慶王貴討禽萍
鄉賊高聚己亥以胡舜陟為廬山壽寧州鎮撫使金人

侵熙秦關師古擊敗之庚子遣駕部員外郎李愿撫
諭川陝江西兵馬副鈐轄張中彥坐縱暴不法斬于
潭州辛丑程昌寓遣杜湛討楊欽等敗之殺三千餘
人癸卯川陝宣撫司類試陝西發解進士得周謨等
十三人以便宜賜進士出身甲辰罷張浚宣撫處置
使仍知樞密院以知夔州盧法原為川陝宣撫處置
副使及王似同治司事己酉遣司封員外郎周隨亨
同撫諭川陝庚戌孟庾自建康來朝辛亥金人犯商
州守將邵隆退屯上津李橫敗偽齊兵復汝州甲寅
命孟庾同都督江淮荆浙諸軍事詔都督府總治江

東西湖北浙西帥臣經畫屯田張浚承制以歸州隸夔州路是冬金人犯和尚原將士乏食自潰吳玠拔此者棄去虔賊謝達犯惠州

三年春正月丁巳朔帝在臨安率百官遙拜二帝不受朝賀江西將李宗諒誘戍兵叛寇筠州統領趙進擊卻之翟琮入西京禽偽齊留守孟邦雄命諸路憲臣兼提舉常平司庚申金人犯上津李橫破穎順軍偽齊知軍蘭和降壬戌金人犯金州洵陽縣以仇愈爲福建兩浙淮東路沿海制置使癸亥陳顥圍潮州不下引兵趨江西甲子李橫復穎昌府乙丑詔中外

刑官各務仁平臺憲檢察月具所平反以聞歲終考察殿最金人陷金州鎮撫使王彥焚積聚退保西鄉庚午罷行在宗正司命嗣濮王仲湜兼判大宗正事辛未震電兩憲造渾天儀李通爲其徒王全所殺壬申命兩外宗正移司福州癸酉復祭大火以湯東野爲淮東安撫使乙亥以李橫爲襄陽府鄧州鎮撫使丁丑登萊山砦統制范溫率部兵泛海來歸庚辰詔春秋望祭諸陵張浚論奏王似不可爲副因引罪求罷不報癸未詔民復業者視墾田多寡定租額賦役乙酉減淮浙蠶鹽錢二月丁亥朔升桂州爲靜江

府已丑權邦彥薨浙東賊彭友犯龍泉縣辛卯李通
餘黨劉德圖舒州吳玠遇金人于饒風關王彥自西
鄉來會金人分兵攻關統制郭仲敗走丁酉饒風關
破玠趣西縣彥奔達州四川大震張浚被罷職之命
以諸軍方潰因秘不行復具奏審己亥金帥徽離蜀
入興元府經畧使劉子羽焚其城走三泉縣吳玠退
屯仙人關庚子以宗子伯琮為和州防禦使賜名瑗
尋改貴州辛丑薊廣東諸州被賊民家稅壬寅鄭州
兵四鈐轄牛皐彭玘率兵與李橫會橫以便宜命皐
為唐州鎮撫使玘知汝州乙巳翟琮遣統制李吉

敗偽齊兵于伊陽又殲其將梁進之衆丁未王似始
受宣撫副使之命戊申虔賊周十隆犯循梅汀州詔
統制趙祥等合兵捕之庚戌以李橫為神武左軍副
統制京西招撫使改胡舜陟為淮西安撫使辛亥以
工部尚書席益參知政事翰林學士徐俯簽書樞密
院事壬子王全犴廬州甲寅詔守臣至官半年具上
民間利害或邊防五事李橫遣人奏穎昌之捷詔許
橫便宜行事乙卯劉光世遣鄺瓊等屯兵泗州為李
橫聲援是月張浚復以王庶為參謀官往巴州措置
時金兵深入至金牛鎮疑有伏由褒斜谷引兵還興

元吳玠劉子羽追擊其後殺獲甚衆三月己未詔岳
飛捕虜賊壬戌申命統制巨師古部兵萬人屯揚州
胡舜陟至廬州王全降甲子以趙鼎爲江西安撫大
使李橫傳檄諸軍收復東京己巳金人遣兵援劉豫
李橫敗走潁昌復陷壬午以韓世忠爲淮南東路宣
撫使李綱遣兵擊降李宗諒詔戮于市夏四月丁亥
朱勝非以母喪去位僞齊知虢州董震及其統制董
先來歸以震權商虢陝州鎮撫使己丑詔江東西湖
北浙西募民佃荒田蠲三年租辛卯以劉光世爲檢
校太傅江南東路宣撫使金人去興元壬辰徙都督

府于鎮江岳飛軍次虜州甲午僞齊知唐州胡安中
來歸丙申僞齊李成攻陷虢州董先牛臯犇襄陽己
亥改謚昭慈獻烈皇后爲昭慈聖獻復舉五帝日月
之祀庚子增文武小官奉辛丑荆南統制羅廣率兵
至鼎州楊太衆益盛自號大聖天王立鍾相少子子
義爲太子廣等不克討而還丁未岳飛遣統領張憲
王貴擊彭友禽斬之劉忠爲部下王林所殺傳首行
在戊申以浙西兵馬鈐轄史康民所部兵爲忠銳第
九將己酉張浚奏王庶王似盧法原威望素輕乞命
劉子羽吳玠並爲判官不報辛亥徐文叛奔僞齊五

月丙辰以翟琮為河南府孟汝鄭州鎮撫使董先為副使丁巳遣樞密計議官任直清撫諭襄陽商虢河南諸鎮己未命楊沂中招捕嚴州盜賊辛酉建睦親宅以董先為商虢陝州鎮撫使徵河南布衣王忠民為宣教郎至行在辭不受壬戌潘致堯還言金人欲重臣通使以取信遂寢出師之議乙丑罷諸州在任守臣所辟通判丁卯以韓肖胄等充金國軍前通問使安化蠻犯邊廣西經畧使許中發兵擊之戊辰楊沂中招降嚴州賊繆羅等捕斬其徒百人魔賊平庚午以岳州數被兵免今年稅役壬申詔守令尉佐境

內妖民聚集不能覺察致亂者並坐罪知建昌軍朱芾討南豐縣賊禽誅其魁黃琛乙亥以方與金國議和禁邊兵犯齊境丙子王彥復金州金兵棄均房去韓世忠請以大軍還鎮江己卯詔淮南統制解元戌泗州餘屯江北周隨亨李愿宣押王似盧法原至閬州張浚始解使事時已論金牛之功以吳玠為利州路階成鳳州制置使劉子羽為寶文閣直學士王彥為保大軍承宣使僚屬將帥第賞有差庚辰浚及子羽王庶劉錫等赴行在詔李橫等收軍還鎮辛巳罷宣撫司便宜黜陟六月甲申朔統制巨師古坐違韓

世忠節制除名廣州編管丙戌復置六部架閣庫丁亥禁諸路招納淮北人及中原軍來歸者戊子復元祐宰相呂大防官職贈謚庚寅詔降川陝死罪囚釋流以下賞吳玠關師古將士壬辰張浚至綿州復奏王似不可任甲午命王玘率諸軍討楊太巳亥罷沿海制置司丁未置國子監及博士弟子員戊申以王林所部兵為忠銳第十將巳酉岳飛自虔州班師辛亥發兵屯駐虔廣二州彈壓盜賊州各三千人是月金人圍方山原王似命吳玠發兵救之秋七月巳未復置博學宏詞科初許任子就試甲子以久旱償州

縣和市民物之直丁卯詔訪求累朝勲臣曹彬等三百人子孫以備錄用戊辰王玘以舟師發行在巳巳詔減膳禁屠弛工役罷苛姦命兩浙及諸路憲臣親按部錄囚辛未蠲紹興二年和市純帛癸酉呂頤浩等以旱乞罷政帝賜詔曰與其去位曷若同寅協恭交修不逮思所以克厭天心者頤浩等乃復視事乙亥朱勝非起復丙子泉州水溢壞城丁丑遣中使逆趣張浚于道是月四川霖雨地震八月巳丑詔岳飛赴行在留精兵萬人戌江州翟琮率兵突圍犇襄陽詔屯駐其地癸卯罷諸路輸禁軍闕額錢甲辰以兩

賜不時蘇湖地震求直言乙巳復置史館修撰直館
檢討官命郎官兼領著作郎及佐郎戊申罷都轉運
司巳酉詔湖南丁米三分之一均取于民田其一取
之丁口辛亥孟庾自軍中來朝九月戊午呂頤浩罷
詔凡遇水旱災異監司郡守即具奏毋隱庚申岳飛
自江州來朝川陝統領官吳勝敗偽齊兵于黃堆砦
丙寅以趙鼎為江西安撫制置大使壬申詔中書舍
人給事中凡制敕非軍期機速必先書押而後報行
甲戌偽齊王彥先寇徐宿二州乙亥以劉光世為江東
淮西宣撫使置司池州韓世忠為鎮江建康府淮南

東路宣撫使置司鎮江府王瓌為荆南府岳鄂潭鼎
澧黃州漢陽軍制置使置司鄂州岳飛為江南西路
舒蘄州制置使置司江州主管殿前司郭仲荀知明
州兼沿海制置使神武中軍統制楊沂中兼權殿前
司巳卯吳勝克蓮花城冬十月癸未朱勝非上重修
吏部七司敕令格式庚寅加吳玠檢校少保壬辰趣
王瓌進兵詔寬私鹽重法甲午卻大理國入貢丁酉
殘破州縣視戶口增損立守令考課法巳亥禁州縣
擅增置稅場偽齊李成陷鄧州辛丑南丹蠻莫公晟
圍觀州焚寶積監殺知監陳烈壬寅偽齊兵逼襄陽

李橫以糧盡棄城奔荆南知隨州李道亦棄城去甲辰王瓌討湖賊戰于鼎口不利偽齊陷郢州守臣李簡棄城去申禁私役戰士丁未命三省除銓曹姦弊戊辰罷諸路類省試統制石世達及杜湛合兵大破湖賊黃誠于龍陽洲庚戌復置宗正少卿及寺監諸丞是月王彥先引兵至北壽春將渡淮劉光世駐軍建康扼馬家渡又遣酈瓊駐無爲軍爲廬濠聲援賊乃還十一月己未以右文殿修撰王倫爲都督府參議官癸亥詔監司帥守察內外宗子病民害政者以聞崔增吳全遇湖賊于陽武口歿之甲子韓省胃等

使還乙丑禁沿淮諸砦兵擅侵齊境庚午臨安府火甲戌禁掠賣生口入蠻夷峽峒及以銅錢出中國乙亥復元祐十科舉士法丁丑命賓橫宜觀四州市戰馬戊寅王燮自鼎州引兵還鄂留統領王渥等四軍聽程昌寓節制己卯蠲南劔州所負民間獻納錢十萬緡省淮南州縣文武官十二月辛巳朔降勅書撫諭吳玠及川陝將士乙酉臨安府火戊子又火朱勝非以屢火求罷不允丙申王似承制廢通遠軍己酉金國元帥府遣李永壽王翊來見是歲海寇黎盛犯潮州焚民居毀城去

四年春正月辛亥朔帝在臨安率百官遙拜二帝乙卯增淮浙路鹽鈔貼納錢遣章誼等爲金國通問使已未程昌寓遣杜湛王渥攻楊太皮真砦破之己巳詔諭王似盧法原吳玠使之協和金人犯宕昌臨江砦及花石峽關師古遣統領劉戩分兵拒却之庚午詔諸路將帥毋以兩國通使輒弛邊備淮南州郡津渡尤慎譏察甲戌罷州縣新置弓手乙亥蠲循梅潮惠四州被兵家租賦丙子申敕三省樞密院除官並遵舊制毋相侵紊除拜罷免皆明示黜陟之由戊寅金人犯神室砦沿北嶺至大散關臨安府火己卯韓

宵宵罷二月壬午詔賊罪至死者仍籍其貲癸未作建康府行宮帝益罷乙酉以徐俯兼參知政事丙戌禁川陝諸將招納北軍湖北軍賊檀成犯長陽縣解潛遣統領胡勉捕斬之群盜田政自襄陽犯陝州己丑解潛遣統制王恪擊政斬之庚寅金人犯兩當縣乙未詔孟庾赴行在己亥詔三衙管軍及將帥觀察使以上舉忠勇智叟可自代者一人辛丑金人犯仙人關癸卯詔權以射殿爲景靈宮四時設位朝獻丙午張浚入見三月辛亥朔吳玠率楊政吳玠田晟王喜諸將與兀朮戰于仙人關大敗之兀朮遁去戊午

兩省以趙鼎參知政事壬戌孟庚至行在罷都督府
以其兵屬張浚乙丑張浚以資政殿大學士罷尋落
職奉祠福州居住己巳蜀淮南州縣民租一年辛未
日有青赤黃氣編次建炎以來詔旨頒諸路癸酉蠲
興元府洋州被兵家稅役二年丙子以王似為資政
殿學士川陝宣撫使盧法原為端明殿學士與吳玠
並充副使關師古為熙河蘭廓路汝撫制置使夏四
月庚辰朔命趙鼎再任總領四川財賦詔諭川陝官
吏兵民以張浚失措當示遠寬猶嘉其所用吳玠等
能禦大敵許國一心止從薄責仍令宣撫司講求諮

訪凡擾民弗衆之事速釐革之癸未劉子羽白州安
置乙酉詔明堂用皇祐典禮兼祀天皇大帝神州地
祇以下諸神丙戌吳玠敗金兵復鳳秦隴州詔特旨
處死情法不相當者許大理奏審蠲淮南州軍上拱
錢一食庚寅置等生牧馬監于臨安府甲午罷廣西
提舉蔡鹽司關師古叛以岷岷二州降偽齊吳玠併
將師古今乙未詔諸路歲上戶口丁酉罷諸州回易
廬庚子命劉光世遣兵巡邊辛丑保靜州夷人入貢
丙午徐俯罷是月王似承制廢符陽軍知壽春府羅
興發降偽齊五月庚戌朔以岳飛兼黃復二州漢陽

軍德安府制置使癸丑以范冲為宗正少卿兼直史館重脩神宗哲宗正史實錄甲寅詔淮南師臣兼營田使守令以下兼營管田岳飛復郢州斬偽齊守荆超甲子以孟庚兼權樞密院事乙丑賜李橫軍絹萬匹丙寅李成棄襄陽去岳飛復取之金人攻金州鎮撫使王彥遣統制許育等與戰于漢陰敗之罷諸縣武尉壬申裁省三省樞密細務責六曹長貳專決癸酉以國史日曆所為火韓偽齊收李成餘衆益兵駐新野岳飛與別將王童夾擊復大敗之乙亥王彥數敗金兵于洵陽縣丙子復遷宗室于彥之子伯玖育

于禁中六月壬申復命川陝類誡乙未太白晝見經天戊戌詔神武軍神武副軍統制統領官並隸樞密院庚子以霖雨罷不急之役士寅詔三省樞密院凡奉下請墨勅許執奏不行置史館校勘官作明堂行禮殿于教場甲辰禁諸軍疆刺甲人為兵已刺者皆釋之吳玠乞宮觀不允是月從感化南斗岳飛將牛皋復隨州執偽齊守王萬傑之秋七月戊申朔曲故虔州以吏部尚書胡從年簽書樞密院事庚戌以湖南安撫席益為安撫制置大使建昌軍軍卒修達等作亂殺等臣劉滂江西制置使胡世將遣參謀侯慤

統制立贊討之士于命其孫趙信復國癸丑湘賊楊
欽等破社木砦官軍敗卻小將許登戰歿丙辰賞仙
人關之功以兵跡為檢校少師奉寧保靜軍節度使
吳璘揚政以下論賞有差丁巳命左右司歲考郎官
功過治狀以為賞罰庚申復西端趙哲官至成岳飛
遣統制王貴張憲繫敗李成及金兵于鄧州之西復
鄧州禽其將高仲丙寅侯慈引兵入建昌軍執修達
等十三人斬之罷建州臘茶綱詔江東安撫司招水
軍千五百人已巳湖賊萬餘人詣鼎澧二州降劉光
世來朝庚午王貴張憲破金齊兵復唐州又信陽軍

襄漢悉平辛未章誼孫近使還入見粘罕致書約淮
南毋得屯兵八月庚辰以趙鼎知樞密院事充川陝
宣撫處置使湖賊復誡等犯江縣解潛遣將蔣定
舟與戰敗之辛巳吳玠遣統制姚仲攻隴城縣克之
壬午王夔以討賊無功降光州觀察使戊子改命趙
鼎都督川陝荆襄諸軍事乙未遣魏良臣等充金國
通問使丙申毀王安石舒王告己亥周十隆出降為
官軍所掠復遁去犯汀循州壬寅王似罷以孟飛為
清遠軍節度使湖北荆襄潭州制置使代王夔討湖
賊癸卯以襄陽府隨郢唐鄧州信陽軍六郡為襄陽

府路九月戊申減淮浙路鹽鈔所增貼納錢壬子夏
誠遠將李全功犯公安軍解潛遣統制林閏等擊斬
之安定郡王令時堯辛酉舍祭天地于明堂大赦獨
襄陽等六郡三年租稅庚午朱勝非罷金齊合兵自
淮陽分道來犯壬申渡淮楚州守臣樊叔彥城去韓
世忠自承州退保鎮江府癸酉以趙鼎為尚書右僕
射同中書門下平章事兼知樞密院事吏部尚書沈
與求參知政事冬十月丙子淵與趙鼎定策親征命
張浚以軍援淮東劉光世移軍建康車駕擇日進發
丁丑以孟庾為行宮留守留統制王進一軍及神武

中軍五百人隸之百司不預軍旅之務者聽從便避
兵巳卯韓世忠自鎮江率兵復如揚州金人犯滁州
以張浚為浙西江東宣撫使金人圍亳州席益遣統
制吳錫率兵討犵賊楊再興大破之壬午偽齊兵犯
安豐縣癸未復以張浚為資政殿學士提舉萬壽觀
兼侍讀甲申復以王瓌為建武軍承宣使江西沿江
制置使丙戌命胡松年詣江上會諸將議進兵戊子
韓世忠邀擊金人于大儀鎮敗之又遣將董政敗之
于天長縣鴉口橋巳丑金人攻承州韓世忠遣將成
閔解元合兵擊于北門敗之金人圍濠州甲午遣秘

嘗正字楊晨持詔撫諭四川遣侍御史魏石監察御史田如鰲詣劉光世張浚軍中計事光世始移軍太平州丙申命後宮自温州泛海如泉州金人陷濠州守臣寇宏棄城走丁酉詔州縣團教弓手土兵戊戌帝御舟發臨安劉錫楊沂中以禁兵扈從己亥韓世忠捷奏至命收瘞戰死將士仍令胡松年致祭庚子張浚率兵發鎮江如建康壬寅帝次平江加贈陳東歐陽澈祕閣修撰官其子孫二人各賜田十頃且追咎汪伯彥落觀文殿學士黃潛善更不追復命韓世忠楊沂中分兵控扼沿海要地癸卯焚決淮東閘堰

賜扈從諸軍錢乙巳仇愈遣將孫暉擊金人于壽春敗之復霍丘安豐二縣是月借江浙坊場錢一界以備軍費十一月戊申太白晝見庚戌賞承州水砦首領徐康等要擊金兵之功轉官有差仍蠲承楚泰州水砦民兵賦役十年置沿江烽火放浙東諸郡防城丁夫壬子始下詔聲劉豫逆罪諭親討之旨以厲六師吳玠遣統制楊從儀等率兵敗金人于臘家城癸丑玠乞納節贖劉子羽罪遂聽子羽自便金人入光州甲寅僞齊知光州許約破石額山砦遂據之乙卯韓世忠遣兵夜劫金人營于承州破之金人犯六合

縣內辰掠全椒縣三城湖丁巳戒諸路大小臣僚借
貸催科縱吏姦擾民及務絕盜賊之伺隙者命董取
趙康直總領淮東水砦戊午以胡松年兼權參知政
事金人陷滁州劉光世移軍建康韓世忠移軍鎮江
張浚移軍常州己未復命張浚知樞密院事以其盡
忠竭節詔諭中外庚申宴犒守江將士癸亥劉光世
遣統制王德擊金人于滁州之桑根敗之揭黃勝招
諭湖賊甲子命滁和諸州移治保聚乙丑金人犯滁
口己巳劉光世遣統制王師晟等率兵夜入南壽春
府襲金人敗之執偽齊知府王靖廣賊區稠圍韶州

樂昌縣鈐轄韓京遣兵擊斬之詔張浚視師江上十
二月乙亥朔魏良臣王繪還自泗州軍前入見戊寅
命都督府右軍統制李貴部兵屯扼福山鎮辛巳命
中軍統制王進屯兵泰州防拓通泰壬午以樞密都
承旨馬擴為江西沿江制置副使丙戌兵倫遣兵攻
臘家城破之丁亥聽兩淮避兵民耕種所在問田士
辰金齊兵逼廬州仇念嬰城固守岳飛所遣統制徐
慶牛皋援兵適至敗走之劉光世亦遣統制靳賽戰
于慎縣張浚遣統制張宗顏擊敗金人丁未合詔江
浙荆湖十四郡各募水軍五百人各橫江軍兩浙十

郡沿江海州縣招捕逃檢士軍甲午梟昌寓遣杜湛
彭筠合擊楊欽破之己亥以來辛丑旦日食下詔脩
闕政求直言庚子金人逃師辛丑詔葬祭浙西江東
二軍之死事者壬寅省淮南轉運司遣胡松年往常
熟縣江陰軍沿江計議軍事癸卯金人去滁州

紀卷第二十七

本紀卷第二十八

宋史二十八

開府儀同司上柱國錄軍國重事前中書右丞相駱駝國史領經筵事都總裁脫脫奉

勅修

高宗五

五年春正月乙巳朔日有食之帝在平江府金人去
濠州丁未戒諸軍戰陳毋殺中原民籍充金兵者命
粥官田宅輸錢專充軍費戊申進廬泰二州守禦官
屬各一官己酉詔前宰執呂頤浩等十九人及行在
職事官各條上攻戰備禦措置緩懷之策免淮南官
吏去職之罪仍令還任承州水砦統領仲諒復入楚

州庚戌張浚遣統領楊忠閔王進夾擊金人于淮南
岸敗之降其將程師回張延壽辛亥淮東統制崔德
明襲敗金兵于盱眙名張浚赴行在乙卯浚入見賞
沿江監司帥臣供億之勞各進官一等戊午趣修建
康行宮己未詔減淮南諸州雜犯死罪釋流以下囚
庚申置諸州軍教場選兵專習弓弩立格按試辛酉
贈殿中侍御史馬伸左諫議大夫韓世忠劉光世張
俊入見壬戌以世忠爲少保淮東宣撫使駐鎮江光
世少保淮西宣撫使駐太平俊開府儀同三司江東
宣撫使駐建康甲子酈瓊復光州降其守許約乙丑

罷淮南茶鹽提刑司置提點兩路公事官一員兼領
刑獄茶鹽漕運市易事淮西要會州軍並置市易務
戊辰詔川陝宣撫司招諭陷賊官民庚午命王進合
江西廣東諸將兵討周十隆海賊朱聰犯廣州又犯
泉州壬申劉光世韓世忠張俊入辭命升殿以光世
世忠有隙賜酒諭釋之皆感激奉詔癸酉僞齊知毫
州馬泰犯光州權州事王幹率兵拒之是月金主晟
殂旻之孫亶立岳飛自池州入朝二月丙子以飛爲
鎮寧崇信軍節度使命常州布衣陳得一造新曆丁
丑帝發平江戊寅遣權太常少卿張銖奉迎太廟神

主于温州壬午帝至臨安遷亳從官吏秩一等丙戌
以趙鼎爲左僕射張浚右僕射並同中書門下平章
事兼知樞密院事都督諸路軍馬岳飛爲荆湖南北
襄陽府路制置使將兵平湖賊楊太丁亥吳璘楊政
攻拔秦州執偽齊守胡宣金帥撒離曷來援政復擊
敗之己丑詔建太廟壬辰命張浚詣江上措置邊防
詔諭諸路宣撫制置司示以專任之旨以右司諫趙
霈論奏得體賜三品服丁酉進執政官秩一等以賞
防秋之功戊戌詔淮南宣撫司撫存淮北來歸官吏
軍民己亥直史館范冲上神宗實錄考異庚子詔翰

林學士孫近胡交修類編臣僚條具利害章疏以聞
甲辰蠲湖南路上供三年是月僞齊商元寇信陽軍
守臣舒繼明被禽死之閏月乙巳朔雨雹丁未胡松
年罷戊申雪己酉留四川上供銀帛就充軍費乙卯
以孟庾沈與求並兼權樞密院事丙辰併諸路提舉
常平入茶鹽司罷福建鑄錢令轉運坑冶司辦集丁
巳撒離曷欲犯秦州吳玠遣部將牛皓伺之遇于瓦
吾谷戰死癸亥海賊陳感犯雷州官軍屢敗丁卯王
瓌罷命戶部尚書章誼措置財用孟庾提領號總制
司命川陝宣撫司幕僚攝司事仍權節制軍馬戊辰

置路分總管以處閑退武臣辛未復置宗正丞掌修
屬籍再蠲荆南府歸峽二州荆門公安二軍歲貢上
供二年三月甲戌朔以王瓌貪縱不武敗師誤國責
授濠州團練使丙子遣樞密計議官呂用中等分使
兩浙江東西路檢察經總制司財用丁丑詔侍從至
監察御史館職已上在內館職在外侍從官監司帥
守各舉所知充監司守令尋命館職專舉縣令己卯
以韓世忠兼鎮江府宣撫使劉光世兼太平州宣撫
使壬午以都督府參議軍事邵溥兼權川陝宣撫副
使罷御前軍器所提舉官併隸工部壬辰命廣東福

建路招捕朱聰乙未初權鉛錫張浚親討湖賊丁酉
復移浙西安撫司于臨安府庚子罷饒州牧馬監夏
四月丙午貴池縣丞黃大本坐枉法贓杖脊刺配南
雄州丁未遣司農丞蓋諒持詔撫諭川陝召解潛赴
行在王彥知荆南府諸鎮撫使至是盡罷戊申太廟
神主至自温州己酉以審量濫賞進左銀青光祿大
夫王序八官及職名仍改正出身庚戌詔內侍遇特
恩轉官止武功郎壬子訪得周後柴叔夏襲封崇義
公戊午奉安太廟神主己未更免役保正長法甲子
太上皇帝崩于五國城丙寅帝即射殿行朝獻景靈

宮之禮始以惠恭皇后祔祭募民耕營田官給牛種
庚午省四川添差官辛未以諸路稅賦畸零增收錢
專充上供是月龍圖閣直學士致仕楊時卒五月乙
亥初謁太廟庚辰命邵溥吳玠裁省四川冗官浮費
辛巳名行宮新作書院為資善堂遣何鮮等奉使金
國通問二帝中書舍人胡寅言國家與金世讎無通
使之義張浚奏使事兵家機權後將闢地復土終歸
於和未可遽絕乃遣行丁亥立殘破州縣守令勸民
墾田及拋荒殿最格已丑以孟庾知樞密院事壬辰
召張浚還行在丁酉詔浚提舉詳定一司勅令戊戌

以貴州防禦使瑗為保慶軍節度使封建國公徽猷
閣待制范冲兼資善堂翊善起居郎朱震兼讀讀以
盛暑命監司行部慮因已亥岳飛軍次鼎州庚子周
十隆降辛丑命川陝訪求元祐黨人子孫六月甲辰
封武經大夫令砮為安定郡王湖賊楊欽全琮劉詵
相繼率衆詣岳飛降乙巳名新曆曰統元丁未併饒
州鑄錢司于虔州己酉命建國公瑗出就資善堂聽
讀拜范冲朱震出內帑錢賜宗室貧者壬子復省淮
南州縣冗官癸丑以久旱減膳祈禱禁諸路科率自
租稅和市軍須外皆罷岳飛急攻湖賊水砮賊將陳

瑄降楊太赴水死餘黨劉衡等皆降飛急擊夏誠斬之丁巳湖賊黃誠斬楊太首拔鍾子儀周倫詣都督府降湖湘悉平得戶二萬七千悉遣歸業戊午減福建貢茶歲額之半庚申以旱罷諸路檢察財用官丁卯以賊平免沿湖民前二年逋租己巳罷福建諸州槍仗手秋七月壬申朔以仇愈為沿海制置使甲戌免蘄州上供及租稅三年戊寅獎諭岳飛撫勞將士趣張浚還朝己卯孟庾罷以沈與求兼權樞密院事及措置財用壬午以金軍虜州隸襄陽府路偽齊兵寇湖陽縣執唐州守臣高責復釋之丁亥賜宇文虛

中家福建田十頃甲午詔殘破州縣親民官計到罷之日戶口考殿最韓世忠復鎮淮軍禽偽齊守王拱丙申蠲南湖路上供米三年及秋租之半丁酉置高峰王口二砦都巡檢使益兵戍之八月壬寅朔罷荆南營田司令安撫司措置官兵耕種甲辰定館職額為十八員壬子詔淮南山水砦都巡檢各聽守令節制癸丑蠲福建州軍借撥常平錢米己未下詔示章惇蔡卞詆誣宣仁聖烈皇后之罪追貶惇昭化軍節度副使卞單州團練副使子孫不許在朝命廣宮學教內外宗子辛酉詔淮南襄陽府等路團結民社丙

寅以諸盜平滅湖廣江西二十二州雜犯死罪釋徒杖以下囚海賊朱聰降命補水軍統領是月偽齊陷光州九月辛未朔罷總制司所增收頭子等諸色錢乙亥賜禮部進士汪洋以下二百二十人及第出身唱名始遵故典令館職侍立殿上壬午加岳飛檢校少保偽齊兵寇固始縣統領葉旺拒戰却之尋復光州甲申命沿海州軍籍海舶分守要害乙酉趙鼎上重修神宗實錄壬辰詔元符上書邪等范柔中等二十七人各官一子以解潛部兵三千隸馬軍司甲午周十隆復叛犯汀州戊戌遣統領王進李貴討之冬

十月庚戌張浚入見乙卯以席益爲四川制置大使位宣撫副使上州軍兵馬並隸大使司邊防重事仍令宣撫司處置李綱爲浙西制置大使呂頤浩爲湖南制置大使戊午詔川陝類試合格第一人依殿試第三人例推恩餘並同賜進士出身特奏名進士命宣撫選官試時務策澧州賊雷德進降乙丑偽齊兵寇連水軍韓世忠遣統制呼延通等逆擊敗之十一月庚午朔初置節度使以下金字牙符命都督府掌之給將帥立戰功者命州縣賣戶帖以助軍費癸酉詔守臣死節昭著者毋限品秩並賜謚乙亥徵和靖

處士尹焞于涪州命爲崇政殿說書戊寅郊辛巳復
置淮南提舉鹽事官壬午出宮女三十人甲申權減
宰執及行在官吏奉乙酉以趙開爲四川都轉運使
丙戌命張浚視師荆襄川陝戊子知衡州裴廩坐調
夫築城凍死二千餘人除名嶺南高州編管乙未出
內帑綿絹賜宗室丁酉罷催稅戶長十二月巳亥朔以
岳飛爲荆湖南北襄陽府路蘄黃州招討使楊沂中
權主管殿前司併統神武中軍庚子改神武四軍及
巡衛軍號行營五護軍辛丑以都督府兵隸三衛命
左右司樞密院檢詳官參考中興巳行條例修爲定

法乙巳禁服用翠羽巳酉免侍從官輪對庚戌汰橫
江水軍三之一癸丑命兩淮川陝荆襄荆南諸帥府
參謀官各一員提點屯田癸亥禁川陝州縣官悉用
川陝人丙寅都督府遣參議軍事劉子羽主管機宜
文字熊彥詩撫諭川陝且察邊備虛實戊辰夜雨雹
六年春正月辛未蠲貧民戶帖錢之半無物產者悉
除之癸酉命給事中中書舍人甄別元祐黨籍乙亥
以內重外輕命省臺寺監及監司守令居職及二年
者許更迭出入除擢丁丑詔凡入粟補官者毋授親
民刑法之職壬午賜宗子伯玖名璩爲和州防禦使

罷綿州宣撫副使命吳玠專治兵事罷御史平反刑
獄賞丙戌張浚視師荆襄入辭己丑安定郡王令砮
薨庚寅還預借坊場錢辛卯詔監司帥臣慢令失職
者令張浚黜陟以聞甲午振江湖福建浙東饑民命
監司帥臣分選僚屬及提舉常平官躬行檢察戊戌
命鬻通直郎閤門宣贊舍人以下官二月庚子以諸
路宣撫制置大使並兼營田大使宣撫副使招討安
撫使並兼營田使壬寅雨雪改江淮屯田爲營田甲
辰置行在文子務印交子錢引給諸路令公私同見
錢行用戊申岳飛入見復以襄陽府路爲京西南路

辛亥詔張浚暫赴行在奏事申寅以兵部尚書都督
府參謀祈彥質簽書樞密院事乙亥韓世忠引兵攻
宿遷縣統制呼延通與金兵戰敗之禽其將李董牙
合豐州賊徒伍俊殺雷德進持其首詣鼎州降丙辰
韓世忠圍淮陽軍復置諸路市易務戊午命楊沂中
以兵萬人聽都督行府調遣己未遣工部侍郎劉寧
止如鎮江府總領三宣撫司錢糧辛酉兀朮救淮揚
韓世忠引兵歸楚州壬戌以折彥質兼權參知政事
癸亥沈與求罷李綱入見是月張浚至江上會諸將
議事命張俊進屯盱眙三月戊辰朔初收官告綾紙

錢名均房州民兵曰保勝又命招刺三千人賜名必
勝軍已巳以韓世忠為京東淮東路宣撫處置使岳
飛為京西湖北路宣撫副使辛未蠲旱傷州縣民積
欠錢帛租稅已卯趣岳飛如鄂州措置軍事辛巳以
樞密副都承旨馬擴為沿海制置副使壬午金齊兵
犯漣水軍韓世忠擊敗之壬辰寬四川災傷州縣戶
帖錢之半夏四月戊戌朔湖南賊黃旺犯桂陽監申
辰偽齊兵陷唐州團練判官扈舉臣推官張從之等
皆死岳飛以母喪去官丙午詔飛起復已酉詔文武
臣僚能決勝疆敵恢復境土者賜功臣号庚戌始訓

諸宗子名甲寅賞淮陽功呼延通等進官有差餘受
賞者凡萬七千人劉光世遣副統制王師晟鄺瓊襲
偽齊兵于劉龍城破之禽其統制華知剛己未命福
建安撫司發水軍討海賊鄭慶幸酉禁四川伐並邊
山林甲子以韓世忠為橫海武寧安化軍節度使號
楊武翊運功臣除尚旅緡錢稅丙寅復行在官吏奉
蠲東京民渡淮南商販之稅五月戊戌朔禁以鹿胎
為寇癸酉詔未經上殿臣僚先令三省審察然後引
對戊寅以四川監司地遠玩法應有違戾令制置人
使按劾壬午詔大理寺議獄不合即詣刑部關決刑

部不能定同赴都堂稟議賜吳玠四川戶帖錢十萬
緡犒軍癸未禁淮南州縣收額外雜色租乙酉改交
子為關子罷交子務庚寅以劉光世為保靜寧武寧
國軍節度使壬辰以張俊進屯盱眙改崇信奉寧軍
節度使甲午禁銷錢及私鑄銅器丙申詔監司慮囚
不能徧及者聽遣官著為令六月乙巳朔夜地震已
酉求直言甲寅張浚渡江撫淮上諸屯命劉光世自
當塗進屯廬州岳飛自九江進屯襄陽揚沂中屯泗
州戊午詔兩淮沿江守臣並以丙三年為任辛酉封
集英殿脩撰令應為安定郡王秋七月壬申以司農

少卿樊賓提領營田公事癸未詔張浚暫赴行在癸
巳罷川陝便宜差遣監司守貳以金州隸川陝路均
房二州隸京西南路郭浩為永興軍路經畧安撫使
兼知金州閣門宣贊舍人邵隆知商州聽浩節制經
理商號是月劉光世復壽春府八月己亥范宗尹薨
庚子賜左司諫陳公輔三品服癸卯以徽猷閣直學
士李迨為四川都轉運使甲辰詔諭將士將親征岳
飛遣統制牛皋破偽齊鎮汝軍禽其守薛亨乙巳命
權殿前司解潛等帥精兵扈從主管步軍司邊順留
兵守臨安知臨安府梁汝嘉為巡幸隨軍都轉運使

丁未以秦檜爲醴泉觀使兼侍讀行宮留守孟庾提
舉萬壽觀兼侍讀同留守戊申岳飛遣將楊再興復
西京長水縣己酉命秦檜孟庾權參決尚書省樞密
院事庚戌蠲虔州殘破諸縣逋負梅州夏秋兩稅聽
廣東經畧安撫司便宜措置盜賊辛亥奉神主發臨
安丁巳權罷經筵進講己未預借江浙民來年夏稅
緇帛折米輸官庚申增給職事官米月三斛是月張
浚城盱眙進屯泗州岳飛及偽齊李成孔彥舟連戰
至蔡州克之偽守劉永壽舉城降九月丙寅朔帝發
臨安岳飛遣統制王貴郝政童先復虢州盧氏縣癸

酉帝次平江戊寅命職事官日一舟輪對壬午岳飛
以孤軍無援復還鄂州癸未權奉安神主于平江能
仁寺戊子以戶部郎官霍蠡總領岳飛軍錢糧庚寅
張浚入奏復如鎮江辛卯立賊徒相招首罪賞格賞
鎮淮軍功進統制王德等官是月劉豫聞親征告急
于金主直求援直不許豫自起兵三十萬命子麟趣
合肥姪玠出渦口引兵分道入寇冬十月丙申招西
北流寓人補闕額禁軍丁酉裁定淮南路租額劉麟
寇淮西張俊遣楊沂中張宗顏等分兵禦之戊戌沂
中至濠州劉光世已棄廬州而南俊遣人督還光世

不得已駐兵應沂中遣統制王德鄺瓊及賊將崔臯
賈澤王遇戰皆敗之賊兵攻壽春府芍陂砦守臣孫
暉拒戰又敗之辛丑罷四川監酒官百餘員壬寅以
梁汝嘉蕪浙西淮東沿海制置使前護副軍都統制
王彥副之癸卯趙鼎請降勅諭張浚令光世沂中及
張俊全軍引還為防江之計甲辰又詔浚督將士僂
力破賊皆未達劉猷犯定遠縣沂中進戰大敗之于
藕塘猷挺身遁麟在順昌聞之拔砦去劉光世遣王
德及沂中追麟至南壽春而還孔彥舟亦解光州圍
而去戊申命解潛遣兵千人守青龍港口癸丑張俊

揚沂中引兵攻壽春府不克而還乙卯詔諸軍所俘
人氏給錢米遣歸丁巳惠州軍賊曾袞作亂庚申樵
鋒軍統制韓京募敢死士夜襲破之袞尋出降壬戌
日中有黑子沒十二月甲午朔詔降廬光濠等州死
罪釋流以下囚召秦檜赴行在張浚入見請幸建康
趙鼎請還臨安戊戌韓世忠攻淮陽軍及金人戰敗
之辛丑城南壽春府壬寅趙鼎罷遣右司員外郎范
直方宣諭川陝撫問吳玠將士甲辰命都督府參議
軍事呂祉知建康措置移蹕丙午折彥質罷丁未賞
淮西功加張俊少休改鎮毗榮信奉寧軍節度使楊

沂中保成軍節度使殿前都虞候戊申命秦檜赴講
筵供職孟庚為行宮留守辛亥以資政殿學士張守
參知政事兼樞密院事丙辰以呂頤浩為浙西安
撫制置大使判臨安府丁巳以劉光世為護國鎮安
保靜軍節度使戊午詔凡因民事被罪者不許親民
已未命夜沅靖澧四州以閒田募刀弩手三千五百
人為額右司諫陳公輔乞禁程氏學詔士大夫之學
宜以孔孟為師庶幾言行相稱可濟時用庚申以安
化郡王王稟死節太原賜其家田十頃辛酉以山陰
諸暨等四子縣為大邑並命堂除

七年春正月癸亥朔帝在平江下詔移蹕建康蠲無
為軍稅役一年甲寅建康御前軍器局丁卯賞張浚以
破敵功遷特進己巳發米萬石濟京東陝西來歸之
民張浚入見甲戌罷都督府諸州市易官丁丑解潛
罷以劉錡權主管馬軍司并殿前步軍司公事庚辰
築采石宣化渡二城癸未以翰林學士陳與義參知
政事資政殿學士沈與求同知樞密院事詔廣西帥
臣訓練土丁保丁乙酉復置樞密使副知院以下仍
舊張浚改兼樞密使丙戌禁諸軍互納七卒丙酉蕃三
十八族首領趙繼忠等來歸丁亥以秦檜為樞密使

何鮮范寧之至自金國始開上皇及寧德皇后崩已
丑帝成服下詔降徒囚釋杖以下辛卯夜東北有赤
氣如火二月癸巳朔日有食之百官七上表請遵以
日易月之制徽猷閣待制知嚴州胡寅請服喪三年
衣墨臨戎以化天下帝欲遂終服而張浚連蹶論喪
服不可即戎遂詔外朝勉從所請宮中仍行三年之
喪丙申太平州火丁酉鎮江府火庚子遣王倫等使
金國迎奉梓宮岳飛入見辛丑以日食求直言以久
旱命諸州慮囚乙巳詔凡辟舉官犯贓罪罪及所舉
官丙午吳玠置銀會子于河池丁未詔席益募陝西

河東河北兵二千部送行在充扈衛癸丑雨雹丙辰
始御便殿果州守臣宇文彬等進禾登九穗圖俱奪
一官罷之丁巳以岳飛爲太尉湖北京西宣撫使已
未帝發平江三月癸亥朔次丹陽韓世忠入見命世
忠扈從岳飛次之甲子朔鎮江楊沂中入見命沂中
總領彈壓巡幸事務乙丑蠲駐蹕及經從州縣積年
逋賦丁卯以吏部侍郎呂祉爲兵部尚書都督府參
謀軍事辛未帝至建康壬申詔尚書省常程事從參
知政事分治癸酉減建康流罪以下囚蠲建康府太
平宣州逋賦及下戶今年身丁錢岳飛乞併統淮西

兵以復京畿陝右許之命飛盡護王德等諸將軍既而秦檜等以合兵爲疑事遂寢戊寅手詔撫勞將士進沈與求知樞密院事己卯尊宣和皇后爲皇太后庚辰以王彥兵隸侍衛馬軍司呂頤浩爲少保兼行官留守孟庚罷甲申以劉光世爲少師萬壽觀使以其兵隸都督府張俊因分爲六軍命呂祉節制乙酉賜光世第于建康府丁亥命虔吉南安軍諸縣各募士兵百人責知縣訓練防禦盜賊是春廣西大飢李實變爲桀夏四月癸巳築太廟于建康以臨安府太廟爲聖祖殿戊戌修濬建康城池丁未岳飛乞解官

持餘服遂棄軍去詔不許戊申日中有黑子庚戌以張浚累陳岳飛積慮專在併兵奏牘求去意在要符遂命兵部侍郎兼都督府參議軍事張宗元權湖北京西宣撫判官實監其事壬子張浚如太平州淮西視師庚申以信陽軍隸京西路罷淮南提點司東西兩路各置轉運兼提點刑獄提舉茶鹽常平事五月丁卯詔李綱趣捕虔吉諸盜壬申命禮官舉文宣王武成王熒惑壽星獄鎮海瀆農蠶風雷雨師之祀甲戌以胡安國提舉萬壽觀兼侍讀趣赴行在未至而罷癸未以鄺瓊爲行營左護軍副都統制甲申初議

樞密院都督府効士乙酉命侍從官通舉材堪知縣者二十人丙戌偽齊陷隨州己丑禁四川增印錢引六月辛卯朔改上惠恭皇后謚曰顯恭皇后岳飛入見壬辰命歲辰戌月祀大火配以闕伯乙未罷江淮營田司令諸路安撫轉運司兼領其事丙申以重修神宗實錄去取不當命史館復加考訂丁酉岳飛引過自劾詔放罪慰諭之戊戌命劉錡兼都督府咨議軍事率兵戍廬州乙巳沈與求薨召王德以所部兵赴行在遣呂祉如淮西撫諭諸軍丙辰詔吳玠李迨共議四川經費贍軍恤民岳飛復職秋七月戊辰詔

侍從各舉可任監司郡守者一二人癸酉以旱禱於天地宗廟社稷甲戌嗣濮王仲湜薨癸未以久旱命中外臣庶實封言事甲申蠲諸路民積年逋租以建康疫盛遣醫行視貧民給錢葬其死者命踈決滯獄乙酉詔即建康權正社稷之位戊子詔戶部長貳迭出巡按諸路考究財賦利病違者劾之己丑詔諸路歸業民墾田及八年始輸全稅八月乙未以張俊為淮西宣撫使駐盱眙楊沂中為淮西制置使主管侍衛馬軍司劉錡副之並駐廬州命鄴瓊率兵赴行在戊戌瓊殺中軍統制張景等執呂祉及趙康直趙

不群以兵四萬人奔劉豫辛丑手詔赦廬州屯駐行營左護軍壬寅酈瓊引兵至淮殺祉及康直釋不群使還劉錡吳錫至廬州以兵追之不及命張宗元往招之張浚乞去位甲辰以趙鼎為萬壽觀使兼侍讀甲寅詔命官犯贓刑部不得擅黥配聽朝廷裁斷乙卯賜岳飛軍錢十萬緡招歸正復業人耕湖北京西閒田九月甲子上太上皇帝謚曰聖文仁德顯孝皇帝廟號徽宗皇后曰顯肅皇后丁卯韓世忠張俊入見乃命俊自盱眙移屯廬州壬申張浚罷癸酉命參知政事輪日當筆權三省事更不分治常程罷都督

府甲戌以臺諫累疏落張浚觀文殿大學士仍領官祠丙子復以趙鼎為尚書右僕射同中書門下平章事兼樞密使戊寅以廬州壽春府民遭酈瓊虜掠蠲租稅一年己卯朝獻聖祖于常朝殿庚辰朝饗太廟辛巳合祭天地于明堂大赦召劉光世赴行在戊子禁諸路進羨餘以劉錡知廬州兼淮西制置副使冬十月庚寅朔詔仍舊開經筵辛卯命後省官看詳上書有可采者條上行之丁酉夜勅張浚安置嶺表戊戌趙鼎累請免老改永州居住偽齊犯泗州守臣劉綱擊走之丙午命戶部郎官薛弼霍彞同總領江

西湖廣五路財賦于子統制呼延通王權等襲擊金人于淮陽軍敗之丁巳詔六參日輪行在百官一員轉對閏月癸亥贈趙康直徽猷閣待制己丑蠲江東路月椿錢萬緡發米三萬石振京西湖北饑民丙寅尹焞入見命為秘書郎兼崇政殿說書甲戌始作徽宗皇帝顯肅皇后神主庚辰韓世忠引兵渡淮逆擊金人于劉冷莊敗之辛巳李綱罷癸未復漢陽軍是月張俊棄盱眙引兵還建康十一月丙申賜吳玠犒軍錢百五十萬緡丁酉以知温州李光為江西安撫置大使丁未金帥撻懶兀朮入汴京執偽齊劉豫廢為蜀王癸丑詔來春復幸浙西是月偽齊知臨汝軍崔虎詣岳飛降十二月庚辰復置都大提舉四川茶馬監牧官丁卯祔徽宗皇帝顯肅皇后神主于太廟庚午以解潛權主管馬步軍司命韓世忠留屯楚州屏蔽江淮己卯詔內外大將及侍從官舉武臣智畧器局堪帥守謀議官者癸未王倫等使還入見言金國許還梓宮及皇太后又許還河南諸州甲申城泗州丁亥復遣王倫等奉迎梓宮是冬吳玠遣裨將馬希仲攻熙州鄭宗李進攻鞏州不克宗死于城下希仲遁還玠斬以徇

本紀卷第二十八

本紀卷第二十九

宋史二十九

開府儀同三司上柱國錄軍國軍事前書右丞相兼樞密使領經筵事都總裁臣脫脫等奉

勅修

高宗六

八年春正月戊子朔帝在建康丙申減臨安府夏稅折輸錢戊戌張守罷辛丑偽齊知壽州宋超率兵民來歸蔡州提轄白安時殺金將兀魯執其守劉永壽來降詔以方議和好禁沿海州郡遣人過淮招納丁未大閱張俊軍戊申以兵部侍郎胡世將為四川安撫制置使二月戊午劉錡入見減建康府夏稅折輸

萬曆二十八年刊

博學 校

錢蠲民戶逋租和市科調庚申日中有黑子以呂頤
浩爲江東安撫制置大使兼行宮留守壬戌岳飛乞
增兵不許癸亥帝發建康丙寅以胡安國春秋傳成
書進寶文閣直學士戊寅帝至臨安已卯以戶部尚
書章誼爲江東安撫制置大使兼行宮留守呂頤浩
爲醴泉觀使甲申減紹興府和市絹萬匹三月己丑
以知南外宗正事仲僞嗣濮王庚寅以禮部尚書劉
大中參知政事兵部尚書王庶爲樞密副使壬辰復
以秦檜爲尚書右僕射同中書門下平章事兼樞密
使甲午陳與義罷戊戌增夔州路路分都監一員修

沿閩隘練義兵己亥蠲農器及牛稅以李天祚爲靜
海軍節度使交趾郡壬寅定以故相韓忠彥配享
徽宗廟廷丁未蠲所過州縣民積欠稅賦戊申蠲江
西湖南諸州月椿錢各萬緡己酉命考覈川陝宣撫
司便宜所授官員濫尤甚者悉與裁減夏四月庚申
初置戶部和糴場于臨安壬戌遣王庶巡視江淮邊
防丁丑復置六路發運司癸未詔三衙管軍輪宿禁
中五月庚戌詔鎮江府募橫江軍千人竄內侍羅賈
于海島庚子禁貧民不舉子其不能育者給錢養之
壬寅貶劉子羽爲潭州團練副使漳州安置丁未金

國使烏陵思謀石慶充與王倫等偕來戊申以資政
殿學士葉夢得為江東安撫制置大使己酉王庶至
淮南檄張宗顏將兵七千屯廬州巨師古三千屯太
五州分韓世忠軍屯泗州及天長縣六月壬戌賜符
解公孔玠衢州田五頃奉先殿祠事癸亥趙鼎上重
備哲宗寶錄壬申賜禮部進士黃公度以下三百九
十五人及第出身王庶自淮南還入見乙亥以中護
軍統制張宗顏知廬州命劉錡率兵移屯鎮江府丁
丑烏陵思謀在慶充入見秋七月乙酉朔復命王倫
及蓋公佐奉迎梓官錄司馬光曾孫俊補丞務郎辛

亥葬出東方八月戊午詔日者遣使報聘鄰國期遠
梓宮尚慮邊臣未諭遂弛戎備以疑眾心其各嚴飭
屬城明告部曲臨事必戒無忘扞禦甲子蠲江東路
月椿錢萬二千緡有奇丁丑彗滅遣監察御史李霖
宣諭江西措置盜賊冬十月丁巳劉大中罷甲戌趙
鼎罷乙亥日中有黑子丁丑金國使張通吉蕭哲與
王倫偕來韓世忠乞奏事行在不許戊寅樞密副使
王庶乞免簽書和議文字累疏求去不許十一月甲
申以翰林學士承旨孫近參知政事丙戌遣大理寺
丞薛偉朱斐詣廣南路決滯獄戊戌王倫入見己亥

復以倫為國信計議使中書舍人蘇符副之符辭以疾庚子以孫近兼權同知樞密院事辛丑詔金國遣使入境欲朕屈已就和命侍從臺諫詳思條奏從官張燾呂敷皆以魏紅曾聞李彌遜尹焞梁汝嘉樓炤蘇符辭微言御史方廷實皆言不可甲辰王庶罷辛亥以樞密院編脩官胡鈗上書直諫斥和議除名昭州編管士子改差監廣州都鹽倉十二月甲寅以趙鼎為醴泉觀使乙卯以宗正少卿馮楫為國信計議副使己未以吏部尚書志光參知政事戊辰王倫言金使稱詔諭江南其名下正秦檜以未見國書疑為封

冊帝曰朕嗣守祖宗基業豈受金人封冊癸酉館職胡瑄朱松張擴凌景夏常明范如圭上書極論不可和甲戌以端明殿學士韓肖胄簽書樞密院事乙亥命肖胄等為全國奉表報謝使丙子張通古蕭哲至行在言先歸河南地徐議餘事以監察御史施廷臣為侍御史權吏部尚書張燾侍郎晏敦復以廷臣主和議而升用執奏不行御史中丞勾龍如淵右諫議大夫李誼殿中侍御史鄭剛中凡再至都堂及宰執議取國書丁丑詔金國使來盡割河南陝西故地通好于我許還梓官及母兄親族餘無需索令尚書省

榜諭庚辰帝不御殿以方居諒陰難行吉禮命秦檜
攝冢宰受書以進是月虛恨蠻犯嘉州忠鎮若歲
始定都于杭

九年春正月壬午朔帝在臨安丙戌以全國通和太
赦河南新復州軍官吏並不易置蠲其民租稅二年
徭役五年以王倫同簽書樞密院事充奉護梓宮迎
請皇太后交割地界使戊子遣判大宗正事士復兵
部侍郎張燾詣河南修奉陵寢庚寅賜劉光世號和
衆輔國功臣張俊加少傅安民靖難功臣韓世忠為
少師張俊復左宣奉大夫辛卯以尹焞為徽猷閣待

制提舉萬壽觀兼侍讀焞力辭不拜壬辰加岳飛吳
玠並開府 儀同三司楊沂中太尉癸巳建皇太后
宮甲午金宿州守臣趙榮來歸丙申金主詔諭河南
諸州以割地歸我之意改發運經制司為經制司命
戶部長貳一人領使仍置副或判官戊戌以王倫為
東京留守郭仲荀為副戶部侍郎梁汝嘉兼江淮荆
浙閩廣路經制使司農卿霍蠡為判官己亥以吳玠
為四川宣撫使二月癸丑以徽猷閣待制周聿為陝
西宣諭使監察御史方廷實宣諭三京淮北丁巳以
郭仲荀為太尉東京同留守慕洎寇環州戊午以知

嘉靖丙辰年 卷二十九 四 監生本于德恩刊

金州郭浩為陝西宣撫判官壬戌以李剛為湖南路
 安撫大使張浚知福州尋復資政殿大學士為福建
 路安撫大使命周聿方廷實蒐訪隱士甲子均定諸
 州縣月椿錢已巳以郭浩為陝西宣諭使壬申命修
 徽宗實錄癸酉詔盜賊已經招安而復嘯聚者發兵
 加誅毋赦是月日中有黑子月餘乃沒江西統制官
 李貴以其軍歸楊沂中三月丁亥以和州防禦使璩
 為保大軍節度使封崇國公丙申王倫受地于金得
 東西南三京壽春宿亳曹單州及陝西京西之地兀
 朮還祁州已亥分河南為三路廢拱州辛丑以翰林

學士樓炤簽書樞密院事甲辰偽齊知開封府鄭億
 年上表待罪召赴行在丁未正偽齊所改州縣名是
 春夏人陷府州夏四月庚戌朔呂頤浩薨辛亥命樓
 炤宣諭陝西諸路壬午金鄰迺路經畧使關師古上
 表待罪命知延安府癸丑落趙鼎奉國軍節度使為
 特進仍知泉州金陝西諸路節制使張中孚上表待
 罪命為檢校少保寧國軍節度使知永興軍節制陝
 西諸路軍馬甲子以觀文殿學士孟庾為西京留守
 資政殿學士路允迪南京留守丙寅金秦鳳經畧使
 張中彥上表待罪命知渭州以孫近兼權同知樞密院事

壬申移壽春府治淮北舊城癸酉詔新復諸路監司
帥臣按劾官吏之殘民者韓世忠張俊入見五月庚
寅奉迎東京欽先孝思殿累朝御容赴臨安辛卯復
命江淮守臣二年為任乙未復置淮東提舉茶鹽
癸卯復召募耆長法丙午鄜延副將李世輔部兵三千
自鳳翔來歸賜名顯忠六月庚戌皇后邢氏崩于五
國城辛亥夏國主乾順卒壬子樓炤以東京見卒四
千四百人為忠銳三將庚申盜入邵武軍壬戌以新
復州縣官吏懷不自安降詔開諭己巳吳玠薨壬申
樓炤承制以李顯忠為護國軍承宣使樞密行府前

軍都統制率部兵及夏國招撫使王樞赴行在癸酉
澧州軍事推官韓紉坐上書論講和非計送循州編
管乙亥以孟庾兼東京留守王倫自東京赴金國議
事樓炤承制以楊政為熙河經略使吳璘為秦鳳經
略使仍並聽四川宣撫司節制郭浩為鄜延經略使
同節制陝西軍馬丙子分宣撫司兵四萬人出屯熙
秦六千人隸郭浩留吳玠精兵二萬人屯興元府興
洋二州戊寅置錢引務于永興軍是月撫州鈐轄伍
俊謀據桃源復叛湖北安撫薛弼召誅之秋七月甲
申以文臣為新復諸縣令丙戌東京耆老李茂松寇

璋等二百人奉表稱賀皆引見補官遣還復置都水南北丞各一員丁亥金人拘王倫于中山丙申命詳驗劉豫僞官換給告身乙巳給還僞齊所沒民間資產以胡世將兼權主管四川宣撫司八月巳酉復淮南諸州學官庚戌賜陝西諸軍冬衣絹十五萬匹命前川陝宣撫司便宜所補官限一年自陳換給告身丙辰金國以撻懶王和訶地疑其二心殺之壬戌蠲成都潼川路歲輸對糴等米五十四萬石水運錢七十萬緡乙丑給新法度牒紫衣師號錢二百萬緡付陝西市軍儲巳巳命陝西復行鐵錢庚午遣蘇符等

使金賀正旦乙亥遣前知宿州趙榮知壽州王威俱還金國以關師古爲行營中護軍前軍統制九月巳卯命鄜延秦鳳熙河路招納蕃部熟戶及陷沒夏國軍民丙戌封叔士儂爲齊安郡王庚寅罷經制司令提刑兼領常平事甲午名皇太后殿曰慈寧丙申以威州防禦使溫濟告韓世忠陰事勒淳南建州編管世忠又奏欲殺之詔移萬安軍巳亥郭仲荀率東京兵五千至鎮江冬十月辛亥詔侍從官各舉所知二人王倫見金主于御林子被拘于河間遣其副監公佐先歸甲寅王樞入見併其俘百九十人皆縱遣還

夏國已未蠲階成岷鳳四州民稅之半戊辰慈寧宮
成甲戌日中有黑子丙子賜李顯忠軍錢十萬緡是
月岳飛入見十一月戊寅朔賜吳玠家錢三萬緡以
其弟璘為龍神衛四廂都指揮使申命刑部大理官
編次刑名斷例癸未嗣濮王仲儼薨已丑詔三省官
屬詳覆在京通用令追復張所為直龍圖閣十二月
甲寅命續編紹興因革禮甲子李光罷戊辰命續修
元豐會要元术留蘇符等于東宮謀復取河南
十年春正月丙戌遣莫將等充迎護梓宮奉迎兩宮
使辛卯李綱薨甲辰以顯謨閣直學士提舉醴泉觀

鄭億年復資政殿學士奉朝請二月戊申命陝西復
募蕃漢弓箭手詔賊吏罪抵死情犯甚者奏取旨妾
兩霄以劉錡為東京副留守李顯忠南京副留守壬子
命兩宗正官各舉所知宗室二人癸丑展省試期一
年壬戌詔新復州軍蒐舉隱逸諸路經理屯田丁卯
罷史館以日曆歸秘書省置監修國史官以孟庾知
開封府為東京留守仇愈知河南府西京留守癸酉
罷吏部審量宣和濫賞三月甲申封闕伯為尚丘宣
明王戊子增印錢引五百萬緡付宣撫司市軍儲川
陝宣撫副使胡世將屢言金人必渝盟宜為備已丑

罷諸路增置稅場韓世忠張俊入見始罷內教復營
建康行宮丙申蘇符自東京還丁酉命川陝宣撫司
軍事不及待報者聽隨宜措置己亥以郭浩知永興
軍兼節制陝西諸路軍馬楊政徙知興元府是月命
胡世將與夏人議入貢夏人不報夏四月丙午訪求
亡逸曆書及精於星曆者辛酉以張中孚為醴泉觀
使中孚提舉祐聖觀趙彬為兵部侍郎癸亥命部使
者歲舉廉吏一人庚午復四川諸州學官壬申韓肖
胄罷五月己卯金人叛盟兀朮等分四道來攻甲申
名徽宗御制閣曰敷文乙酉兀朮入東京留守孟庾

以城降知興仁府李師雄知淮寧府李正民及河南
諸州繼降丙戌金人陷拱州守臣王慥死之撒离曷
自河中趨永興軍陝西州縣官皆降丁亥金人陷南
京留守路允迪降劉錡引兵至順昌府己丑金人陷
西京留守李利用副總管孫暉皆棄城走鈐轄李興
率兵拒戰不克辛卯胡世將自河池遣涇原經畧使田
晟以兵三千人迎敵金人京湖宣撫司忠義統領李
寶敗金人于興仁府境上癸巳知亳州王彥先叛降
于金金人陷永興軍趨鳳翔丁酉命胡世將移陝西
之右護軍還屯蜀口以福建廣東盜起命兩路監司

宋史紀事本末卷之二十九
十一
出境共討已亥命劉光世為三京招撫處置使以援
劉錡庚子以吳璘同節制陝西諸路軍馬聽胡世將
便宜黜陟處置軍事辛丑金人犯鳳翔府之石壁紫
吳璘遣統制姚仲等拒卻之金人圍耀州郭浩遣兵
救之金兵解去壬寅金人圍順昌府三路都統葛王
襲以大軍繼至劉錡力戰敗之六月甲辰朔以韓世
忠太保張俊少師岳飛少保並兼河南北諸路招討
使乙巳劉錡遣將闞充戰敗金人于順昌之李村丙
午命兩浙江東福建諸州團結弓弩手以仇忿為沿
海制置使詔將佐士卒能立奇功者賞以使相節鉞

官告臨軍給受丁未罷建康府行宮營繕戊申以
劉錡為沿海制置使己酉吳璘遣統制李師顏等
戰敗金人于扶風拔之壬子兀朮及宋叛將孔彥
舟艷瓊趙榮等帥衆十餘萬攻順昌府劉錡率將
士殊死戰大敗之初秦檜奏命錡擇利班師錡不
奉詔戰益力遂能以寡勝衆乙卯順昌圍解兀朮
還以知平江府梁汝嘉兼浙西沿海制置使丙辰
岳飛將牛皋及金人戰于京西敗之己未劉光世
進軍和州郭浩遣統制鄭建充攻破金人于醴州
復其城壬戌詔諸司錢物量留經費外悉發以贍

軍樓焯以父喪去位甲子撒离喝攻青谿嶺鄜延
經略使王彥率兵戰敗之撒离喝還屯鳳翔命士
儂主奉濮王祠事張俊遣左護軍都統制王德援
劉錡德暫至順昌值圍已解復還廬州遣司農少
卿李若虛詣岳飛軍諭指班師飛不聽丙寅下詔
撫諭順昌府官吏兵民庚午以劉錡爲武泰軍節
度使侍衛馬軍都虞候韓世忠遣統制王勝背嵬
將成閔率兵至淮陽軍南與金人遇擊敗之是月
金人圍慶陽府權守臣宋萬年固守金人不能下
岳飛領兵援劉琦與金人戰于蔡州敗之復蔡州

閏月癸酉朔張俊遣統制宋超敗金人于永城縣朱
家村甲戌遣孟庚路允迪官棧家屬遠郡丙子詔
三衙管軍及觀察使以上各舉智勇勇猛材堪將
帥者二人金人犯涇州守臣曲汲棄城去經畧使
田晟率兵來救金人敗走甲申晟及金人再戰于
涇州敗之金人引歸鳳翔乙酉降陝西雜犯死罪
釋流以下囚丙戌以胡世將爲端明殿學士兵部
爲鎮西節度使楊政武當節度使郭浩奉國公度
使王德攻金人于宿州夜破之降其守馬秦吉亥
詔釋順昌府流以下囚再復租稅二年守禦官更

進官一等己丑永興軍鈴轄傅忠信等與金人戰于
華陰縣敗之壬辰岳飛遣統制張憲擊金將韓常于
潁昌府敗之復潁昌丙申張憲復淮寧府丁酉趙鼎
分司興化軍居住岳飛遣統制郝晟等與金人戰于
鄭州北復鄭州辛興復汝州與金人戰于河清縣敗
之復伊陽等八縣李成道去陸世忠遣統制王勝王
權攻海州克之執其守王山戌戌張俊率親制宋紹
等及王德兵會于城父縣酈瓊及葛王褒遁去遂復
亳州己亥金人救海州王權等逆戰敗之復懷二縣
庚子張俊棄亳州引軍還壽春再敗趙鼎滑州居住

又敗清遠軍節度副使潮州安置秋七月癸卯岳飛
遣將張應韓清入西京會李興復永安軍丙午以御
史中丞王次翁參知政事己酉岳飛及兀朮戰于鄜
城將敗之庚戌曲赦海州永安軍統領辛鎮及金人
戰于長安城下敗之癸丑以楊沂中為淮北宣撫副
使劉錡為判官甲寅岳飛遣統制楊再興王蘭等擊
金人于小商橋皆戰死乙卯金人攻潁昌岳飛遣將
王貴姚政合兵力戰敗之壬戌飛以累寇詔班師遂
自鄆城還軍皆潰金人追之不及潁昌蔡州皆
復為金有甲子以程莫文宣王為大祀乙丑增收州

縣頭子錢為沒賞費金人圍淮寧府趙崇淵棄城南
歸辛未金人犯盩厔縣王俊逆戰于東洛谷谷卻之八
月壬申朔以張九成俞樗陳剛中凌景夏樊光遠毛
叔度元盩等七人嘗不主和議皆降黜之乙亥韓世
忠圖淮陽軍不克庚辰金人及鄜州合兵駐于千秋
湖陵韓世忠遣統制劉寶等夜襲破之壬午李成犯
西京李興擊卻之揚沂中軍于宿州丙戌以郭浩知
夔州丁亥揚沂中自宿州夜趨柳子鎮軍潰遂自壽
春府渡淮歸金人屠宿州甲午川陝宣撫司統領王
喜等遇金人于汧陽以敗之九月壬寅朔遷起居舍

人李易詢韓世忠罷立時秦檜專主和議諸大帥皆
還鎮丁未楊政遣統制楊從儀夜襲金人于鳳翔府
敗之戊申金人復入西京李興棄城去庚戌合祀天
地于明堂大赦辛酉臨安火戊辰以郭浩知金州節
制陝西河東軍馬兼措置河東忠義軍是秋知代州
王忠植舉兵復石代等十一州冬十月癸酉復張浚
觀文殿大學士甲戌以王忠植為潼寧軍節度使河
東路經畧安撫使戊寅秦檜上重修紹興在京通用
教令格式庚辰金人犯慶陽府守臣宋萬年以城降
辛卯金人犯陝州吳玠率兵迎擊敗之庚子金人襲

辰岳飛發鄂州辛巳知秦州王瑒兼通秦二州制置使癸未王德田師中等擊破金人復舍山縣奪昭關劉錡自東關擊敗金人于青谿甲申金人復犯昭關王德等又敗之李顯忠遣統領崔阜擊敗金人于舒城縣丁亥楊沂中劉錡等大敗兀朮軍于柘臯巳丑兀朮親率兵逆戰于店步沂中等又敗之乘勝逐北遂復廬州是月虔吉州盜賊悉平三月庚子朔張俊進鬻田及賣度牒錢六十三萬緡助軍用壬寅韓世忠引兵趨壽春癸卯復張俊特進金人圍濠州岳飛發舒州甲辰張俊楊沂中劉錡議班師乙巳沂中錡先

行俊以輕兵留後丙午詔釋淮西雜犯死罪以下囚丁未金人陷濠州執守臣王進夷其城鈐轄邵青死之戊申張俊遣楊沂中王德入濠州遇金伏兵敗還巳酉韓世忠至濠州不利而退辛亥岳飛次定遠縣聞金兵退還屯舒州楊沂中歸行在壬子金人渡淮北歸癸丑張浚歸建康府丁巳劉錡歸太平州甲子行營統制張彥及金人遇于汧陽之劉坊砦第八將張宏戰沒夏四月丙子復收免行錢巳卯孫近罷辛巳以王次翁兼權同知樞密院事韓世忠張浚岳飛相繼入覲壬辰以世忠俊並爲樞密使飛樞密副使

命三省樞密院官復分班奏事乙未張浚請以所部兵
 隸御前罷三宣撫司改統制官為御前統制官各屯駐
 舊所丙申以廣西經略使胡舜陟節制廣東湖南兵趣
 討駱科慕洧破新泉砦又攻會州將官朱勇破之五月
 辛丑置兩淮江東西湖廣京西三道總領軍馬錢糧官
 仍掌報發御前軍馬文字癸卯賻恤戰沒將士丁未遣
 張俊岳飛于楚州巡視邊防召劉光世赴行在甲寅
 命樞密行府置司鎮江令徧行巡歷措置庚申加楊
 沂中檢校少保開府儀同三司六月乙亥造尅敵弓
 加秦檜特進進尚書左僕射同中書門下平章事兼

樞密使癸未張俊岳飛至楚州俊以海州城不可守
 毀之遷其民統韓世忠軍還鎮江惟背嵬一軍赴行
 在甲申知河南府李興部兵至鄂州以興為左軍統
 制乙丑明州僧王法恩等謀反伏誅壬辰劉光世罷
 為萬壽觀使秋七月戊戌秦檜上徽宗實錄進脩撰
 以下各一官庚子以翰林學士范同參知政事以旱
 減膳祈禱遣官決滯獄出繫囚丁未加秦檜少保
 甲寅罷劉鈞兵命知荆南府乙卯詔優獎末興鳳翔
 秦隴等州縣官到任半年減磨劄任滿遷一官己未
 加張俊太傅癸亥大雨是月命張俊復如鎮江措置

軍務留岳飛行在八月戊辰立祚德廟于臨安祀韓
燾甲戌罷岳飛乙亥命諸王後各推年長一人權主
祀事癸巳胡世將起復九月癸卯命軍器少監鮑瑤
如鄂州根括宣撫司錢穀鄂州前軍副統制王俊告
副都統制張憲謀據襄陽為變張俊收憲屬吏以聞
丁未坐監司不按賊吏非辛亥吳璘拔秦州州將武
誼降壬子璘率姚仲及金人戰于下劉圜敗之揚政
克隴州破岐下諸屯郭浩復華州入陝州甲寅建康
大火丙申遣劉光遠等克金國通問使吳璘及金人
戰于剡家灣大敗之遂圍臘家城癸亥璘自臘家城

受詔班師揚政郭浩皆引軍還乙丑邵隆復虢州郝
晟討禽駱科斬之冬十月丙寅朔金人陷泗州遂陷
楚州丁卯命樞密都承旨鄭剛中宣諭川陝戊辰揚
政及金人戰于寶雞縣敗之金通檢字輩乙亥兀朮
遣劉光遠等還戍寅詔修玉牒下岳飛張憲大理獄命
御史中丞何鑄大理卿周三畏鞠之士午遣魏良臣
王公亮為金國稟議使乙酉虛恨戀主歷階請嘉州
降癸巳韓世忠罷為醴泉觀使封福國公是月金人
陷濠州邵隆復陝州十一月己亥范同罷青降李光
為建寧軍節度副使滕州安置辛丑兀朮遣密議使

蕭毅邢其瞻與魏良臣等偕來丁未范同分司筠州
居住罷判太宗正事士儂同知宗正事士儔申嚴戚
里宗室謁禁已酉雷壬子蕭毅等入見始定議和盟
誓乙卯以何鑄祭書樞密院事克金國報謝進誓表
便庚申命宰執及議誓撰文官告祭天地宗廟社稷
辛酉以張浚為檢校少傅崇信軍節度使萬壽觀使
是月與金國和議成立盟書約以淮水中流畫疆割
唐鄧二州界之歲奉銀二十五萬兩絹二十五萬匹
休兵息民各守境土詔川陝宣撫司毋出兵生事招
納叛亡駱科餘黨歐幻四等復叛德陽監山犯平陽
縣遣江西兵馬都監程師回討平之十二月丁卯責
降徽猷閣待制劉洪道為濠州團練副使柳州安置
癸酉命尚書省置籍勾考諸路滯獄甲戌罷川陝宣
撫司便宜行事乙亥兀朮遣何鑄等如會寧見金主
且趣割陝西餘地遂命周聿莫將鄭剛中分畫京西
唐鄧陝西地界壬午命州縣三歲一置產業部籍民
貲財田宅以定賦役禁受賂虧隱舊額丁亥立譏察
海州條法癸巳賜岳飛死于大理寺斬其子雲及張
憲于市家屬徙廣南官屬于鵬等論罪有差

嘉靖丙辰年
監生杜棟刊

本紀卷第二十九

本紀卷第三十

宋史三十

開府儀同三司上柱國錄軍國重事尚書右丞相兼樞密院事都總裁臣
勅修

高宗七

十一年春正月癸卯罷樞密行府庚申孫近分司漳
州居住二月丁丑加建國公瑗為檢校少我進封普
安郡王己卯賜楊沂中名存中丙戌詔諸州修學宮
辛卯蠲廣南東西路駱科殘擾州縣今年租鎮江太
平池州蕪湖大火癸巳金主許歸梓宮及皇太后遣
何鑄等還三月丙申臨安府火壬寅命普安郡王出

就第朝朔望辛亥以士儂嘗營護岳飛爲朋比責建
州居住丙辰胡世將卒夏四月甲子朔遣孟忠厚爲
迎護梓宮禮儀使王次翁爲奉迎兩宮禮儀使丁卯
皇太后偕梓宮發五國城金遣完顏宗賢劉昫護送
梓宮高居安護送皇太后庚午賜禮部進士陳誠之
以下二百五十四人及第出身戊寅封韋淵平樂郡
王辛巳皇后邢氏崩計初至甲申增修臨安府學爲
太學五月甲午以鄭剛中爲川陝宣撫副使乙未遣
審昭遠等賀金主生辰置淮西京西陝西諸路權場
丙午增築慈寧殿停給度僧牒乙卯復試教官法六

月甲子命侍從臺諫禮官雜議權奉攢宮戊辰以万
俟卨爲攢官按行使辛未責降王度爲嚮德軍節度
副使道州安置壬午金國歸孟庚李正民甲申以吳
璘爲檢校少師階成岷鳳四州經略使秋七月壬辰
朔福州簽判胡銓除名新州編管丁酉上皇后諡曰
懿節祔神主于別廟己亥以何鑄兼權參知政事己
酉始製常行儀仗及造玉輅乙卯蠲廣南湖北沿邊
州軍免行錢八月辛酉朔兀朮使來求商州及和尚
方山二原丙寅何鑄罷甲戌以万俟卨參知政事充
金國報謝使壬午皇太后至入居慈寧宮己丑帝易

總服奉迎徽宗及顯肅懿節二后梓宮至奉安于龍
德別宮是月鄭剛中分畫陝西地界割商秦之半界
金國存上津豐陽天水三縣及隴西成紀餘地棄和
尚方山二原以大散關爲界九月乙未以孟忠厚爲
樞密使充攢官總護使壬寅大赦乙巳加秦檜太師
封魏國公丙午金使劉筈完顏宗表等九人入見戊
申以王次翁等充金國報謝使藏金國誓書于內侍
省辛亥加張中孚開府儀同三司中彥清海軍節度
使甲寅杖殺僞福國長公主李善靜以金州郭浩爲
金房開達四州經略安撫使始遣楊愿使金賀正旦

冬十月乙丑始聽中外用樂丙寅遣樞密徽宗皇帝文
顯肅皇后于會稽永固陵懿節皇后附乙亥以翰林
學士陳克俊簽書樞密院事權參知政事丁丑以皇
太后回鑾推恩進封秦檜爲秦魏兩國公辭不拜庚
辰以何鑄黨援岳飛不主和議責授祕書少監徽州
居住甲申皇太后生辰上壽于慈寧宮丁亥置福建
路提舉茶司事十一月癸巳樞密使張浚罷遣封肅
河郡王以左司郎中李椿年爲兩淮轉運副使尋治
經界乙未加楊存中少保己亥禁殿講人私至行在
庚子作崇政垂拱二殿辛丑劉光世薨壬寅嘗祖庭

秦魯國大長公主薨丙午其煇卒庚戌孟憲皇孫在
承事即張戒坐黨趙鼎岳飛停官辛亥遣張中寧中
彥還金國十二月甲子詔侍從監察御史已上監司郡
守各舉所知宗室丙寅幸秦魯國大長公主第臨奠
又幸劉光世第臨奠庚午命太學弟子貢以三百人
為額壬申秦檜上六曹寺監通用敕令格式癸酉以
李顯忠為保信軍節度使御前選鋒軍統制三進為
御前諸軍統制是歲斷大辟二十四人

十三年春正月戊戌加上徽宗謚曰體神合道毅烈
遜功聖文仁德憲慈顯孝皇帝己亥親饗太廟奉正

冊寶癸卯增建國子監太學乙巳復兼試進士經義
詩賦二月壬戌初御前殿特引四參官起居甲子製
郊廟社稷祭器乙丑更求固陵曰永祐丙寅封韓世
忠咸安郡王乙亥蠲雷化等十州免行錢丙子造金
象革木四輅庚辰立太學及科舉試法辛巳秘書少
監秦熺修建炎以來日曆成乙酉建景靈宮奉安累
朝神御三月己亥造鹵簿儀仗乙巳建社稷壇丙午
築園丘振淮南饑民仍禁遏糴夏四月癸亥頒鄉飲
酒儀于郡國甲戌毀獄吏訊囚非法之具閏月己丑
立貴妃吳氏為皇后戊申命史館編靖康建炎忠義

錄庚戌楊政入見加檢校少保賜田五十頃壬子蠲諸路無名月椿錢乙卯王次翁罷五月甲子張九成坐黨趙鼎南安軍居住壬申置國子博士正錄乙亥命諸路置放生池丁丑天申節始上壽錫宴如故事六月壬戌禁三衙及諸軍市易月增將官供給錢有差壬寅程克俊罷以万俟卨兼權簽書樞密院事戊申詔諸路提刑歲舉部內廉明平恕獄官庚戌金遣洪皓張邵朱弁來歸秋七月甲子詔求遺書罷捕賊補官格丙寅處州兵士楊興等謀作亂事覺伏誅戊辰置諸州銅作務壬申雨雹蠲浙西貧民逋負丁鹽

錢八月丙戌遣吏部侍郎江邈奉迎累朝神御于温州丁亥命諸路有出身監司一員提舉學事戊戌洪皓至自金國入見己亥遣鄭朴等使金賀正旦王師心等賀金主生辰鄭剛中獻黃金萬兩辛丑廢昌化萬安吉陽軍知階州田晟將所部三千人赴行在丁未以晟主管侍衛馬軍司公事其衆隸焉己酉加錢樞太尉庚戌詔監司守臣講求恤民事宜九月丁巳宗室子偁卒于秀州甲子洪皓出知饒州戊辰命諸路置敦宗院己巳詔准東京西監司歲給上州縣所增戶口為符令殿最庚午以兵部侍郎司馬朴死辟

贈兵部尚書賜其家銀絹癸酉詔諸州守貳從舉學
事縣令佐主管學事戊寅蠲淮南逋欠坊場錢及上
供帛冬十月己丑秦儉上監學教令格式庚寅製渾
天儀乙未奉安累朝帝后神御于景靈宮十一月庚申
日南至合祀天地于圜丘太社太宗並配太赦十二月
癸未朔日食雲陰不見享郊毀私鑄毛錢癸己建秘書
省丁酉增太學弟子員二百己亥郭浩入見丁未命
行在宗子入宮學己酉金遣完顏暉等來賀明年正旦是
月始頒來歲曆于諸路監司守臣是歲關外初行營甲
十四年春正月丁巳遣羅汝楫等報謝金國甲子臨

安府火戊寅命普安郡王為子備解官持服二月丁
亥復置清州新民學癸己蠲江浙諸路逋欠錢帛戊
戌初命四川都轉運司成撥總制司錢百七十三萬
緡市紬絹綿輸于邠州領所與午罷乃侯高定宗學
生額為百員己酉以書院為學士樓知書樞密院事
兼權參知政事加郭浩檢校少保三月乙卯蠲江浙
京湖積欠上供錢米丁卯進金太祖嫌名改岷州為
西和州川陝宣撫司為四川宣撫司己巳辛太學蠲
汀漳泉建四州經賦錢民戶賦役一年壬申解潛
坐黨趙鼎責授濠州團練副使南安軍安置己卯詔

舉賢良覓四月甲申詔刑部及監司決絕滯訟于亥
初禁野史處州民折其屋朽柱中有文曰天下太平
年申午金人來求淮北人之在南者詔願者聽還遣
馬軍司統領張守志討海賊未明五月丙辰詔階成
西和鳳四州募兵赴行在甲子擢焯罷乙丑以御史
中丞李文會簽書樞密院事兼權參知政事丙寅婺
州大水己巳金主遣烏地和等來賀夫申節辛未楚
州鹽城縣海水清是月嚴信衢建四州水六月甲申
蠲江浙州縣酒稅坊場綱運倉庫積年逋負孫近再
奪三官移南安軍居住丁亥加高世則少保戊子安

南國入貢癸巳宣州涇縣妖賊俞一作亂守臣捕滅
之乙未振江浙福建被水之民丙申內侍白鄂坐誹
謗及其客張伯麟俱黥配吉陽軍特贈子偁太子少
師官給葬事庚子奪万俟卨三官歸州居住乙巳置
國子監小學秋七月戊午金人殺王倫于河間府丙
寅立明法科兼經法丙子幸秘書省八月癸未撫州
獻瑞禾庚寅以李椿年權戶部侍郎仍治經界乙未
遣林保使金賀正旦宋之才賀金主生辰九月辛酉
分利州爲東西路以吳璘爲利州西路安撫使楊政
利州東路安撫使甲子命郡守終更入見各舉所部

縣令一人壬申趙鼎移吉陽軍安置癸酉命臨安府
索蔡京子孫逮赴貶所遇赦永不量移冬十月甲午
從右正言何若言請戒內外師儒之官黜伊川程氏
之學乙未加韋淵少師己亥以永道郴三州桂陽監
及茶陵縣民多不舉子永蠲其身丁錢絹米麥十一
月甲子復內教即禁中閣試三衙將士癸酉李光移
瓊州安置乙亥朱勝非薨十二月丁丑朔潼川府路
轉運判官宋蒼舒獻嘉禾一莖九穗己卯命諸郡收
養老疾貧乏之民復置漏澤園葬死而無歸者丁酉
李文會罷尋責筠州居住庚子以御史中丞楊愿簽

書樞密院事兼權參知政事癸卯金道亨散溫等來
賀明年正日是月汀賊華齊寇漳州長泰縣安撫司
遣兵捕之爲所敗將佐趙成等死之是歲四川宣撫
司始取民戶稱提錢歲四十萬緡以備軍費

十五年春正月丁未朔御大慶殿初行大朝會禮戊
申瀘南安撫使馮楫獻嘉禾己未分經義詩賦爲兩
科取士辛酉初置籍田丁卯減成都府路對糴米三
之一宣撫司激賞錢三十萬緡戊辰命戶部侍郎王
鈇措置兩浙經界辛未初命僧道納免丁錢二月戊
寅增大學弟子員百人乙未詔州縣科折之數第三

等戶毋或均配巳亥封崇國公璩爲恩平郡王出就第
三月甲子遣敷文閣待制周襟馬官國史愿諸將程
師回馬欽白常皆還金國夏四月丙子朔賜秦檜第
一區戊寅彗星出東方癸未避殿減膳命監司郡守
條上便民事宜提刑巡行決獄賜禮部進士劉章以
下三百人及第出身丁亥以彗出大赦癸巳彗沒甲
午遣後軍統制張淵討捕福建盜賊庚子罷四川都
轉運司五月丙辰客星見戊午命貧民產子賜義倉
米一斛甲子金遣完顏宗尹等來賀天申節六月乙
亥朔日有食之丁丑幸秦檜第乙酉加檜妻婦子孫

官封丁亥客星沒秋七月戊申復置利州鑄錢監戊
午命監司審察縣令治狀顯著及老懦不職者上其
名以爲黜陟蠲廬光二州上供錢米一年丁卯免汀
漳二州秋稅及處州三縣被水民家紬絹鄂州舊額
絹各一年巳巳蠲四川轉運司積貸常平錢十三萬
緡八月甲戌朔禁收折帛令零錢止輸實數乙亥蠲
京西路請佃田租及州縣場務稅錢二年巳亥改諸
路提舉茶鹽官爲提舉常平茶鹽公事川廣以憲臣
兼領辛丑復增太學弟子員二百九月辛酉遣錢周
林使金賀正旦嚴拆賀金主生辰冬十月乙亥帝書

一德格天之閣賜秦檜仍就第賜宴丙子楊愿罷癸
 未以樞密都承旨李若谷簽書樞密院事兼權參知
 政事武岡軍徭人楊再興降庚寅以翰林學士承旨
 秦熈為資政殿學士提舉萬壽觀兼侍讀恩數視執
 政辛卯夜雷癸巳蠲安豐軍上供錢米二年甲午以
 汪勃言折彥質黨趙鼎柳州安置庚子置四川宣撫
 司總領錢糧官辛丑命秦熈班簽書樞密之下十一
 月甲辰加錢忱少保錢愐開府儀同三司丙辰郭浩
 卒丙寅全給秦檜歲賜公使錢萬緡閏月己卯罷明
 法新科十一月戊午置江陰軍市舶務甲子命右司

員外郎李朝正同措置經界丁卯金道蒲察詒等來
 賀明年正旦

十六年春正月戊子增太學外舍生額至千人壬辰
 親饗先農于東郊行籍田禮執耒耜九推詔告郡縣
 二月辛丑割金州豐陽縣洋州乾祐縣界金人壬寅
 毀諸路淫祠癸丑建秦檜家廟三月庚午朔建武學
 置弟子員百人辛卯造秦檜家廟祭器乙未增建太
 廟己亥立淮東江東兩浙湖北州縣歲較營田賞罰
 格夏四月壬子禁州縣預借民稅及和買錢戊午定
 選試武士弓馬去留格五月壬申濟運河命諸路漕

臣兼提舉學事癸未初作大廟祀室丙戌作景鐘丁亥金遣烏古論海等來賀天申節六月安南獻馴象十秋七月壬申以張浚上疏論時事落節鉞連州居住壬辰立秘書省獻書賞格丙申復何鑄為端明殿學士兼侍讀八月辛丑築高祺壇壬子遣邊知白使金賀正旦周執羔賀金主生辰九月甲戌命何鑄等為金國祈請使請國族甲午賞統制張淵韓京等討捕福建廣東諸盜功各進官有差冬十月戊戌帝觀新作禮器于射殿撞景鐘奏新樂十一月丙子合祀天地于園丘大赦庚辰罷州縣新創稅場癸未復置

御書院己丑加濬正夫少保十二月戊戌書日見西面方乙巳城辛酉金遣唐芳倫等來賀明年正旦十七年春正月己巳命諸路收試中原流寓士人已卯禁監司郡守進羨餘辛卯以舉人多自貢命州縣每三歲行鄉飲酒禮以貢士士辰以李若谷參知政事御史中丞何若愚言福寧監官奏已進羨餘為資政殿大學士二月乙巳親祠高禩李西亭李若谷罷三月乙亥何若罷己卯以翰林學士段拂參知政事乙酉改封秦檜為益國公戊子改命張俊為壽州軍武靖海軍節度使韓世忠鎮南京安國軍節度使張瑄

李若谷資政殿學士去江州居任夏四月丙寅詔院
免行錢三之一己亥以御史中丞汪綱為言福安院
事已未詔趙鼎遇赦永不檢舉以前康所潮州等事
參軍石怪待遇鼎厚除名漳州編管五月甲子詔舉
賢良乙丑兩憲已已洪皓言漳州團練副使吳州安
置卒已金遣官額下等來賀元亨年六月乙卯蔡紹
安盜賊戊午改命曹安部王璣為言德軍節度使
恩平部王璣武康軍節度使秋七月庚辰召鄭剛中
赴行在辛巳太白言見以徽徽閣待制知成都府李
燾權四川宣撫使癸未命李璣同總領四川財賦符

行中參酌減放四川重斂戊子以呂天璘充御前諸軍都
統制兼知興州八月庚子罷建州判官黃璠癸卯
趙鼎薨于吉陽軍戎申遣沈該使金賀正日各啓大方
賀金主生辰丁巳以諸路羨餘錢充月椿之數加邢
孝揚太尉九月己巳減四川科率虛額錢歲二百八
十五萬緡癸酉詔以四川宣撫司降賜庫米一百萬
石均減對糴乙亥蠲江南東西道諸州月椿錢丙子
鄭剛中罷丙戌減江浙諸州折帛錢冬十月辛卯朔
日有食之癸卯建太一宮丁未命太常歲以春秋二
仲薦慶攢宮季秋遣御史按視已酉進揚存中為少

守三百九十八
傳已未臨安府甘露降十一月丙寅秦增上重修為
役敕令格式丁卯復賜進士聞喜宴十二月辛卯朔
禁諸州擅釋放流配命官及事于邊防切要之人甲
寅鄭剛中落職桂陽監居住丙辰金遣完顏宗藩等
來賀明年正旦

十八年春正月己巳幸天竺寺遂幸玉津園二月乙未
段拂罷尋落職與國軍居住以汪勃兼權參知政事
辛亥聽趙鼎歸葬二月丁丑命揚政吳璘招關陝流
民補殿前軍戊寅罷汀州諸縣上供銀蠲茶鉛本錢
之半庚辰辛新太一宮壬午以秦熺知樞密院事乙

也
去音允大

酉禁民私渡淮及招納叛亡夏四月戊子朔日有食
之庚子秦熺乞避父子共政以為觀文殿學士提舉
萬壽觀兼侍讀提舉秘書省士寅命熺恩禮視宰臣
班次亞右僕射甲辰賜禮部進士王佐以下三百三
十人及第出身丙辰加士會開府儀同三司五月戊
辰加吳益太尉乙亥熺損奉使賞給丙子金遣蕭秉
溫等來賀天申節癸未以李顯忠私取故妻于金降
為平海軍承宣使台州居住甲申罷四川宣撫司以
李璆為四川安撫制置使是月徽州慶雲見六月甲
辰築九宮貴神壇于東郊戊申士民曹溥等上尊號

不許是月遣太府寺丞宋仲堪詣江州置獄鞠鄭剛
中欺隱官錢福州候官縣有竹實如米飢民採食之
是夏浙東西淮南江東旱八月丙申汪勃罷丁酉以
工部尚書詹大方簽書樞密院事兼權參知政事蔡
州縣士民飾詞舉留官吏閏月庚申免江浙湖南今
歲和糴甲子命臨安平江二府淮東西湖北三總領
所歲糴米百二十萬石以廣儲蓄壬申遣王墨卿使
金賀正旦陳誠之賀金主生辰甲申辛道宗降官房
州羈管乙酉禁奉使三節人出境博易福建諸州賊
平以所剽招奇兵爲殿前司左翼軍九月丙午彥笑

方薨冬十月丙辰以御史中丞余堯弼簽書樞密院
事兼權參知政事十一月乙酉朔升威生帝爲上祀
己亥胡銓移吉陽軍編管壬寅鄭剛中責濠州團練
副使復州安道戊申禁四川買馬宮吏私市蠻馬辛
亥振紹興府饑十二月乙卯朔林明越秀潤徽婺饒
信諸州流民丙寅借給被災農民春耕費丁卯命利
路三都統措置營田以其租充減免對糴之數戊辰
蠲被天下戶積欠租稅庚辰金遣召守忠等來賀明
年正旦

十九年春正月甲申朔以皇太后年七十帝詣慈寧

殿行慶壽禮甲午罷國信所回易北貨癸卯幸天竺
寺遂幸玉津園二月丁丑禁湖北溪洞用人祭鬼及
造蠱毒犯者保甲同坐三月癸未朔日有食之甲辰
鄭剛中移封州安置于良嗣等亦除名編管夏四月
丁巳立學生牧馬監賞罰格丙寅秘閣修撰張邵上
秦檜在金國代徽宗與粘罕書蒙詔休文館以邵為
徽猷閣待制戊寅湖廣江西略建康府並甘露降正
月壬午朔汀漳泉三州民田被賊蹂踐蠲其二稅戊
戌賞平福建群盜功以選鋒軍統制劉寶為武泰軍
承宣使餘將士遷秩有差與于金遣唐栝德溫等來

賀天申節丁未減連英循惠新恩六州免行錢六月
丁巳茶陵縣丞王庭珪作詩送胡銓坐謫訕停官辰
州編管戊午秦檜上吏部續降七司通用法秋七月
壬寅頒諸農書于郡邑八月辛未刺浙東諸州強盜
當配者克沿海諸軍九月戊申命繪秦檜像仍作贊
賜之冬十月己未湖南副總管辛永宗停官肇慶府
編管十一月壬辰合祀天地于園丘大赦辛丑李椿
年以經界不均罷丁未立州縣墾田增虧賞罰格是
月命復蜡祭十二月丁巳金岐王亮誌其主宣自立
己未詔無子女戶得解舉人太學生之獨居者並免

後已命四川制置司歲募扈衛三百人赴行在丁
丑金遣完顏克等來賀明年正旦

二十年春正月丁亥秦檜入朝殿前司軍士施全道
刺之不中壬辰磔全于市癸卯起諸路轉運司及守
臣畢經界事丙午兩浙轉運副使曹泳言李孟堅誦
其父光所撰私史語涉譏謗詔送大理寺二月戊申
朔立守貳令尉營田增虧賞罰格庚戌禁民春月捕
鳥獸蠲靜江府昭州上供折布錢三之一壬子罷經
界所覆實官吏庚申免海外四川及瀘叙二州長寧
軍經界三月庚辰金遣完顏忠恭等來報即位癸未

以余堯弼參知政事給事中巫伋簽書樞密院事丙
戌遣堯弼等賀金主即位戊子以秦燬爲觀文殿大
學士萬壽觀使丙申李孟堅獄具詔李光遇赦永不
檢舉孟堅除名峽州編管胡宙程瑀潘良貴張壽等
八人緣坐黜降有差戊戌詔改正經界法之厲民者
庚子以巫伋兼權參知政事壬寅胡宙青泉州團練
副使新州安置夏四月壬子以沒入官田悉歸常平
司禁募民佃種癸酉置力田科募江浙福建民耕兩
淮間田是月信州妖賊黃曾等作亂監貴溪縣江西
兵馬鈐轄李橫等討平之五月庚辰由禁諸軍差承

接文字使臣伺察朝政癸未秦檜上中興聖統甲午
金就遣完顏思恭等來賀天申節六月癸亥加秦熿
少保詔大理寺鞫前太常主簿吳元美譏謗獄丙寅
禁民結集經社是月建州民張大一作亂秋七月丙
子罷招刺禁軍庚寅罷泉漳汀三州經界八月甲辰
朔量移張浚永州孫近虔州方侯高沅州李若谷饒
州李文會江州段拂南康軍並居住雷州守臣王趨
坐交通趙鼎李光傳官戊申改建大理寺辛酉遣陳
誠之使金賀正旦王曠賀金主生辰九月甲申以吳
元美譏毀大臣除名容州編管丙申侍御史曹筠以

附下閏上罷冬十月戊辰右迪功郎安誠坐文字謗
訕送惠州編管秦檜有疾庚子命執政赴檜第議事
十一月甲子檜始朝命肩輿入宮門二孫扶掖升殿
不拜已巳金遣蕭頤等來賀明年正旦

二十一年春正月癸未以兩淮民復業未久寬其租
賦庚子蠲平江府折帛錢三年二月甲寅夜雨雹乙
卯詔諸州置惠民局官給醫書壬戌遣巫伋等為入
國祈請使請歸淵聖皇帝及皇太后增加帝號等事奏
亥以余堯弼兼簽書樞密院事三月丁酉蠲丁亥
蠲江浙荆湖等路中戶以下積年逋負夏閏四月己

郭某三衙掎剋諸軍丁亥賜禮部進士趙達以下四百
四人及第出身五月辛亥罷利州路選判義士戊午
金遣劉長言等來賀天申節以吳璘揚政田師中並
為太尉六月甲戌括淮南佃田所隱頃畝以呈租稅
辛巳命歲給大理寺三衛及州縣錢和藥劑療病囚
秋七月壬寅以集英殿修撰知衢州曹筠為四川安
撫制置使辛亥罷舉米稅癸亥詔州縣官嘗被科率
害民重罪者不得任守令親民官八月辛未秦檜上
重修諸路茶鹽法壬申臨世忠薨詔進太師致仕癸
酉遣封通義郡王禁郡守特斷之亥加岳陽軍節度

使士樽開府儀同三司克萬壽觀使甲申遣陳夔使
金賀正旦陳相賀金主生神癸九月戊戌朔籍寺觀絕
產以贍學乙巳均科處州丁鹽錢丁巳增築景靈宮
是月巫伋使還所請皆不許冬十月甲戌辛張俊第
壬午進俊為太師升從子子蓋為安德軍節度使甲
申夜有赤氣十一月庚戌余克弼罷乙卯命提舉常
平官修復陂湖丁巳進義副尉劉允中坐指斥謗訕
棄市十二月壬申雷癸巳金遣兀朮魯定方等來賀
明年正旦

二十二年春正月丁未加常淵大保三月丁酉以王

復音伏

庚二子之奇之荀，謗毀朝政，並除名之。奇，梅州之荀。容州編管甲辰，以直龍圖閣葉三省監都作院三遠通書趙鼎王庶力詆和議，言涉謗訕，三省落職。筠州居住遠，除名高州編管。丁巳，遣司農丞鍾世明詣福建路籍寺觀絕產田宅，入官。其後歲入錢三十四萬緡。夏四月丙子，巫伋罷。辛巳，以御史中丞章夏簽書樞密院事兼權參知政事。五月癸丑，金遣田秀穎等來賀天中節。是月襄陽大水。容州野蠻成酋秋七月甲午朔，加封程嬰公孫柝曰韓厥為公。升中祀丁巳。虔州軍卒齊述殺殿前司統制吳進，江西同統領馬

晟據州叛。八月己卯，遣鄂州都統制田師中發兵同江西安撫使張澄發前司遊奕軍統制李耕討述。九月乙未，又遣左翼軍統制陳敏相繼討之。癸丑，章夏罷。冬十月甲戌，以御史中丞朱樸簽書樞密院事兼權參知政事。就命李耕知虔州，真衣以黃岩縣令楊煇誅謗除名。萬安軍編管知台州蕭振落職。池州居住十一月戊申，合祀天地于園立大赦。丁巳，立薦舉受財刑名李耕入虔州，盡誅叛兵。虔州平。十二月辛酉朔，減夔州略及瀟江涓井兩監鹽錢歲八萬二千緡。有奇。戊子，金遣張利用等來賀明年正旦。

本紀卷第三十

本紀卷第三十一

宋史三十一

開禧傳言在國錄軍國事節書丞相兼國史領經筵事都總裁臣脫脫等奉

高宗八

二十三年春正月癸卯進韋淵太傅已酉復以李顯忠為寧國軍節度使二月癸亥幸玉津園遂幸延祥觀庚午禱虔州軍賊黃明等八人于都市辛未改虔州為贛州壬申申嚴冒貫請舉法癸未賞平贛盜功以李耕為金州觀察使將士進秩給賞有差三月丙午齊安郡王士儂薨于建州追封循王詔凡民認復

萬曆二十八年刊

宋史卷三十一

博士陳校

本紀卷第三十

本紀卷第三十一

宋史三十一

開禧傳言在國營圖畫節書丞相襲國史領經筵事都總裁臣脫脫等奉

高宗八

二十三年春正月癸卯進韋淵太傅己酉復以李顯忠為寧國軍節度使二月癸亥幸玉津園遂幸延祥觀庚午轡虔州軍賊黃明等八人于都市辛未改虔州為贛州壬申申嚴冒貫請舉法癸未賞平贛盜功以李耕為金州觀察使將士進秩給賞有差三月丙午齊安郡王士儂薨于建州追封循王詔凡民認復

軍莊管田者償開耕錢丁未禁州縣都監巡尉擅置
刑獄戊申以前太府丞范彥輝謗訕除名荆門軍編
管是春金主亮徙都燕京夏四月辛巳詔諸州編管
羈管人遵舊法長吏月一驗視不許囚禁乙酉減利
州歲鑄錢爲九萬緡五月庚寅禁州縣以私意籍罪
人貲產乙巳復以蕭振爲四川制置使辛亥金遣紇
石烈大雅等來賀天申節乙卯立淮南諸州舉人解
額六月巳卯潼川大水秋七月壬辰寬理平江府湖
秀二州被水民夏稅戊戌從秦檜所請命合州取碁
崇濃草檜罷相制所受墨勅庚戌禁諸軍瀕太湖擅

作壩田八月乙丑士搏薨追封詔王丙寅左宣教郎
王孝廉謀據成都叛事覺伏誅巳卯賜秦檜建康府
永豐圩田乙酉命勅令所編輯中興以後寬恤詔令
九月甲午振潼川被水州縣仍蠲其賦庚子禁採鹿
胎冬十月丁巳詔郡守年七十者聽自陳命主宮觀
戊午遣吳輿使金賀正且施鉅賀金主生辰戊辰宋
撲罷壬申以右諫議大夫史才簽書樞密院事兼權
參知政事丁丑遣戶部郎官鍾世明脩築宣州太平
州圩田是月命大理鞠妖人孫士道獄十一月壬寅
詔立張叔夜廟于信州甲辰班太宗正司條令乙丑

以經筵終帙賜宰執講讀等官宴于秘書省為故事
十二月丁巳詔州縣稅額少者罷其監官癸亥韋淵
薨癸未禁民車服踰制閏月丙申命諸軍保任統制官在
定郡守所上利病以聞辛丑命諸軍保任統制官在
職十年無過者進秩庚戌金遣蔡松年等來賀明年
正旦是歲減池州青陽縣田租萬七千石

二十四年春正月辛未幸延祥觀癸酉初詔郡國同
以八月十五日試舉人丙子封婉容劉氏為貴妃戊
寅地震二月丁亥前左從政郎楊炬坐其弟煜嘗上
書誹謗送邕州編管丙午加吳益太尉三月壬申楊

再興後冠邊前軍統制李道討平之會再興及其子
正倫王拱樞送行在乙亥賜禮部進士張孝祥以下
三百五十六人免其出身及奉繪以私憾摺撫知
定康州主簿文詔大理勅之是春始程州路至夏
四月丙戌詔諸路相補三衙諸軍期三年講其殿最
辛丑西南小張善貢方物已百羅殿國百名馬五月
癸丑朔日有食之衢州民命八作亂圓州城通判州
事汪石錫拒卻之遂掠嚴州壽昌縣遣殿前司正將
率立討平之辛未金遣耶律安禮等來賀天申第六
月癸巳史才罷甲午以御史中丞魏師遜簽書樞密

院事兼權參知政事平丑三指交復死藤州安置
詔營命四川州縣免射物以寬民力尚農未周
令制置司總領功司共措置務在不妨軍食可以裕
民尋遣鍾世明如四川同議以主管侍衛馬軍司成
閔為慶遠軍節度使秋七月癸丑張俊奏勳傳人王
燧坐交通李光下大理獄乙如營招人揚正請正拱
于市已未復置黎雅二州傳易場二所壬戌詔捐四
川茶馬司羨餘給軍費以寬民力甲子獲落南振
職沁州居住乙丑以總領財賦符行中為四川制置
使乙亥南丹州酋金晟及宜州界外諸蠻納土內附

戊寅幸張俊第臨奠八月壬辰祭百官避免輪對
辛罷溫州市黃榭福州貢荔枝丙午追封張俊為循
三以湘潭縣丞鄭杞主簿賈子展朝毀朝政除名杞
客州子長德慶府編管九月辛亥朔李道如納州指
置盜賊丁巳賞平徼賊功升辛立領恩州團練使將
士遷職給錢有差冬十月壬午蠲旱傷州縣租賦戊
子遣沈虛中使金賀正旦張士襄賀金主生辰十一
月乙丑魏師遜罷丁卯以權吏部侍郎施鉉參知政
事鄭仲熊簽書樞密院事及辰進奏煇少傅封嘉國
公是月以通判武岡軍方曠通書胡鑾及他罪除名

永州編管十二月丙戌以該龍圖閣學士程為有論
語請辭秦檜疑其讒已知饒州洪興神嘗為京西
轉運副使魏安行鑄版至是命雙之與視昭州安行
欽州編管瑯子孫亦論罪丁亥三建除名辰州編管
丁酉去部懸程為其丞王學所言慢上無人臣禮
除名貴州編管籍其貲壬寅剽諸路編管人充廂軍
乙巳金壇白考恭等未賀明年正月

二十五年春正月辛未賞討楊再興功保寧軍承宣
使李道落階官加龍神衛四虎都指揮使將一進官
賜錢有差二月乙酉以鎮江都統劉寶為安慶軍

節度使建康都統制王權為清遠軍節度使壬寅以
通判常州江長鄉仁和縣尉為煒作詩譏訕除名長
鄉化州煒武岡軍編管三月巳酉右司郎中張士襄
自金國使還坐奉使不肅罷官壬申地震夏四月乙
酉施鉅罷以鄭仲熊兼權參知政事戊子命四川制
置司許就類省試院校試刑法巳亥減廣西路析米
錢五月丁未朔日有食之太廟仁宗室杜生芝七莖
戊申罷諸路免行錢歲百八萬緡癸丑以前知泉州
宗室令杓譏訕秦檜逃坐交結罪人汀州居住乙丑
金遣李通等來賀天申節壬申賜劉錡湖南田百頃

六月庚申有勅。以禮部侍郎湯思退簽書
樞密院事兼權參知政事。癸卯。以言者追讚岳飛。改
岳州為純州。岳陽軍為華容軍。是月安南入貢。秋七
月丙辰。減四川絹估稅斛鹽酒等錢。歲百六十餘萬。
緡蜀州縣積欠二百九十餘萬。緡詔四川營田有占
民田者。常平司按驗給還。甲戌。封李天作為南平王。
八月丁丑。申嚴誣告加等法。辛巳。命大理鞠趙汾反
令務交通。徵丙戌。以史部侍郎董德元參知政事。蜀
諸路身丁免丁錢一年。壬辰。建執政府。九月丁巳。秦
檜上詔。興寬恤。詔。今冬十月庚辰。復置鴻臚寺。壬午。

遣王岷使金賀正旦。鄭栴賀金主生辰。乙酉。命大理
鞠張析附麗胡寅獄。乙未。幸秦檜第。問疾。夜檜諷右
司員外郎林一飛。臺諫徐嘉張扶等請拜熺為相。丙
申。進封檜建康郡王。熺為少師。並致仕。命湯思退兼
權參知政事。是夕。檜薨。丁酉。檜姻黨戶部侍郎兼知
臨安府曹泳停官。新州安置。朱敦儒薛仲器王彥傳
杜思旦皆罷。命有司具上執政待從官。若外任及主
宮觀與在謫籍者。職位姓名。辛丑。徙殿中侍御史徐
嘉右。政言張扶皆出為他官。十一月乙巳。朔。進封檜
申王。謚忠獻。賜神道碑額。為決策元功。精忠全德。戊

申奪趙汾二官壬子以敷文閣直學士魏良臣參知
政事癸亥合祀天地于園立大赦甲子辛秦檜第臨
奠乙丑復洪皓官釋張杓獄丁卯罷大理寺官旬白
庚午詔監司郡守事無巨細皆須奏聞裁決毋得止
上尚書省臣僚薦舉人才必三人以上同薦封叔和
州防禦使右監門衛大將軍士俊為崇慶軍節度使
嗣漢王福建路提刑令詔為利州觀察使安定郡王
辛未知建康府正會及列郡守臣王昫王鑄鄭僑辛
鄭震方滋俱以諂附貪呂罷真臘羅斛國貢馴象十
二月甲戌朔詔曰臺諫風憲之地比用非其人黨於

王

大臣濟其喜怒殊非耳目之寄朕今親除公正之士
以革前弊繼此者宜盡心乃職毋合黨締交敗亂成
法當謹茲戒毋自貽咎詔張浚折彥質方俟高段拂
聽自便量移奉光彬州安置乙亥復以高為資政殿
學士提舉萬壽觀兼侍讀戊寅鄭億年責建武軍節
度副使南安軍安置壬午詔監司守臣禁羨餘罷權
攝戢苞苴節宴飲詔前後告訐者莫汲汪召錫陸升
之等九人除名廣南諸州編管甲申召孟忠厚奉朝
請命胡會張九成等二十八人並令自便仍復其官
乙酉置德元龍丙戌以劉錡知潭州辛卯命三省六

部備其續降勅旨來上審詳施行甲午以敷文閣待
制沈該參知政事乙未以王會特權貪穢停官循州
編管丙申復以蕭振為四川制置使復張浚折彥質
趙汾葉三省王趙劉岑官移胡銓衡州丁酉禁闕浙
川廣貢真珠文犀戒州縣加收耗糧己亥金遣耶律
歸一等來賀明年正旦

二十六年春正月戊子省諸州稅場以寬商賈甲子
遷復趙鼎孫近鄭剛中汪藻舊職乙丑詔選擇監司
須七品以上清望官或經朝擢及治郡著績者丙寅
曹泳吉陽軍編管封伯令衿明州觀察使安定郡王

詔

以其從弟令誤讓也戊辰除民事律蠲諸路積負及
黃河竹索錢二月乙亥命四川州縣凡預借民賦稅
分限理析己卯定諸州流寓士人解額庚辰罷進奏
院定本朝報乙酉進士林東追諡秦檜上書狂妄英
州編管右朝奉郎林一飛坐指使林東責監高州鹽
稅庚寅三佛齊國入貢辛卯魏良臣罷庚子以左朝
散大夫王曦為秦檜親黨直徽猷閣呂愿中貪虐附
檜曦建昌軍居住愿中責果州團練副使封州安置
三月甲寅以邊事已定罷宰相兼領樞密使丁巳詔
兩淮邊民未復業者復其租十年己未以万俟卨參

知政事癸亥加吳璘開府儀同三司乙丑以東平府
進士梁勛伏闕上書言北事送千里外州軍編管內
寅詔曰講和之策斷自朕志秦檜但能贊朕而已豈
以其存亡而渝定議耶近者無知之輩鼓倡浮言以
惑衆聽至有偽撰詔命名用舊臣抗章公車妄議邊
事朕甚駭之自今有此當重寘典憲丁卯蠲閩浙諸
州歲供軍器所物料三之一減諸州工匠千人己巳
募四川民佃淮南京西閒田並邊復租稅十年次邊
五年夏四月戊子增溫合等十六州解額命湖北路
以增戶墾田爲守令殿最庚寅遣陳誠之等賀金主

等號禮成癸巳置武學官及弟子員百人甲午禁州
郡進祥瑞戊戌立六科以舉士加韋謙太尉詔大辟
情犯無可矜憫者禁刑寺妄引例奏裁貧減罷鄉飲
酒舉士法詔准南京西占射官田踰二年未盡墾者
募人更佃五月壬寅以沈該爲尚書左僕射万俟卨
爲右僕射並同中書門下平章事湯思退知樞密院
事丁未詔州軍教授毋兼他職丙辰蠲楚州盱眙軍
民租十年己未金遣敬嗣暉等來賀天申節六月辛
未朔罷諸路鬻戶絕田丁丑以端明殿學士程克俊
參知政事戊寅復權要親族中第覆試法乙酉詔取

士毋桀程頤王安石一家之說丁亥流星晝隕辛卯
以秦檜既死命史館重脩日曆秋七月辛丑詔三衙
主帥舉武臣堪知州者壬寅蠲諸路丁絹一年爲二
十四萬匹丙午右奉議郎薛仲邕連州編管丁未彗
出井避殿減膳辛亥詔諸州守貳考各縣丁籍依年
格收除民間市物官戶勢家與編氓均科丙辰彗滅
詔進士因事送諸州軍聽讀特放逐便仍許取應辛
酉雨水銀八月戊寅班元豐崇寧學制于諸路革正
前舉登第秦塤曲昌冠等九人出身以淮南提舉常平
朱冠卿言秦檜以私廢法塤等皆其子孫親戚門下

儉人於是有官應試者所授階官易左爲右白身者
駁放占用省額復還後科庚辰裁州縣吏額己丑蠲
建康府積欠內帑錢帛庚寅安南國遣使入貢辛卯
程克俊罷甲子以吏部侍郎張綱參知政事九月乙
巳以翰林學士陳誠之同知樞密院事丙午立互易
薦舉坐罪法壬子詔成都潼川兩路漕臣同制置總
領茶馬司審度四川財賦利害其實惠得以及民調
度可以經久者條具以聞甲寅以天聖紹興真決贓
吏指揮班示諸路丙寅增大理寺吏祿戊辰命吏刑
二部脩條例爲成法冬十月己巳朔詔許秦檜在位

之日無辜被罪者自陳釐正罷浙東常平司平隼務
乙亥詔四川監司帥臣制置總領茶馬司各舉可守
郡者甲午蠲柳道永三州桂陽軍民身丁米乙未王
會移瓊州編管以宋貺黨附秦檜責梅州安置丁酉
以張浚上書請用兵依舊永州居住辛丑遣李琳使金賀
正旦葛立方賀金主生辰閏月丙午罷廉州貢珠縱
蛋丁自便巳酉命離軍人願歸農者人給江淮湖廣
荒田百畝復其租稅十年乙卯初置臨安府左右廂
官分掌訟牒十一月甲戌命吏部侍郎陳康伯戶部
侍郎王傑稽考國用歲中出納之數丙戌裁定六曹

寺監百司吏額十二月辛丑命三省錄臺諫所言事
報樞密院癸丑万俟卨上重修貢舉劾令格式甲寅
罷諸路鑄錢司庚申賞應詔論事切當者壬戌三佛
齊國入貢甲子金遣梁球等來賀明年正旦

二十七年春正月乙酉幸延祥觀戊子命侍從各薦
宗室京朝官才識治行者二人二月丁酉朔復兼習
經義詩賦法庚子楊政卒壬寅太廟仁宗英宗兩室
柱芝草生戊子以御史中丞湯鵬舉參知政事庚申
更定福建路鹽法癸亥加劉錡太尉三月巳巳命京
局改官人先除知縣乙酉赤氣出紫微垣丙戌賜禮

部進士王十朋以下四百二十六人及第出身丁亥
詔焚交趾所貢翠羽于通衢仍禁宮人服用銷金翠
羽已丑減三川對糴米歲十六萬九十石夔路繳賞
絹五萬匹兩川絹估錢二十八萬緡及茶司引息虛
額錢歲九十五萬緡辛卯万俟卨卒壬辰以符行中
前在蜀恣橫南雄州安置甲午除耕牛稅五月癸未
金遣耶律守素等來賀天申節辛卯復以五帝神州
地祇等十三祭爲大祀六月甲辰命臣僚轉對盡忠
開陳毋撫細微以應故事戊申以湯思退爲尚書右
僕射同中書門下平章事庚戌復余深黃潛善並觀

文殿大學士乙卯裁定離軍將士諸州添差數戊午
初命太廟冬饗祭功臣臘饗祭七祀祫饗兼之己未
進錢忱少傅增命官捕獲私茶鹽賞典秋七月己巳
復饒顛詔三州鑄錢監癸酉戒監司郡守舉劾守令
觀望徇私乙亥以龍圖閣學士李文會爲四川安撫
制置使丙子詔凡出命令先經兩省書讀如舊制八
月乙未以湯鵬舉知樞密院事庚申復直提領諸路
鑄錢司于行在以戶部侍郎榮棻領之九月癸酉張
綱罷戊寅以吏部尚書陳康伯參知政事蜀淮南京
西湖北積之內藏錢帛丁亥校書郎葉謙亨言祀典

散逸隆殺不當名稱或外請勅禮官秘書酌景德故事取祭祀之式定爲一書名曰紹興正禱錄以爲恒制詔從之冬十月壬寅有赤氣隨日入癸卯築通泰楚三州捍海堰辛酉詔四川諸司察旱傷州縣捐其稅振其飢民十一月癸亥朔減福建鹽鈔錢歲八萬緡之丑遣孫道天使金賀正旦辛巳遣劉章賀金主生辰丁亥湯鵬舉罷戊子蠲廬州二稅及上供錢米一年十二月甲午詔廣南經畧市舶司察蕃商假託入貢丙辰初命州縣置禁曆戊午金遣高思廉等來賀明年正旦

二十八年春正月己巳申禁三衙彊刺平民爲兵己卯幸延祥觀逐幸玉津園壬午焚諸路二稅折納增價癸未遣戶部郎中莫濛等檢視淮南浙西江東沙田廬場甲申命臺諫侍從三人以上公爲監司治狀二月癸巳命史館重修徽宗大觀以前實錄丙申以陳誠之知樞密院戊戌禁沿海州軍博買乙巳以工部侍郎王綸同知樞密院事己酉命六曹長貳詳定差役舊法癸丑加楊存中少師謚張俊曰忠烈三月辛酉朔日有食之丙寅雪丁丑加田師中開府儀同三司戊寅詔自今用人選帥臣監司曾任郎官已上

者為侍從監司郡守有政績者為卿監郎官朝官二
年乃遷卿監郎官未歷監司者更迭補外戊子責秦
檜黨宋樸徽州居住沈虛中筠州居住夏四月丙申
復詔文武官非犯贓罪並許以致仕恩任子辛亥雨
雹嚴州遂安賊江大明寇衢州官軍捕斬之五月金
遣蕭恭等來賀天申節六月壬辰太白晝見癸巳流
星晝隕甲寅增浙西江東淮東沙田蘆場租課置提
領官田所掌之秋七月庚申立江西上供米綱賞格
戊辰詔監司按發官吏不得送置司州軍推鞠所犯
涉重卽以奏聞命鄰路監司選官就鞠己卯命取公

私銅器悉付鑄錢司民間不輸者罪之庚辰親製郊
廟樂章乙酉復甯沒官田八月戊子朝置國史院脩
神哲徽三朝正史己丑檢放風水災傷州縣苗稅仍
振貸饑民乙未增四川十七州舉人解額戊戌湯恩
退等上徽宗實錄壬寅命戶部侍郎令諫提領諸路
鑄錢甲寅地震九月辛未定銅錢出界罪賞甲戌詔
以吏部七司舊制與續降參訂異同立為定法丁丑
置殿前司虎翼水軍千人庚辰以中書舍人王剛中
為四川安撫制置使辛巳封叔建州觀察使壬午為
昭化軍節度使嗣濮王癸未蜀平江紹興湖州被水

民逋賦冬十月丁亥朔遣沈介使金賀正旦黃中賀
金主生辰辛丑禁監司帥守私投軍匠十一月己卯
合祀天地于園丘大赦壬午復命檢舉諸人囚赦獲
放者告訐得罪者不預十二月庚寅安定邵王令裕
薨幸免脩睦親宅建宮學丁未復李光官放自便戊
申蠲楚州歸附民賦後五年壬子金遣蘇保衡等來
賀明年正旦是歲興元都統制姚仲復籍興元府等
五州義士得二萬餘人

二十九年春正月丙辰朔以皇太后年八十詣慈寧
殿行慶壽禮庚申濬平江二十六浦以泄水庚午振

湖秀諸州饑民癸酉辛延祥觀感幸玉津園庚辰禁
諸州科賣倉監琴末蠲沙田廬場為風水所侵者租
之半是月金國罷沿邊榷場惟泗州如舊二月丙戌
朔亦罷沿邊榷場存其在盱眙者加吳璘少保己丑
祭海商假說風潮私往北界壬辰除臨安府歲供修
的司錢三萬六千緡丁酉蠲四川折估緡本積欠錢
三百四十萬緡戊戌大雪雨雪已亥春不知何處南
廣州物貨命廣西教閱洞丁庚戌罷諸路兵候施卒
甲寅取具貶死巨僚姓名議加恩與三月丙子除州
縣積欠錢三百九十七萬緡有奇及中下戶所欠入

官錢物丁丑詔侍從臺諫即臣監司歲舉可在將帥
者二人限命官子孫制田減父租之半併其詭名寄
產者格外田畝同編戶科役已卯除湖州平江紹興
流民公私逋負夏四月壬辰國子司業黃中自金國
使還言金人怖德忌汴京以見逼墜早鈔還權宰相
怒不聽已亥脩三省法庚子增置帶御器械四員丙
午禁內外將佐營造回易特赦軍士辛亥命縣令有
政績者諸司同薦不次升擢以風厲之五月甲寅朔
罷鬻福建閑生沙田丁巳詔殿前司選統制官部兵
千人戍江州釋壓派盜賊每歲一易已未撥頭江浙四

路折帛錢丁三總領所及浙西提刑司以備軍用辛
酉禁權要豪民舉錢軍中取息丁卯命印給三總領
所見錢公據關子許商人入納已巳立監司守臣舉
劾八條金遣王可道等來會元中第六月甲辰朔遣
王綸等為金國奉表稱謝使丁亥禁江淮私渡北人
丙申陳誠之罷禁須錢民口過萬緡管戶過二萬緡
滿二年不易他物者沒入之丁酉申禁包首請託已
亥以陳康伯兼權樞密院事辛丑李光亨三官以主
管步軍司趙密為太尉已酉院該以貪官月罷閏月甲
寅至荆南戍卒千人守臣劉錡亦募效用三千人丁

已命江湖浙西五漕司增價糶米二百二十萬石赴
沿江十郡自劑至常刑以備賑貸戊午罷成都府路
隔槽酒務監官七十一員令民承買已未罷江浙淮
東沙田產場所增租課甲子遷沈該觀文殿大學士
致仕罷福建安撫司官賈暨戊辰六月省淮曰冗官辛
未復置江淮荆浙福建廣南路提舉坑冶鑄錢官秩
七月丁亥以權吏部尚書賀克中參知政事癸巳封
權戶部侍郎令設為安定郡壬戌成福州大水己酉
禁諸路抑買官田庚戌以四川經總制及田晟錢糧
錢共百二十四萬緡充增招軍校費八月甲子易

人輸米行在諸倉願以茶鹽釐鈔等價直者聽了仰
除南雄英連三州經界復丁米舊額甲戌併史館歸
秘書省壬牒所歸宗正寺九月甲申詔建炎以來使
未還而後嗣無標者與一子官乙酉王綸使還入見
言金國和好無他丙戌湯思退等稱賀甲午以湯思
退為尚書左僕射陳康伯為右僕射並同中書門下
平章事乙未以皇太后不豫大赦不視朝丙申為太
后祈福獨中下戶所欠稅賦及江浙蝗潦州縣租丁
酉減僧道免丁錢己亥蠲見監賊罰營錢庚子皇太
右高氏崩癸卯遣周麟之等為金國奉表哀謝使冬

十月甲寅以群臣五上表始聽政命保康軍節度使
吳益為權宮總護使乙亥立諸路和羅募民運米賞
洛戎寅冊謚皇太后曰顯仁十一月丁亥遣賀正中
等為金國遣留國信使丙午權權顯仁皇太后永祐
陵十二月甲寅謀言北界禁民妄傳起兵帝諭大臣
常自治為安邊息民之計甲子禘顯仁皇太后神主于
太廟辛未以王綸知樞密院事壬申減三省樞密院
激賞庫文諸書局歲用錢二十萬緡鼎州程昌寓所
增蔡州官兵衣糧錢四之一西和州官賣鹽直之米
蔣州上供經總制司無額錢如之丙子金遣施宜生
等來賀明年正旦

三十年春正月戊子給劉錡軍賞錢六十萬緡丙寅
以吏部侍郎葉義問同知樞密院事廢御書院丁酉
罷鈞容班樂工及甲庫酒局壬寅募人墾淮南荒田
甲辰定御葦院三營兵額為九百人二月甲寅罷麥
州路權茶乙卯金遣六懷忠等來弔祭戊午遣葉義
問為金國報謝使癸酉詔立普安郡王瑗為皇子更
名璋丙子進封建王三月辛巳復館職召試然後除
權免湖北京西宣撫司諸庫未輸錢八十九萬緡癸
未以淮東茶鹽司錢十萬緡充募民墾田費乙酉加

吳元少保趙容開府儀同三司以賞資官之榮丁酉
初置金州御前諸軍都統制以知金州王三為之癸
卯賜禮部進士梁克家以下四百一十二人及第出
身甲辰置牧馬監于湖惠二州丙午加恩平都王璠
開府儀同三司判大正事始稱皇姪夏四月己酉
朔以孫楷為嶺州防禦使遣貴州團練使博崇州刺
史丙辰以賀兒中兼知樞密院事五月辛巳刺
海賊罪不至死者為禁龍騎軍初置荆南府御前
諸軍都統制以劉錡為領之乙酉初置江州御前諸
軍都統制以步軍司前軍都統制戚方為之詔諸路

刺強盜脅死少壯者為兵丙戌定鑄錢司歲鑄五十
萬緡辛卯臨安於潛安吉三縣大水海賊陳演添作
亂掠當雷二州境上南恩州民林觀禽殺之命觀以
官丙申金遣蕭榮等來賀天申節壬寅落沈該致仕
復觀文殿大學士知明州丙午加吳益太尉六月庚
戌復出諸軍見錢關子三百萬緡聽商賈以錢銀請
買庚午王綸罷辛未以江西廣東湖南折帛經總制
錢合六十萬緡江西米六萬石充江州軍費後益以
四州利路經總制江西茶引合二十萬緡秋七月戊
寅遣明州水軍三百戌崑山黃魚梁巡捕槽船之為

盜者甲申詔諸路帥司春秋教閱禁兵弓弩手戊戌以葉義問知樞密院翰林學士周麟之同知院事御史中丞朱倬參知政事八月丙午朔日有食之壬子賀允中使還言金人必畔盟宜爲之備癸丑允中致仕甲寅復以四川經總制錢五十萬緡給總領所增招兵士壬申准東總管許世安奏金主亮至汴京起重兵五十餘萬屯宿州泗州謀來攻九月庚寅以帶御器械李寶爲浙西副總管提督海沿駐平江丙申命劉寶招制勝軍千人丁酉罷內侍省冬十月丙午罷內侍官承受諸軍奏報文字丁未遣虞允文使金賀

正旦徐度賀金主生辰庚戌雷辛酉鎮江都統制劉寶以專悍貪橫罷壬戌以劉錡爲鎮江都統制荆南右軍統制李道爲都統制癸亥以中無雲而雷癸酉蠲舒和蘄黃四州民附種田租十一月庚辰禁諸路折輸職田錢癸巳夜有白氣出入危昴間十一月乙巳朔湯思退罷初行會于東南戌申夜白氣亘天海南黎賊王文滿平己酉罷招刺三衛及江上諸軍庚戌禁掠賣空口入溪峒癸丑命戶部立經總制錢十年中數爲定額丁卯金遣僕散權等來賀明年正月

本紀卷第三十二

宋史三十二

開府儀同三司程國錄軍國重事節書右丞相監修國史領經筵事都總裁朕朕

高宗九

三十一年春正月甲戌朔以日食不受朝丁丑雷丁亥免湖州增丁所輸絹夜風雷雨雪交作辛卯詔江浙官民戶均輸和市絕帛壬辰劉寶落節鉞福建路居住丙申大雨雪給三衙衛士行在貧民錢及薪炭命常平振給輔郡細民諸路監司決獄已亥放張浚胡銓自便庚子禁淮南拘籍戶馬二月戊申復置邛

州惠民監癸丑以趙密領殿前都指揮使甲寅罷楊
 存中殿前都指揮使進太傅為醴泉觀使封同安郡
 王丙辰置行在會子務乙丑復鬻僧道度牒詔分經
 義詩賦為兩科丙寅詔通進司承受內降文字並囊
 封送三省樞密院辛未秦熺卒贈太傅三月甲戌朔
 命破敵軍統制陳敏部兵屯太平州己卯官勳臣魏
 仁浦馬知節余靖寇滅諸孫各一人選文臣宗室王
 西南外兩宗司庚辰禁兩淮柳民附種以利州西路
 御前諸軍都統制吳拱知襄陽府部兵三千戊之壬
 午以兵部尚書楊椿參知政事丁亥奪秦熺贈官及

遺表恩賞庚寅以陳康伯為尚書左僕射朱倬右僕
 射並同中書門下平章事辛卯復李光左中大夫官
 其子孫二人壬辰地震庚子以前徽猷閣待制張守
 發歿節贈四官錄其子孫夏四月丁巳以久雨傷蠶
 麥盜賊間發命侍從臺諫條上弭災除盜之策出天
 申節銀十萬兩加充戶部權權本辛未遣周麟之使金
 賀遷都壬申權減荆南上供錢銀絹絲米之半用招
 填禁軍是月金主亮率文武羣臣如汝洛五月癸酉
 朔給兩淮民兵荒田乙亥增築禁城戊寅詔吳拱視
 緩急退守荆南己丑命沿淮州郡毋納北人辛卯金

遺高景山王全來賀天。申節全揚言無禮致其王亮語求淮漢地及指取將相近臣計事且以欽宗皇帝計聞壬辰選兩浙江東福建諸州禁軍弓弩手之半部送樞密院按試甲午宰執召同安郡王楊存中及三衙帥趙密等至都堂議舉兵詔以王全語諭諸路統制帥守監司隨宜應變毋失機會是日爲欽宗皇帝發喪特詔持斬衰三年乙未以吳麟爲四川宣撫使仍命制置使王剛中同處置軍事丙申命主管馬軍司成閔部兵三萬人戊鄂州庚子命兩浙江湖福建諸州起禁軍弓弩手部送明州平江府江池太平

三州荆南府軍前殿中侍御史陳俊卿言內侍張去爲竊權撓政乞斬之以作士氣六月乙巳以羣臣三上表始聽政丙午劉錡乞卽日移軍渡江詔錡進發騎兵屯揚州丁未出宮女三百九十人蠲臨安府禁軍闕額錢五年巳酉以御史中丞汪澈爲湖北京西宣諭使辛亥金主亮遣大懷正至盱眙語送伴使呂廣問云將以六月遷汴京令其歸奏癸丑罷教坊併敕令所歸刑部乙卯以劉錡爲淮南江東西浙西制置使戊午命帶御器械劉炎同提舉措置沿淮盜賊庚申彗出角遣步軍司都統制戚方提總江上諸軍策應

軍馬聽劉琦節制諭吳拱嚴備襄陽視緩急合田師中成閔兵以援之甲子始御正殿乙丑放女樂二百餘人丙寅聽淮南諸州移治清野戊辰以周麟之辭使北命樞密都承旨徐嘉代行淮北民兵崔唯夫董臻等率衆萬餘來歸秋七月丙子命兩浙江東濱海諸州預備敵兵詔諸路帥臣教閱士兵弓手戊寅命雷州守臣節制高容廉化四州軍馬時雷州軍賊凌鐵作亂東南第十二將高居弁會五州巡尉官兵討平之戊子周麟之分司筠州居住辛卯振給淮南歸正人壬辰徐嘉等至盱眙金王亮以非所指取之人

諭遣亟還癸巳詔四川財賦自當專任總領所如遇警急調發不及申奏則令宣制司隨宜措置先舉後聞乙未行新造會子于淮浙湖北京西諸州是月金主亮徙都汴京命其臣劉萼由唐鄧瞰荆襄張中彥王彥章據秦鳳窺巴蜀蘇保衡完顏鄭家奴由海道趨兩浙八月辛丑朔忠義人魏勝復海州李寶承制以勝知州事丙午蠲諸路逋欠經總制錢江浙等路上供米丁未以婉容劉氏安預國政廢于家蠲淮南京西湖北民秋稅之半辛亥以劉婉容事連坐昭慶軍承宣使王繼先福州居住停子孫官籍其貲甲寅

李寶率舟師三千發江陰大風雷泊明州關澳聚兵復進乙卯劉錡引兵屯揚州遣統制王剛以兵五千屯寶應丁巳召田師中行在尋尋以吳拱爲鄂州諸軍都統制壬戌復用資政殿學士張燾落致仕知建康府癸亥分處歸正人於淮南諸州能自存者從便願爲兵者籍之乙丑詔便宜選補戰功人後勿遞減丙寅出內帑錢七萬緡犒戍兵之家仍悉除軍債巳巳起復成閔爲湖北京西制置使節制兩路軍馬九月庚午朔命大臣朝饗太廟辛未宗祀徽宗于明堂以配上帝大赦甲戌金人犯黃牛堡守將李彥堅拒

却之金兵遂扼大散關吳麟駐青野原遣將高松等援之庚辰以給事中黃祖舜同知樞密院事壬午流星晝墮乙酉詔劉錡王權李顯忠戚方嚴備清河賴河渦河口丁亥成閔渡江屯應城縣遣吳拱戍郢州博州民王友直聚兵大名自稱河北安撫制置使以其徒王任爲副遣軍師馮穀入朝奏事吳麟遣將彭青至寶雞渭河夜劫金人橋頭砦破之庚寅成閔遣統制趙撙部兵五千駐德安辛卯金國趣使臣書至楚州守臣以聞其辭多悖慢壬辰監肝貽軍淮河渡夏俊復泗州癸巳金人犯通化軍守將張超拒卻之

甲午冊諡大行皇帝曰恭文順德仁孝皇帝廟號欽宗吳璘遣將劉海復秦州金守將蕭濟降乙未金人犯信陽軍丙申吳璘遣將曹沐復洮州戊戌劉錡發揚州詔以金人背盟降勅務招諭中原軍民己亥蘭州漢軍千戶王宏殺其刺史溫敦烏也來降吳璘遣將潘青復隴州是月金主亮以尚書右丞李通爲大都督造浮梁于淮水之上遂自將來攻兵號百萬遠近大震冬十月庚子朔詔將親征魏勝攻沂州敗還海州金人圍之李寶以舟師至東海縣金人解圍去寶遂入海州辛丑金人自渦口渡淮癸卯以吳璘兼陝

西河東招討使劉錡兼京東河北東路招討使成閔兼京西河北西路招討使金人陷蔣州李顯忠遣統制孔福與金人戰于大人洲敗之乙巳金人復犯海州魏勝李寶擊却之劉錡引兵次淮陰金人將自清河口入淮錡列兵于運河岸以扼之丁未命宣撫制置司傳檄契丹西夏高麗渤海諸國及河北河東陝西京東河南諸路諭出師共討金人是日金人立其東京留守葛王褒爲皇帝改元大定戊申王權聞金兵大至自廬州引兵遁屯昭關己酉知均州武鉅招納北界杜海等二萬人來歸庚戌復置機速房知廬

州龔濤聞金兵將至棄城走辛亥金將蕭琦陷滁州
守臣陸廉棄城走壬子改建王瑋爲鎮南軍節度使
劉錡遣制王剛等擊敗金人于清河口金人復來
戰剛失利吳拱遣將侯俊郝敦書復唐州癸丑借江
浙荆湖等路坊場淨利錢三百八十萬緡以備賞軍
金人圍廬州都監權州事楊椿率兵突陣出守水砦
金人又攻海州李寶力戰敗之解圍去甲寅金人攻
樊城吳拱遣守將翟貴王進與戰貴進俱戰死金兵
亦退劉錡遣兵渡淮及金人戰死者十七八金主亮以
大軍至廬州城北之五里築土城以居戚方遣將張

寶復蔣州乙卯以金人渝盟告于天地宗廟社稷命
州縣諭富民捐貲助國劉錡聞王權遁自淮陰引兵
歸揚州丙辰金主亮入廬州王權自昭關遁金人追
至尉子橋破敵軍統制姚興戰死權退保和州金州
都統制王彥遣統制任天錫出洵陽復豐陽縣丁巳
帝聞王權敗召楊存中同辛執議于內殿陳康伯贊
帝定議親征武鉅遣將荀琛復鄧州戊午任天錫復
商洛縣命吳璘趣出兵漢中葉義問督視江淮軍馬
中書舍人虞允文參謀軍事金人犯真州步軍司統
制邵宏淵逆戰于胥浦橋兵敗真州陷金人不入城

遂犯揚州已未任天錫復商州執其守完顏守能趙
擗引兵渡淮庚申以楊存中爲御營宿衛使趙擗復
褒信縣王權自和州遁歸屯于東采石辛酉復湯思
退觀文殿大學士充醴泉觀使兼侍讀分行在官吏
三之一扈從餘留行遣常事金人陷和州壬戌以將
士勞於征討避殿減膳劉錡退軍瓜州鎮金人陷揚
州淮東安撫使劉澤棄城奔泰州以戶部侍郎劉岑
爲御營隨軍都轉運使李顯忠爲御營先鋒都統制
屯蕪湖主管步軍司李捧爲前軍都統制趙擗復新
蔡縣癸亥募諸州豪民招槍仗弓箭手赴行在金人

入揚州王權自采石夜還建康尋復如采石甲子復
張浚觀文殿大學士判潭州吳玠遣統制吳挺向起
等及金人戰于德順軍之治平砦敗之趙擗復平興
縣乙丑金人趨瓜州劉錡遣統領負琦拒之于皂角
林大敗之斬其統軍高景山丙寅李寶遇金舟師于
膠西縣陳家島大敗之斬完顏鄭家奴等五人劉錡
還鎮江府趙擗復蔡州斬其總管楊寓分御營宿衛
爲五軍金人攻秦州向起吳挺擊却之丁卯葉義問
至鎮江詔起江浙福建諸州彊丁赴江上諸軍武鉅
復虢州盧氏縣任天錫復朱陽縣戊辰殿中侍御史

杜莘老劾內侍張去爲帝不悅去爲致仕出莘老知
遂寧府十一月己巳朔邵宏淵遣統領崔臯及金人戰于
定山敗之任天錫復號州守將蕭信遁去庚午通州守
臣崔邦弼棄城去辛未成閔引兵發應城縣援淮西遣
權吏部侍郎汪應辰詣浙東措置海道壬申以張浚判
建康府召王權赴行在以李顯忠代將邵宏淵爲池州
都統制金人犯瓜州鎮江中軍統制劉汜戰敗走權都
統制李橫亦遁金人鐵騎奄至江上統制魏俊王方死
之葉義問惶怖欲退走復趨建康金人游騎至無爲軍
守臣韓髦棄城走癸酉淮寧府民陳亨祖執同知完

顏耶魯以其城來歸趙樽引兵去蔡州復陷申成池
州統制官崔定等從入無爲軍乙亥金主亮臨江築
壇刑馬祭天期以翌日南渡丙子庚戌文督建康諸
軍統制官張振王琪時俊戴臯等以舟師拒金主亮
于東采石戰勝却之崔定復巢縣任天錫復上津商
洛二縣丁丑庚戌文遣水軍統制盛新以舟師擊金
人于楊林河口又敗之金主亮焚其舟而去戊寅王
彥遣將楊堅復樂川縣己卯以湯思退爲行宮留守
虛恨蠻犯嘉州籠蓬堡官軍大敗副將鄭祥等爲所
殺庚辰金主亮引軍趨淮東癸未具璘病自仙入原

還興州留姚仲節制軍事虞允文自采石率李捧一
軍及戈船如鎮江備敵甲申贈姚興魏俊王方官金
圭亮至揚州乙酉貸劉允死英州編管位州統制李
貴忠義首領孟俊復順昌府金州將邢進復華州丙
戌賜戰士帛給其家薪炭任天錫復陝州丁亥劉錡
以疾罷以御營宿衛中軍統制劉銳權鎮江都統制
成閉自京西還建康遂如鎮江戊子吳璘復力疾上
仙人原己丑王權貸死瓊州編管李寶泛海南歸金
人復攻陝州任天錫破走之復犯襄陽統制官李勝
等拒却之復通化軍王彥遣將楊堅党清至西京長

水縣及金人戰敗之庚寅復長水縣癸巳以成閔為
鎮江都統制淮東制置使京東西路河北東路淮北
泗宿州招討使李顯忠為淮西制置使京畿河北西
路淮北壽亳州招討使吳拱為湖北京西制置使京
西北路招討使甲午武鉅遣鄉兵總轄杜隱等復高
州乙未金人陷秦州是日金人弑其主亮于揚州龜
山寺戊戌金都督府遣人持檄詣鎮江軍中議和十
二月己亥朔趙撟夜襲蔡州復入其城王彥遣兵復
福昌縣庚子楊存中及虞允文渡江至瓜州察金兵
金人犯漢南之茨湖鄂州軍士史俊登其舟獲一將

諸軍繼進遂擊却之楊椿夜攻金人殺其帥高定山
復廬州辛丑以李寶為靖海軍節度使浙西通泰海
州沿海制置使京東東路招討使金統軍劉蕡聞次
湖敗亦退師王彥遣將闕玘復繩池縣壬寅天有白
氣以趙密為行宮在城都總管成閔渡江之揚州癸
卯命諸路招討司率兵進討互相應援沿江諸大帥
條陳恢復事宜復岳州舊名右軍統領沙世堅入秦
州甲辰虞允文自鎮江入見均州統領晉朝復鄧州
乙巳張浚至慈湖命李顯忠引兵渡江丙午淮東統
制王以送復楚州丁未杜隱等入河南府吳拱遣統領

牛宏入汝州戊申帝發臨安建王從行庚戌金人渡
淮北去壬子次平江龍有視府屠允文還至鎮江癸
丑淮東統制劉統陳敏引兵入泗州鄧州統制楊敏
以舟師追敗金人于洪澤鎮乙卯江北金兵盡去李
顯忠復入和州吳璘遣將復水洛城金人復破汝州
牛宏敗走戊午次鎮江府庚申吳璘遣將拔金人治
平紫壬戌曲赦新復州軍申子降淮南京西湖北雜
犯死罪以下囚賞粟石功進統制張振時俊等官金
賴壽二州巡檢高顯以壽春府來降丁卯命諸道籍
鄉兵初王友直王任聚兵嘗命友直為天雄軍節度

使任為天軍節度使金主襄流立下令散其眾友
直等自歸春來歸是月金主知亮已死遂趨燕京
三十一年春正月戊辰朔日有食之帝在鎮江巴已
金人犯青春府忠義將劉泰戰死金兵引去庚午發
鎮江府三守三建康府張浚入見丙子禖翼祖太子
夾室已卯李顯忠引兵還建康庚辰罷郡守年七十
者壬午金人復犯蔡州趙樽力戰却之乙酉權知京
平府秋京遣其將賈瑞堂書記辛棄疾來奏事己丑
金主遣其臣昌德建等來告嗣位以耿京為天軍
節度使知京平府庚寅詔新復州縣搜訪仗節死義

之士已甲以揚存中為江淮荆襄路宣撫使虞允文
副之給事中金安節中書舍人劉琪繼奏再上乃改
命存中措置兩淮二月戊戌朔罷借兩浙江淮坊場
淨利錢以贖允文為兵部尚書川陝宣諭使措置招
軍市馬及與吳璘議事庚子興州統領惠安等復河
州秦兩淮饑民壬寅金人犯汝州守將王宣道戰敗
之矣卯帝發建康惠逢復積石軍又克來羗城丁未
劉錡亮已酉王宣及金人再戰于汝州庚戌金人全
師來攻宣敗績棄去辛亥金人復犯順昌府孟新莊
却之尋亦棄去壬子賞蔡州功趙樽等進官有差乙

卯至德安府與元都統制姚仲攻鞏州不下退守甘
谷城遂引兵圍德順軍丙辰金人犯蔡州趙搏擊却
之戊午復引兵來攻搏又敗之金兵遁去王彥遣將
馬貴會河中南橋金兵來攻貴戰敗之壬戌詔置土
戰死者保其家一年傷重而死於管者半之乙丑三
宣及右軍副將張靖敗金人于蔡州確山縣趙搏案
蔡州丙寅金人復取之姚仲遣副將趙登攻下鎮六
軍金同知渭州左弼及其子貴舉歸王彥遣兵救陝
州遇金人于澠州東敗之金兵引去丁卯吳玠遣將
復永安軍永安軍復昌長水三縣閏月癸酉金人破河
州屠其城乙亥命楊存中李顯忠固守新復州軍量
度進討丙子姚仲遣將復原州戊寅祔欽宗主于太
廟癸未振淮南歸正人金人犯虢州吳璘遣楊從儀
等攻拔大散關分兵據和尚原金人走寶雞丙戌給
張浚錢十九萬繕造沿江諸軍戰艦庚寅王剛破金
人于海州辛卯楊椿罷壬辰姚仲攻順德軍敗金人
于瓦亭砦新店是月張安國等攻殺耿京李寶將王
世隆攻破安國執之以獻三月壬寅更定金使入境
接伴館伴舊儀癸卯成閔遣統制杜彥救淮寧擊敗
金人于項城縣甲辰罷扈從官吏賞典乙巳錄商號

之功加吳璘少傅王彥爲保平軍節度使戊申吳璘復德順軍又遣將嚴忠取環州辛卯命兵部侍郎陳俊卿工部侍郎許尹經畫兩淮堡砦屯田癸丑金人圍淮寧府守臣陳亨祖死之甲寅吳璘自德順軍復還河池金人犯鎮戎軍丁巳遣洪邁等賀金主卽位戊午忠義軍統制知蘭州王宏拔會州金人陷淮寧府統領戴規戰死成閔歸自淮東辛酉金人攻原州丙寅詔舉賢良夏四月丁卯朔姚仲遣兵救原州已命侍從臺諫條上防秋足食足民策遣左武大夫都飛虎結約河東士甲賞御營宿衛將士四萬餘人進

官有差癸酉蠲淮東殘破州軍上供銀絹米麥及經總制錢一年蒙縣民倪震率丁口數千來歸甲戌募民耕淮東荒田蠲其徭役及租稅七年戊寅以御史中丞汪澈參知政事金人圍海州戊子洪邁等辭行報聘書用敵國禮是月大雨淮水暴溢數百里漂沒廬舍人畜死者甚衆五月戊戌吳璘自河池如鳳翔巡邊姚仲遣兵救原州數敗金人庚子復置提舉秦州買馬監命四川總領官兼權其職壬寅姚仲及金人敗于原州北嶺敗績戊申復以楊存中爲醴泉觀使奉朝請罷御營宿衛司辛亥鎮江都統制張子蓋

救海州遇金人于石湫堰大敗之金人解去甲寅命
張浚專一措置兩淮事務兼節制淮東西沿江州郡
軍馬乙卯知順昌軍孟昭率部曲來歸己未吳璘遣
將復熙州壬戌禁諸軍互招逃亡加鄭藻太尉振東
北流民命張浚置御前萬弩營募淮民爲之甲子詔
立建王瑋爲皇太子更名脊加成閔太尉主管殿前
司李顯忠爲太尉主管馬軍司籍諸州歸正人願爲
農者給官田復租十年願爲兵者赴軍中六月丙寅
朔吳璘次大幽嶺檄召姚仲至軍前下河池獄命夔
路安撫使李師顏代將其兵戊辰名新宮曰德壽

午以吳玠主管長軍司龍三招討司甲戌加贈兄子
偁爲太師中書令追封秀王謚安僖妻張氏封王夫
人乙亥朱俾罷丙子詔皇太子即皇帝位帝稱太上
皇帝退處德壽宮皇后稱太上皇后孝宗即位累上
尊號曰光堯壽聖憲天體道性仁誠德經武緯文紹
業興統明謨盛烈太上皇帝淳熙十四年十月乙亥
崩于德壽殿年八十一謚曰聖神武文憲孝皇帝廟
號高宗十六年三月丙寅櫛于會稽之永思陵光宗
紹熙二年加謚受命申興全功至德聖神武文昭仁
憲孝皇帝

贊曰昔夏后氏傳五世而后羿篡少康復立而祀夏周傳九世而厲王死于彘宣王復立而繼周漢傳十有一世而新莽竊位光武復立而興漢晉傳四世有懷愍之既元帝正位於建鄴唐傳六世有安史之難肅宗即位於靈武宋傳九世而徽欽陷于金高宗續圖于南京六君者史皆稱為中興而有異同焉夏經羿浞周歷共和漢間新室更始晉唐宋則歲月相續者也蕭王琅琊皆出疏屬少康宣王肅宗高宗則父子相承者也至於克復舊物則晉元與宋高宗視四君者有餘責焉高宗恭儉仁厚以之繼體守文則有

餘以之撥亂反正則非其才也況時危勢逼兵弱財匱而事之難處又有甚於數君者乎君子於此蓋亦有憫高宗之心而重傷其所遭之不幸也然當其初立因四方勤王之師內相李綱外任宗澤天下之事宜無不可為者顧乃播遷窮僻重以苗劉群盜之亂權宜立國确辱難哉其始惑於汪黃其終制於姦掇恬墮猥懦坐失事機甚而趙鼎張浚相繼竄斥岳飛父子克死於大功垂成之秋一時有志之士為之扼拳切齒帝方偷安忍恥匿怨忘親卒不克於來世之誚悲夫

本紀卷第三十二

宋史卷第三十二

本紀卷第三十三

宋史三十三

開府儀同三司柱國兼國軍事節度使相國兼領經筵事都總裁辰慶叢
勳

孝宗一

孝宗紹統同道冠德昭功哲文神武明聖成孝皇帝
諱昚字元永太祖七世孫也初太祖少子秦王德芳
生英國公惟憲惟憲生新興侯從郁從郁生華陰侯
世將世將生慶國公令諱令諱生子穆是為秀王王
夫人張氏夢人擁一羊遺之曰以此為識已而有娠
以建炎元年十月戊寅生帝于秀州青衫廟之官舍

紅光滿室如日正中少長命名伯琮及元懿太子薨
高宗未有後而昭慈聖獻皇后亦自江西還行在后
嘗感異夢密爲高宗言之高宗大寤會右僕射范宗
尹亦遣麻以請高宗曰太祖以神武定天下子孫不
得享之。遭時多艱儀落可憫朕若不法仁宗爲天下
計何以慰在天之靈於是詔選太祖之後同知樞密
院事李回曰藝祖不以大位私其子發於至誠陛下
爲天下遠慮合於藝祖可以昭格天命參知政事張
守曰藝祖諸子不聞失德而傳位太宗過堯舜遠甚
高宗曰此事不難行朕於伯字行中選擇庶幾昭穆

順序而上虞永妻寅亮亦上書言昌陵之後寂寥無
聞。僅同民庶。藝祖在上。莫肯顧歆。此金人所以未悔
禍也。望陛下於伯字行內。選太祖諸孫有賢德者。高
宗讀之大感歎。紹興二年五月。選帝育于禁中。三年
二月。除和州防禦使。賜名瑗。壬寅。改貴州。五年五月
用左僕射趙鼎議。立書院。宮中教之。旣成。遂以爲資
善堂。帝讀書彊記。天資特異。己亥。制授保慶軍節度
使。封建國公。六月己酉。聽讀資善堂。以徽猷閣待制
范冲兼翊善起居。即朱震兼讀。高宗命帝見冲震
皆拜。十二年正月丁酉。加檢校少保。封普安郡王。三

月壬寅出閣就外第十三年九月秀王歿于秀州十四年正月庚辰用廷臣議聽解官行服十六年四月乙巳免喪還舊官十七年六月戊午改常德軍節度使二十四年衢州盜起秦檜遣殿前司將官辛立將十人捕之不以聞帝入侍言之高宗大驚明日以問檜檜謂不足煩聖慮故不敢聞俟朝夕盜平則奏矣檜退知為帝言忌之及檜疾篤其家秘不以聞謀以子熺代相帝又密啓高宗破其奸三十年二月癸酉立為皇子更名瑋甲戌詔下丙子制授寧國軍節度使開府儀同三司進封建王制出中外大悅四月賜

字元瓌三十一年十月壬子以明堂恩改鎮南軍節度使先是金人犯邊高宗下詔親征而兩淮失守朝臣多陳退避之計帝不勝其憤請率師為前驅真講史浩以疾在告聞之亟入為帝言太子不宜將兵乃為草奏因中宮以進請衛從以共子職高宗因亦欲帝徧識諸將十二月遂扈蹕如金陵三十二年五月甲子立為皇太子改名昚初高宗又有禪位之意嘗以諭帝帝流涕固辭會有邊事不果及歸自金陵陳康伯求去高宗復以倦勤諭之中書舍人唐文若聞而請對言不宜急遽故先下建儲之詔賜名熺監察御

史周必太密與康伯言與唐昭宗名同音不可詔別
擬進乃定今名既又命學士承旨洪遵為太子擇字
遵擬四字以進皆不稱旨甲戌御筆賜字元永乙亥
丙降御札皇太子可即皇帝位朕稱太上皇帝退處
德壽宮皇后稱太上皇后丙子遣中使召帝入禁中
面諭之帝又推遜不受即趨側殿門欲還東宮高宗
勉諭再三乃止於是高宗出御紫宸殿輔臣奏事畢
高宗還宮百官移班殿門外拜詔畢復入班殿庭頃
之內侍掖帝至御榻前側立不坐內侍扶掖至七八
乃略就坐宰相率百僚稱賀帝遽興輔臣升殿因請

帝愀然曰君父之命出於獨斷然此大位懼不克當
班退太上皇帝即駕之德壽宮帝服袍履步出祥曦
殿門肩兩掖輦以行及宮門弗止上皇麾謝再三且
令左右扶掖以還顧曰吾付託得人吾無憾矣左右
皆呼萬歲是日詔有司議太上皇帝太上皇后尊號
以聞在內諸司日輪官吏應奉德壽宮增置德壽宮
提點幹辦等官德壽宮宿衛依皇城及宮門法丁丑
朝德壽宮戊寅大赦詔宰相率百官月兩朝德壽宮
已卯以即位告于天地宗廟社稷庚辰詔五日一朝
德壽宮以左武大夫龍大淵為樞密副都承旨武翼

郎曾覲帶御器械癸未始御後殿甲申詔中外士庶
陳時政闕失丙戌詔進宰執官二等丁亥詔以太上
皇不許五日一朝自今月四朝復除名勒停人胡銓
官知饒州己丑詔有司月奉德壽宮緡錢十萬辛卯
詔罷四川市馬壬辰詔百官日一人入對癸巳蝗甲
午上太上皇帝尊號曰光堯壽聖太上皇帝太上皇
后曰壽聖太上皇后乙未晦金人屠原州秋七月戊
戌興州中軍統制吳挺復鞏州庚子判建康府張浚
入見以雨水飛蝗令侍從臺諫條上民間利害壬寅
詔戒飭諸郡守臣癸卯以張浚為少傅江淮宣撫使

封魏國公甲辰以參知政事汪澈視師湖北京西遣
劉琪等使金告即休戌申以四川宣撫使吳玠兼陝
西河東路宣撫招討使遣使岳飛元官以禮改葬是
夜地震大風拔木己酉有事于太廟別廟癸丑馬軍
司中軍統制趙樽忠義軍統領皇甫佃復光州甲寅
朝獻景靈宮詔淮南諸州存恤淮北來歸之民權免
稅役丙辰以少保保康軍節度使莫益為少傅太尉
寧武軍節度使吳蓋為開府儀同三司丁巳罷李寶
措置海道戊午恩平郡王瑛入見庚申以御前軍器
所仍隸工部辛酉詔後省看詳中外上書有可采者

以聞壬戌以黃祖舜兼權參知政事罷諸路聖節進
奉詔李顯忠軍馬馳張浚節制癸亥增將士戰傷死
者推恩格詔蠲四川積年逋負八月乙丑朔四川馬
軍統制高師中與金人戰于摧沙敗死丙寅吳璘與
金人戰于德順軍已巳以翰林學士史浩為參知政
事戊寅李焘臣詣德壽宮奉上太上皇帝太上皇后
尊號冊寶丁亥班寬恤事十八條起居舍人洪邁知
閣門事張掄坐奏使辱命罷甲申吳璘敗金人于北
山戊子追復李光資政殿學士趙鼎死冲並還合得
恩數庚寅以生日為會慶節進冊故妃郭氏為皇后

九月甲午以子愔為少保永興軍節度使進封鄧王
愷為雄武軍節度使開府儀同三司進封慶王惇為
鎮洮軍節度使開府儀同三司進封恭王甲午金人
攻德順軍東山堡中軍將李庠戰死丁酉詔開講日
召輔臣觀講川陝宣諭使虞允文以論邊事不合罷
已亥詔侍從臺諫舉知四川利害可為都轉運使者
庚子以金人來索舊禮詔宰執侍從臺諫各陳應敵
定論以聞辛丑詔吳璘審度措置保全川蜀乙巳詔
纂錄勲臣名次丙午轉補朱震范冲子孫官庚戌謚
皇后郭氏曰恭懷辛亥振淮東義兵及歸正人以總

領四川賦財軍馬錢糧王之望爲戶部侍郎川陝宣
諭使仍命將調兵同防守興州川口乙卯詔虞允文
赴吳璘軍議事辛酉以吳璘爲少師冬十月丙寅詔
朝臣舉堪監司郡守者戊辰以岳陽軍節度使居廣
開府儀同三司史浩兼權知樞密院事己巳葉義問
罷詔登聞鼓院毋沮抑進狀庚午以恩平郡王璩爲
少保詔會慶節權免上壽戊寅詔張浚陳俊卿覆實
諸將所陳功賞改謚皇后郭氏曰安穆壬午官岳飛
孫六人甲申契丹招討蕭鸞巴來奔金人攻德順城
吳璘擊走之復遣兵追襲遂爲所敗乙酉升建州爲

建寧府戊子以資政殿學士張燾同知樞密院事己
丑安南都護南平王李天祚闍婆國王悉里地茶蘭
固野占城國王鄒時巴蘭並加食邑實封十一月庚
子以蕭鸞巴爲忠州團練使乙巳金人攻水洛城丙
午賜忠義軍統制皇甫侗軍帛五千匹綿萬兩戊申
詔改明年爲隆興元年辛亥免楊存中所獻酒坊逋
負錢四十萬緡甲寅定內侍官額辛酉史浩免權知
樞密院事裁定文武臣官觀獄廟員數立措置京西
營田司十二月乙丑詔宰臣復兼樞密使金人攻隴
城縣官軍拒却之丙寅詔帥臣監司具部內知州治

行減否以聞詔棄德順城徙兵民于秦州以裏屯住
丁卯以陳康伯兼樞密使令江淮宣撫司增減武勇
效用軍戊辰詔侍從臺諫集議當今弊事仍命盡率
其屬使極言無隱辛未劉珙張說還自盱眙戊寅蠲
四川赦前登帶白契稅錢丙戌詔觀察使已上各舉
所知三人三省樞密院詳議立格以聞庚寅罷建康
鎮江營田官兵辛卯廣西賊王宣破藤州守臣廖顯
棄城遁是歲諸路斷大辟四十一人

○隆興元年春正月壬辰朔羣臣朝于文德殿帝朝德
壽宮立武臣薦舉格甲午四川宣撫司奉詔班師庚

子以史浩為尚書右僕射同中書門下平章事兼樞
密使張浚進樞密使都督江淮東西路軍馬丙午誅
殿前司後軍謀變者戊申詔禮部貢院試額增一百
人丁巳詔吳璘軍進退可從便宜璘已棄德順道為
金人所邀將士死者數萬計二月壬戌朔用史浩策
以布衣李信甫為戶部員外郎齎蠟書間道往中原
招豪傑之據有州郡者許以封王世襲安慶軍節度
使士籤乞減奉賜之半以助軍用自是諸宗室有請
悉從之戊辰宰執陳康伯等乞再減奉止存舊格之
半許之己卯振兩淮流民及山東歸王忠義軍癸未

黃祖舜羅庚寅逐秦檜黨人仍禁輒至行在三月壬辰朔金右副元帥紇石烈志寧以書取侵地癸巳以張燾為參知政事御史中丞辛次膺同知樞密院事葉義問落端明殿學士饒州居住丙申雨雹丁酉詔戶部置局議節浮費己亥楊存中等乞減半奉如宰執例許之庚子以龍大淵知閣門事曾覲同知閣門事壬寅陳康伯上欽宗陵名曰永獻乙巳詔求遺逸丁未詔脩太上皇帝聖政罷龍大淵別與差遣曾覲復帶御器械召張浚己酉張燾罷立選人減舉主法甲寅復以龍大淵知閣門事曾覲同知閣門事給事

中中書舍人留黃不行乙卯詔飭郡縣吏庚申以久雨命有司振災傷察刑禁夏四月乙丑定選人改官歲額戊辰張浚入見議出師渡淮三省樞密院不預聞壬申賜禮部進士木符問以下五百三十八人及第出身乙亥王之望罷壬午詔戶部臺諫議節浮費癸未詔以白金二十五萬兩給江淮都督府軍費戊子張浚命邵宏淵帥師次盱眙己丑又命李顯忠帥師次定遠是月金人拔環州守臣強寬及其弟震死之五月壬申申嚴鋪翠銷金及神祠僭擬之禁丁酉李顯忠復靈壁縣邵宏淵次虹縣金人拒之戊戌顯

忠東趨虹縣唐子復虹縣金知泗州蒲察徒穆及同
知泗州大周仁降辛丑命左右史日更立前殿壬寅
張浚渡江視師癸卯金右翼軍都統蕭琦降于李顯
忠甲辰顯忠及宏淵敗金人于宿州乙巳史浩罷追
復司馬康右諫議大夫丙午復宿州戮金兵數千人
建康前軍統領官王珙巷戰死之丁未以辛次膺為
參知政事翰林學士承旨洪遵同知樞密院事督諸
路開營田辛亥詣德壽宮賀天申節金紇石烈志寧
自睢陽引兵至宿州李顯忠擊卻之壬子欽宗大祥
帝服衰服詣几筵易祥服行祥祭禮顯忠與金人戰

于宿州邵宏淵不援顯忠失利是夜建康中軍統制
周宏及邵宏淵之子世雄殿前司統制官左士淵逃
歸癸丑進李顯忠開府儀同三司淮南京畿京東河
北招討使邵宏淵檢校少保寧遠軍節度使招討副
使金人攻宿州城顯忠大敗之殿前司統制官張訓
通等七人統領官十二人以二將不叶而遁甲寅李
顯忠邵宏淵軍大潰于符離乙卯下詔親征丙辰召
汪澈以張浚兼都督荆襄軍馬李顯忠邵宏淵至濠
州張浚以劉寶為鎮江諸軍都統制丁巳以蒲察徒
穆大周仁蕭琦並為節度使徒穆大同軍周仁彰國

軍琦威塞軍遣御前忠勇軍赴都督府是月成都地震三六月庚申朔日有食之遣內侍趣上淮東將士功賞癸亥汪澈罷張浚乞致仕且請通好皆不許丁卯以觀文殿大學士湯思退為醴泉觀使兼侍讀戊辰詔虞允文以兵部侍郎周葵為參知政事汪澈落資政殿學士台州居住庚午張浚自盱眙還揚州辛未李顯忠罷軍職壬申以太傅同安郡王楊存中為御營使節制殿前司軍馬癸酉下詔罪已張浚降授特進仍前樞密使江淮東西路宣撫使官屬各奪二官邵宏淵降武義大夫職仍舊詔楊存中先詣建康

措置營砦檢視沿江守備戊寅詔展巡幸之期辛次膺罷己卯李顯忠責授清遠軍節度副使筠州安置辛巳命浙西副都總管李寶兼御營統制官措置浙西海道甲申右諫議大夫王大寶入對論移鑿以敷文閣學士虞允文為兵部尚書兼湖北京西宣諭使戊子放宮人三十人以蕭琦為檢校少保河北招撫使秋七月庚寅以虞允文為湖北京西制置使癸巳以湯思退為尚書右僕射同中書門下平章事兼樞密使李顯忠再責授果州團練副使漳州安置乙未詔宿州棄軍將佐奪官貶竄有差丙申太白晝見

經天寵江淮宣撫司使宜行事乙巳以旱蝗星變詔侍從臺諫兩省官條上時政闕失丁未詔徵李顯忠侵欺官錢金銀免籍其家乙卯裁減省部寺監官吏戊午給還岳飛田宅八月丙寅張浚復都督江淮軍馬庚午以劉寶兼淮東招撫使丙子以飛蝗風水為災避殿減膳罷借諸路職田之令戊寅金紘石烈士寧文以書求海沁唐鄧四州地及歲幣癸未復以龍大淵知閤門事曾覲同知閤門事丙戌遣淮西安撫司幹辦公事盧仲賢等齎書至今帥府戒勿許四州差減歲幣仍命諸將毋遣兵人出境九月己酉楊存

中罷冬十月戊午朔大臣奏金帥書言四事帝曰四州地歲幣可與各分歸正人不可從辛酉御殿復膳己巳遣護聖軍戍江南丙子詔太上皇后教育改稱聖旨立賢妃夏氏為皇后丁丑地震辛巳升洪州為隆興府詔江淮軍馬調發應援從都督府取旨餘事悉以聞十一月己丑盧仲賢自宿州以金都元帥僕散忠義遺三省樞密院書來庚子遣王之望等為金國通問使辛丑詔侍從臺諫於後省集議講和遣使禮數土貢四事仍各薦可備小使者丙午盧仲賢擅許四州下大理寺奪三官召張浚癸丑以胡昉楊由

義爲使金通問國信所審議官十二月己未陳康伯
罷乙丑張浚入見丁丑以湯思退爲尚書左僕射張
浚爲右僕射並同中書門下平章事兼樞密使浚仍
都督江淮東西路軍馬壬午西南方有白氣是歲以
兩浙大水旱蝗江東大水悉蠲其租

○二年春正月辛卯詔增德壽宮車蓋儀衛壬辰御文
德殿冊皇后癸巳脩三省法乙未及皇后朝德壽宮
丙申命虞允文調兵討廣西諸盜庚子罷諸州招軍
丙午金僕散忠義復以書來庚戌中嚴卿監郎官更
出迭入之制壬子振歸正人甲寅白氣亘天是月福

建諸州地震二月辛未蠲秀州貧民逋租壬申容州
妖賊李雲作亂癸酉復王權武義大夫命權廣西路
都鈐轄專一措置盜賊丙子詔飭將帥減文武官及
百司吏郊賜之半罷兩浙福建江西湖南夔州路參
議官丁丑雨雹及雪獲李雲其黨悉平乙酉胡昉自
宿州還初金帥以昉等不許四郡械擊之昉等不屈
金主命歸之三月丙戌朔詔張浚視師于淮又詔王
之望等以幣還丁亥詔荆襄川陝帥臣嚴邊備毋先
事妄舉盧仲賢除名械送彬州編管壬寅詔知光州
皇甫偁母招納歸正人丙午王宣等降詔三衛戍兵

歸司建康鎮江大軍更番歸若庚戌芝生德壽宮以
戶部侍郎錢端禮為淮東宣諭使吏部侍郎王之望
為淮西宣諭使詔撫諭兩淮軍民壬子以廣西賊平
詔減高藤雷容四州雜犯死罪囚釋杖以下蠲夏秋
稅賦以忠勇軍隸步軍司神勁右軍隸鎮江都統司
癸丑以王彥為建康諸軍都統制兼淮西招撫使夏
四月庚申召張浚還朝甲子以李顯忠侵欺官錢給
還諸軍丁卯以建康歸正人為忠毅軍鎮江為忠順
軍命蕭琦蕭鵬巴分領之戊辰罷江淮都督府高麗
入貢丁丑張浚罷癸未言者論宰相執政徇欺之弊

命書實政事堂五月壬辰復置環衛官丙申詔吳璘
毋招納歸正人辛丑詔劉寶量度泗州輕重取舍事
宜以聞江西總管邵宏淵責授靖州團練副使南安
軍安置仍徵其盜用庫錢乙巳率郡臣詣德壽宮賀
天申節始用樂丁未蝗詔內外賍私不法官吏尚書
省置籍檢勘庚戌罷招神勁效用軍辛亥鬻兩淮所
招戶馬六月甲寅朔日有食之辛酉以淫雨詔州縣
理滯囚戊辰太白晝見壬申命虞允文棄唐鄧允文
不奉詔丁丑賑江東兩淮被水貧民秋十月乙酉召
虞允文以戶部尚書韓仲通為湖北京西制置使丁

亥洪遵罷己丑以周葵兼權知樞密院事遣主管馬
軍司公事張守忠以兵詣淮西措置邊備庚子太白
經天詔內外文武官年七十不請致仕者遇郊毋得
蔭補己巳命海州撤戍丁未雨雹戊申蠲淮東內
庫坊場錢一平庚戌洪遵落端明殿學士癸丑以江
東浙西大水詔侍從臺諫鄉監郎官館職陳闕失及
當今急務是月罷四侍押班梁珂為在外官觀移廣
西提刑司于容州八月甲寅朔以災異避殿減膳戊
午南丹州莫延廩為諸蠻所逐來歸詔補脩武郎命
江東浙西守臣措置開決圍田甲子秦國大長公主

薨以久雨決繫囚夷辰以資政殿大學士賀允中為

知樞密院事兼參知政事辛巳詔振饒東被水州縣

張浚薨壬午遣魏杞等為金國通問使九月甲申罷

內侍李珂賜諡甲午詔江東浙西監司守臣講明措

置田事乙未交趾入貢丁酉嚴賊吏法辛丑以王之

望為參知政事權刑部侍郎吳芾為給事中兼淮西

宣諭使金人犯邊以久雨出內庫白金四十萬兩糴

米賑貧民主寅王彥帥帥濟江軍昭關癸卯命湯思

退都督江淮東西路軍馬辭不行乙巳復命楊存中

為同都督錢端禮吳芾並為都督府參贊軍謀罷宣

諭司仍易國書以付魏杞少保崇信軍節度使趙密
落致仕權領殿前司職事冬十月甲寅魏杞至盱眙
金帥以國書未如式弗受欲得商秦地及俘獲人且
邀歲幣二十萬杞未得進丁卯贊允中罷為資政殿
大學士尋存已巳以周葵兼樞密院事王之望
兼同知樞密院事庚午詔輔臣夕對便殿丙子大風
庚辰鑄京西湖北運策所經州縣秋稅之半以靖海
軍節度使李寶為沿海駐劄御前水軍都統制辛巳
金人分道渡淮劉寶棄楚州遁十一日乙酉知楚州
魏勝與金人戰死之州遂陷濠州亦陷王彥棄昭關

遁滁州又陷丙戌詔諭沿邊將士丁亥詔魏杞等以
所賫禮幣犒軍杞弗從命留鎮江候旨復命王之望
督視江淮軍馬戊子以金人侵擾詔郊祀改用明年
又詔諭歸正官民軍士命王之望同都督江淮軍馬
湯思退罷都督召陳康伯己丑王之望罷同都督庚
寅命楊存中都督江淮軍馬辛卯湯思退罷尋以尹
穡晁公武論之落觀文殿大學士永州居住未至而
卒甲午以黃榜禁太學生伏闕是日太學生張觀等
七十二人上書請斬湯思退王之望尹穡竄其黨洪
适晁公武而用陳康伯胡銓等以濟大計丙申遣國

信所大通事王林持周葵書如金帥府請正皇帝號
為叔姪之國易歲貢為歲幣減十萬割商秦地歸被
俘人惟叛亡者不與誓曰大略與紹興同以金人犯
淮南詔避殿減膳丁酉詔擇日視師戊戌以少保觀
文殿大學士陳康伯為尚書左僕射同中書門下平
章事兼樞密使庚子遣兵部侍郎胡銓右諫議大夫
尹穡分詣兩浙措置海道贈魏勝寧國軍節度使謚
忠壯辛丑兵部尚書錢端禮賜出身簽書樞密院事
兼提領德壽宮壬寅詔侍從兩省官日一至都堂議
事有關臺諫者亦聽會議以顯謨閣學士虞允文同

簽書樞密院事癸卯遣王之望勞師江上甲辰金人
犯六合縣步軍司統制崔臯擊却之乙巳以錢端禮
兼權參知政事丁未以顯謨閣直學士沈介為沿江
制置使命沿江諸州調保甲分守渡口己酉劉寶落
節鉞為武泰軍承宣使王彥落龍神衛四廂都指揮
使閏月甲寅陳康伯入見詔康伯間日一朝有輿至
殿門給扶升殿丙辰周葵罷王抃見金二帥皆得其
報書以歸戊午蕭琦卒壬戌詔罷胡銓尹穡丙寅召
韓仲道以沈介為兵部尚書湖北京西制置使戊辰
以金人且退詔督府擇利擊之王之望執不可乙亥

之望罷丙子以王抃爲奉使金國通問國信所參議
官持陳康伯報書以行丁丑金遣張恭愈來迓使者
詔臺諫侍從兩省官舉楚廬滁濠四州守臣十二月
甲申罷陝西路轉運司戊子魏杞始渡淮詔郊祀大
禮遵至道典故改用來年正月一日上辛辛卯以錢
端禮爲參知政事兼知樞密院事虞允文同知樞密
院事兼權參知政事禮部尚書王剛中簽書樞密院
事丙申制曰比遣王抃遠抵穎濱得其要約尋澶淵
盟誓之信做大遼書題之儀正皇帝之稱爲叔姪之
國歲幣減十萬之數地界如紹興之時憐彼此之無

辜約叛亡之不遣可使歸正之士咸起寧居之心重
念數州之民罹此一時之難老穉有蕩析之哉丁壯
有係累之苦宜推蕩滌之宥少慰彫殘之情應沿邊
被兵州軍除逃遁官吏不赦外雜犯死罪情輕者減
一等餘並放遣遣洪适等賀金主生辰詔吳挺市馬
赴行在己亥雨雪壬寅罷三衙江上荆襄諸軍招軍
甲辰遣沿海水軍還屯己酉朝獻景靈宮庚戌朝饗
太廟

乾道元年春正月辛亥朔合祀天地于園丘大赦改
元丁巳淮西安撫韓璉勒停賀州編管庚申以錢端

禮兼德壽宮使辛酉召楊存中通問使魏杞至燕山
丁卯以王抃使金有勞進五官庚午西北方有白氣
詔館職更迭補外辛未立兩淮守令勸民種桑賞王
申詔兩浙振流民以紹興流民多死罷守臣徐嘉及
兩縣令癸酉蠲沿邊殘破州軍官賦一年甲戌劉寶
賁果州團練副使瓊州安置乙亥罷兩淮招撫司及
陝西河東宣撫招討司丙子淮西守將孔福以遇敵
棄城伏誅頃遇奪官刺面配吉陽軍牢城二月庚辰
朔朝德壽宮從太上皇太上皇后幸四聖觀乙酉罷
江淮都督府遣官檢察兩淮州縣振濟飢民庚寅兩

電癸巳移濠州戍兵于藕塘庚子以楊存中為寧遠
昭慶軍節度使甲辰以久雨避殿減膳蠲兩淮災傷
州縣身丁錢絹決繫囚丁未陳康伯薨謚文恭二月
甲寅太白晝見己未御殿復膳庚申以虞允文為參
知政事兼同知樞密院事王剛中同知樞密院事命
淮西湖北荆襄帥臣措置屯田復置榷場癸亥黃祖
舜薨戊辰白氣直天己巳罷諸軍額外制領將佐乙
亥太白經天是春湖南盜起入廣東焚掠州縣官軍
討平之夏四月庚子金報問使完顏仲等入見乙巳
吳璘入見五月庚戌以璘為太傅封新安郡王丙辰

詔有司治皇后家廟壬戌詔監司帥守講究弊事以
聞合廣南東西路監事為一司癸亥詔總領帥漕臣
諸軍都統制並兼提領措置屯田沿邊守臣兼管屯
田事丁卯詔吳璘措置馬綱水路壬申蠲四川州縣
虛額錢吳璘改判興元府乙亥詔未銓試人毋得堂
除丙子遣李若川等使金賀上尊號增置諸路鈐轄
都監郴州盜李金等復作亂遣兵討捕之六月癸未
王剛中薨乙酉詔恭王府直講王淮傾邪不正有違
禮經可與外任丙戌以翰林學士洪适簽書樞密院
事戊子步軍司統制官翟臯坐奏功冒濫奪所遷觀

察使止進橫行三官令本軍自效辛卯以武經郎令
德為安定郡壬辰以淮南轉運判官姚岳言境內
飛蝗自死奪一官罷之丙申以兩淮守令勞徠安集
無效下詔戒飭之仍以詔置守令治所壬寅蠲廣東
殘破郡縣稅賦甲辰罷湖北京西制置司秋七月辛
亥詔知州年七十以上者與宮觀癸丑輔臣晚對選
德殿御坐後有大屏記注諸道監司郡守姓名因命
都堂視此書之甲寅借職田租二年以裨經費己未
鑄當二錢己巳蠲閩外四州民今年租賦及湖南賊
蹂郡縣夏稅八月己卯以永豐圩田賜建康都統司

癸未獲李金乙酉詔立子愔為皇太子丁亥虞允文
罷戊子大赦己丑以洪适為參知政事兼權知樞密
院事吏部侍郎葉顥簽書樞密院事兼權參知政事
庚寅立知州軍諸路總管鈐轄都監辭見法癸巳錢
端禮以避東宮親嫌罷為資政殿大學士提舉萬壽
觀戊戌吏部侍郎章服以論虞允文阿附罷謫居汀
州九月乙卯立廣國夫人錢氏為皇太子妃丁巳申
嚴百司官出入局之制丁卯升鼎州為常德府甲戌
以端明殿學士汪澈知樞密院事洪适兼同知樞密
院事乙亥置沿淮諸州都巡檢冬十月己卯遣方滋

等使金賀正且戊子增頭子錢歸正人右通直郎劉
蘊古坐以軍器法式送北境伏誅壬辰御大慶殿冊
皇太子癸巳詣德壽宮稱謝乙未詔侍從各舉所知
宗室一二人丁酉金遣高衍等來賀會慶節乙巳淮
北紅巾賊踰淮劫掠立賞討捕之已而知楚州胡明
遣巡尉擊殺其首蕭榮十一月辛亥招收兩淮流散
忠義人丙寅白氣亘天辛未遣龍大淵撫諭兩淮措
置屯田督捕盜賊十二月戊寅以洪适為尚書右僕
射同中書門下平章事兼樞密使汪澈為樞密使命
廣東提刑司招安李金餘黨癸未遣王曠等賀金主

生辰庚寅以葉顥為參知政事兼同知樞密院事辛卯詔侍從臺諫兩省舉堪監司郡守者各一人三衙知閣舉材武可守邊者一人庚子罷兩淮諸州權攝官壬寅金遣烏古論忠弼等來賀明年正旦癸卯詔樞密院文書依三省式經中書門下畫黃書讀至正二年春正月辛酉省六舍戍兵以所墾田給還復業之民辛未命湖南監司存恤寇盜殘破郡縣二月丁丑罷盱眙屯田振兩浙江東饑戊寅幸玉津園宴射遂幸龍共三月乙巳禁京西利州路科役保勝義士壬子詔戒飭刑獄官戊午殿中侍御史王伯庠請裁

定臺諫詔三省臺諫集議具條式以聞詔縣令非兩任毋除監察御史非任字臣毋除即言者為令丁卯賜禮部進士蕭國梁以下四百九十有二人及第出身戊辰拜增諸州軍雜軍添差官員闕卒未罷洪造右僕射癸酉以給事中權直部尚書魏杞同知樞密院事兼權參知政事丁丑罷和羅夏四月戊寅以久雨命侍從臺諫議刑政所宜以聞減大理三衙監安府及浙西州縣雜犯死罪以下囚一等釋柱以下庚辰詔兩浙漕臣三奏開平江湖秀園甲辛巳遊蕩減贖甲申太白晝見癸巳御殿復膳乙未江激罷丁酉以知

荆南府李道憲侍威里妄作罷之五月戊申張三覺
已酉罷權借職田庚戌葉顯罷以魏祀為參知政事
右諫議大夫林安宅同知樞密院事無權參知政事
中書舍人將書卷書樞密院事癸丑太白晝見經天
禁浙西備築園田罷脩築築行宮丁卯命監司守
預備水旱六月甲戌罷兩浙路提舉市舶司詔諸路
監司帥民各守令職否以聞丙子刑部上乾道新
編特旨斷例為實詔制科權罷詔出題守臣監司
亦許解送以辰封孫獲為福州觀察使崇國公據為左
十牛衛太師軍癸未詔使相母奏補文資七色補官

入母任子為吏遷朝議大夫以五員為額乙酉申嚴
內外牒式法裁其額丙戌廢永豐圩戊戌詔改官人
實歷知縣一任方許開升著為定式秋七月己酉調
泉州左翼軍二十人屯許浦鎮申寅以鎮江都統制
戚方為武當軍節度使八月辛未朔詔兩淮行鐵錢
銅錢毋過江北禁商以武鋒軍隸步軍司甲戌罷任
子年三十得免試參選之令丁丑蜀淮南放歸萬弩
手差役二年壬午詔諸州守臣善訓練禁軍癸未降
會子交于于鎮江建康務屬江淮之人對換丙戌
林安宅劾葉顯之子受金失實罷之丁亥詔安宅為

州居住海州大水戊子以魏杞等同知樞密院事將
帝權參知政事召善願與吳少保新興邵王吳蓋豪
甲子立中興以來十三處戰功格目乙未詔吳璘復
判興州丙申升宣州為軍國府罷戶部諸路歲糴一
年九月甲辰知上元縣李允升犯贓貸死杖脊刺面
配惠州牢城籍其貲丙午遷康守臣王佐坐縱允升
去官奪三官勒停建昌軍居住餘失按官吏及薦舉
官奪官有差辛亥遣官按視溫州水災振貧民決繫
囚乙卯詔改造大曆辛酉追封子恪為邵王謚曰愷
肅甲子詔監司各舉部內知縣縣令二三人守臣各

舉屬縣一二人己巳魏杞等上神宗哲宗徽宗三朝
帝紀太上皇聖政太白晝見是月詔舉將帥置章奏
簿冬十月癸酉上太上皇聖政于德壽宮乙亥遣薛
良朋等使金賀正旦己卯減饒州歲貢金三之一蠲
諸路酒坊逋賦戊子知峽州呂令問坐縱贓吏知夷
陵縣韓執贄去官奪二官鄂州居住辛卯雨雹金遣
魏子平等來賀會慶節十一月丙午揚存中薨己酉
盡出內藏及南庫銀以易會子官司並以錢銀支遣
民間從便兩淮總領所許自造會子嚮南諸路營田壬
子詔脩祥曦殿記注乙卯密詔四川制置使汪應辰

如吳璘不起收其宣撫使牌印權行主管職事甲子
大閏戊辰築郢州城是月詔汰冗兵十二月庚午朔
白氣亘天癸酉詔三省侍從臺諫兩淮漕臣郡守條
具兩淮鉄錢交子利害以聞乙亥遣梁克家等賀金
主生辰己卯以資政殿學士葉顥知樞密院事辛巳
詔免進呈欽宗日曆送國史院脩纂實錄壬午追封
楊存中為和王甲中以葉顥為尚書左僕射魏杞右
僕射並同中書門下平章事兼樞密使蔣芾參知政
事吏部尚書陳俊卿同知樞密院事兼權參知政事
庚寅詔宰相領兼制國用使參知政事同知國用事

癸巳詔置司守臣舉蘇吏丙申金遣烏古論元忠等
來賀明年正月具以江東長馬為轄王抃為帶御器械
大抵是定內外軍額

珍乃私氏環大皇帝相傳有友國金銀乃環信有年
丙午二月初六日

宋史卷三十三
本紀卷第二十四
宋史三十四

本紀卷第二十四

宋史三十四

開府儀同三司上柱國錄軍國重事前中書右丞顏修賢領經筵事都總裁臣脫脫等奉

勅修

孝宗二

三年春正月甲辰詔廷尉大理官毋以獄情白宰執
探刺旨意為輕重庚戌置三省戶房國用司初以國
用匱乏罷江州屯姓軍馬至是復番之癸亥罷銅錢
過江之禁裁定利州西路諸軍額二月壬申詔國用
司月上宮禁及百司官吏三衙將士請給之數癸酉
出龍大淵為江東總管曾覲為堆西總管甲戌大淵

改浙東觀改福建乙亥罷成都漳州路轉運司輪年
銓試以其事付制置司辛巳以端明殿學士虞允文
知樞密院事癸未雨雹甲申為知陳州陳亨祖立廟
于光州賜名愍忠丙戌以武經龜鑑孫子賜鎮江都
統戚方建康都統劉源癸巳措置淮東山水砦丙申
從太上皇太上皇后幸玉津園戊戌直秘閣前廣東
提刑石敦義犯賊刺面配柳州籍其家正月甲辰從
太上皇太上皇后幸聚景園辛亥詣德壽宮恭請裁
定醫官員額丁巳詔四川宣撫司創招千人置司所
在屯駐壬戌伯母秀王夫人張氏薨夏四月辛未觸

諸路州軍逋負癸酉為秀王王夫人成服于後苑百
官進名奉慰丁丑合利州東西路為一戊寅以吳玘
知興元府充利州路安撫使四川宣撫使五月癸卯
葉顥等上三祖下仙源積慶圖及太宗真宗玉牒哲
宗寶訓甲寅吳玘薨庚申命四川制置使汪應辰主
管宣撫司事移司利州脩揚州城壬戌大減三衙官
屬六月己巳命汪應辰權節制利州路屯駐御前軍
馬辛未復分利州東西路為二甲戌以虞允文為資
政殿大學士四川宣撫使乙亥金遣使來取被俘人
詔實得在民間者還之軍中人及叛亡者不預戊寅

復以虞允文爲知樞密院事充宣撫使帝親書九事
戒之罷淮西紅東總領所營田募人耕佃壯丁各還
本屯瘠老存留減半請給申申詔鎮江都統制戚方
武鋒軍都統制陳敏各上清河口戰守之策追封吳
璘爲信王丁亥詔後省參攷理檢院典故辛卯皇后
夏氏崩振泉州水灾秋七月己亥立薦舉改官額壬
寅以皇太子疾減雜犯死罪囚釋流以下乙巳皇太
子薨謚曰莊文己酉東宮醫官杜揖除名昭州編管
尋改瓊州閏月辛未詔諸軍復置副都統制文字與
都統制連書軍馬調發從都統制違者奏劾戚方罷

癸酉權贊安恭皇后于臨安脩吉寺丁亥戚方落節
鉞信州居住八月丁酉內侍陳瑜李宗回坐交結戚
方受賂瑜除名決杖黥面配循州宗回除名筠州編
管方責授果州團練副使潭州安置籍所盜庫金以
犒軍甲寅以久雨命臨安府決繫囚丁巳葉頤等請
罷不許蠲光濠廬三州壽春府賦一年戊午遣官分
決滯獄壬戌以知建康府史正志兼沿江水軍制置
使自鹽官至鄂州沿江南北及沿海十五州水軍悉
隸之癸亥詔給舍討論考課舊法四州旱賜制置司
度牒四百備振濟九月戊子太白晝見冬十月乙未

朔占城入貢丁酉遣唐瑑等使金賀正且戊戌修真
州城以嗣濮王士勗爲開府儀同三司庚子定內外
薦舉改官人歲額癸卯詔歸正借補官資人充樞密
院劾士於指定州軍以官庫酒息贍之者毋罷其給
乙卯金遣蒲察莎魯窩等來賀會慶節十一月丙寅
合祀天地于園丘大赦戊辰雷已巳詔戒飭武臣及
百官癸酉以郊祀雷葉顯魏祀並罷命陳俊卿爲參
知政事翰林學士劉琪同知樞密院事甲戌蔣芾陳
俊卿請罷不許丁丑以雷發非時詔臺諫侍從兩省
官指陳闕失辛巳詔侍從兩省臺諫卿監郎官舉堪

郎官寺監丞監司郡邑者癸巳罷川路馬船十二月
丙申增脩六合城己亥遣王淪賀金主生辰乙巳置
豐儲倉增印會子辛亥以具益爲太傅庚申金遣使
留恩術等來賀明年正旦是歲兩浙水四川旱江東
西湖南北路蝗振之

四年春正月戊辰籍荆南義勇民兵增給衣甲遇農
隙日番教壬午奪秦墳秦堪郊恩蔭補癸未兩雷甲
申辛天竺寺遂幸玉津園辛卯罷吳益郊恩蔭補壬
辰葉顯慶二月甲午朔罷福建路賣鈔鹽蠲轉運司
歲發鈔鹽錢十五萬續詔四川宣撫使虞允文集四

整清臣會計財賦所入對立兵額丁酉命湖北安撫
司給田募辰沅靖三州刀弩手戊戌置和州鑄錢監
己亥以蔣芾為尚書右僕射同中書門下平章事兼
樞密使兼制國用使觀文殿大學士史浩為四川制
置使蔣緯不行庚子詔蔣芾當朝贊拜不名芾辭許
之己巳賜王炎出身簽書樞密院事炎又五星皆見
乙卯雪雨雹三月庚午以敷文閣待制丞公武為四
川安撫制置使戊寅詔贈果州團練使韓崇岳立廟
賜名忠勇宣州觀察使朱勇立廟賜名忠節己丑四
方霧下若塵庚寅詔楚州壯丁社民稅後謚陳亨祖

長編

曰愍節夏四月乙未置漢陽軍收發馬監詔官吏非
犯公罪毋得引用併計案問發己亥置郢州轉般倉
癸卯遣使撫邛蜀二州饑民為亂者己酉追封韓世
忠為蘄王甲寅蔣芾等上欽宗帝紀實錄丙辰禮部
員外郎李燾上所著續通鑑長編自建隆至治平一
百八卷丁巳詔大使局參用新舊曆戊午詔販牛過
淮者論如興販軍需之罪是月振綿漢等州饑五月
癸亥出度牒千道續減四川科調乙丑太白晝見以
邛州安仁縣荒旱失于蠲放致饑民擾亂守貳縣令
降罷追停有差甲申謚趙鼎曰忠簡丙戌行乾道新

歷丁亥以饒信二州建寧府饑民嘯聚遣官措置振濟是月西夏任敬德遣使至四川宣撫司約發兵攻西番六月辛卯朔太白晝見經天甲午詔罷廣西鈔鹽復官般官賣法歲減轉運司鈔錢十九萬緡其秋苗毋得科折戊戌蠲諸路逋負乾道元年二月和市折帛雜色錢辛丑龍大淵卒詔以爲寧武軍節度使致仕五星皆見癸卯詔四川宣撫司增印錢引一百萬對償民間預借錢蠲印蜀二州夏稅丁巳召興化軍布衣林彖赴行在戊午蔣芾以母喪去位秋七月壬戌以劉珙兼叅知政事召建寧府布衣魏掞之赴

行在申禁異服異樂癸亥徽州大水己巳罷沿江水軍制置司辛未衢州大水戊寅知衢州王悅以盛暑禱而蔬食減膳憂勤致疾而死贈直龍圖閣丁亥以經總制餘剩錢二十一萬緡椿留印蜀州以備振濟己丑以久雨御延和殿廉囚減臨安府三衙死罪以下囚釋杖以下是月西夏遣間使來八月乙未班祈雨雪之法于諸路己亥五星皆見丁未主管殿前司公事王琪傳旨不實擅興工役降三官放罷庚戌劉珙罷辛亥陳俊卿請罷政不許九月庚申立內外將佐升差審察法庚午從太上皇幸天竺寺限品官子

孫名由是秋罷關外四州營田官兵募民耕佃多十月壬辰遣鄭聞等使金賀正旦甲午禁歸正人藏匿金人者之未臣僚言天下之事必歷而後知試而後見爲縣令者必爲丞簿爲郡守者必爲通判爲監司者必爲郡守皆有等差自今職事官及局務官必任滿方許求外未歷親民任使卽未得擬州郡且授通判詔從之庚子蔣芾起復尚書左僕射陳俊卿右僕射並同中書門下平章事兼樞密使兼制國用使甲辰大閱已酉金遣移刺神獨幹等來賀會慶節庚戌大風十一月壬戌遣知無爲軍徐子寅措置楚州官

田招集歸正忠義人以耕甲戌嚴盜賊法乙亥詔峽州布衣郭雍赴行在壬申兩淮歸正忠義有田產者蠲役五年癸未岳陽軍節度使居廣封永陽郡王十二月丙申遣胡元質等賀金主生辰甲辰賜魏掞之同進士出身爲太學錄蔣芾辭起復許之減兩浙江東西路明年夏稅和市之半甲寅金遣完顏仲仁等來賀明年正旦

五年春正月甲戌措置兩淮屯田二月己丑申嚴大廟季點法乙未命楚州兵馬鈐轄羊滋專一措置沿淮海盜賊先是海州人時旺聚衆數千來請命旺

尋爲金人所獲其徒渡淮而南者甚衆故命滋彈壓
之戊戌贈張浚太師謚忠獻壬寅以給事中梁克家
簽書樞密院事癸卯大風甲辰以王炎參知政事兼
同知樞密院事丙午雨雹辛亥詔自今詔令未經兩
省書讀者毋輒行給舍駁正毋連衙同奏三月丁巳
朔詔趣脩廬和二州城己巳蠲成都府路民戶歲輸
對糴米脚錢三十五萬緡乙亥以王炎爲四川宣撫
使仍參知政事召虞允文赴行在丙子賜禮部進士
鄭僑以下三百九十有二人及第出身壬午賜郭雍
號冲晦處士癸未罷利州路諸州管田官兵募民耕

佃詔侍從監司帥臣管軍薦武舉出身人可將佐者
夏四月己丑復置將作軍器少監壬辰以梁克家兼
參知政事辛丑詔福建路貧民生子官給錢米庚戌
修襄陽府城辛亥振恤衢婺饒信四州流民五月己
巳帝以射弩弦斷傷目不視朝金牒取俘獲人王林
議盡遣時旺餘黨陳俊卿持不可帝然之六月庚寅
太白晝見戊戌始視朝己酉以虞允文爲樞密使秋
七月乙丑召曾覲入見陳俊卿及虞允文請罷之不
許覲至行在俊卿允文復言其不可留詔以覲爲浙
東總管八月甲申朔日有食之己丑以陳俊卿爲尚

書左僕射虞允文為尚書右僕射並同中書門下平
章事兼樞密使兼制國用使辛亥命淮西路鑄小鐵
錢九月己未罷淮東屯田官兵募民耕佃辛酉詔准
東諸州農隙教閱民丁甲子詔侍從臺諫集議欽宗
配饗功臣壬申大風命淮西安撫司參議官許子中
措置淮西山水砦招集歸正忠義人耕墾官田冬十
月乙酉遣汪大猷等使金賀正日戊子振溫台二州
被水貧民以守臣監司失職降責有差戊戌大風已
亥命饒信二州歲各留上供米三萬石以備振糶癸
卯金遣高德基等來賀會慶節十一月癸丑朔復置

淮東萬弩手名神勁軍庚子增置廣東水軍乙丑以
孫擴為右千牛衛大將軍以明州定海縣水軍為御
前水軍丙寅為岳飛立廟于鄂州己巳太白晝見辛
未詔侍從臺諫兩省官各舉京朝官以上才堪監司
郡守者三人壬申復成閔慶遠軍節度使鎮江諸軍
都統制十二月己丑遣司馬俊等賀金主生辰辛卯
大風丁酉置應城縣馬監復李顯忠威武軍節度使
乙巳復置成都府廣惠倉以官人金運完顏朶等來賀
明年正月

六年春正月癸丑雅州沙平蠻寇邊焚明門也石四川

制置使吳公武請兵討之失利乙卯備楚州城丁巳
復強盜詹魯其四年十一月指揮勿行吳文為降金
字牌下四川宣撫司備邊奏乙丑增築豐儲倉庚午
以奉國軍承宣使知廬州郭振為武泰軍節度使二
月乙酉詔六部侍郎二人分領諸路尉城丁亥復置
舒州同安監鑄鐵錢辛卯三京遣人約沙平蠻歸部
稍捐邊稅與之丙寅廣西路復行鈔監法仍增收通
貨錢四十萬緡以備漕計壬寅詔諭大臣均稅法嚴
限田租濟三務農及乙酉置應城縣學生監庚戌以
會觀為福州觀察節度使司農寺丞許子忠誨准西指

置鐵錢三月癸丑用二省員兩淮守帥宜以其任二
年後察其能否以行官員罰乙卯裁減樞密院吏額一
百十有四八丁巳詔少軍司權以三萬五千人為額
起復王抃知閣門事專一措置三衙揀選官兵贈彰
國軍節度使大周仁為太尉庚申從太上皇太上皇
后幸聚景園乙丑以日昃公武三少不協罷四川制置
司歸宣撫司辛未從太上皇太上皇后幸聚景園甲
戌裁減三省吏額七十一人戊寅以知紹興府史浩為
檢校少傅保寧軍節度使己卯詔兩淮州縣官以繁
簡易其任復置江浙荆湖准廣福建等路都大發運

使以新知成都府史正志為之夏四月辛巳朔罷鑄錢司歸發運司併准東總領所歸准西總領所以敷文閣直學士張震知成都府充平路安撫使乙未賜發運使史正志緡錢二百萬為均輸和糴之用吏部尚書汪應辰二上疏論發運司戊戌以應辰知平江府五月甲寅裁減六部吏額百五十八人其餘百司三衛以是為差已未陳俊卿虞允文等上神宗哲宗徽宗欽宗四朝會要太上皇玉牒已巳陳俊卿以議遣使不合罷為觀文殿大學士知福州罷行在至鎮江征稅所比以者十有二甲戌詔戒飭百官丁丑知湖州

曾造犯賊貨命南雄州編管籍其家戊寅詔給舍臺諫言事閏月壬午詔監司帥臣舉守令臧否失實依舉清要官法定罪甲申印給諸州上供綱目李申而歲校之以為殿最戊子遣范成大等使金求陵寢地且請更定受書禮辛卯吏部侍郎陳良祐論祈請使不當遣恐生邊釁詔以良祐妄興異論不忠不孝放罷送筠州居住癸巳增環衛官奉以梁克家為參知政事兼同知樞密院事壬寅以江東漕臣黃石不親按行水災州郡降二官甲辰辛次膺慶戊申復置武臣提刑六月壬子申嚴卿監郎官更迭補外之制壬

申增武學生爲百人癸酉置蘄州蘄春監黃州齊安
監鑄鐵錢是月榮國公挺自東宮出居外第秋七月
癸未詔以沙田蘆場歲收租稅六十餘萬緡入左藏
南庫丙戌詔川廣監司郡守任滿奏事訖方調己丑
置興國軍興國監甲午詔除郎官並引對畢供職辛
丑復置御前弓馬子弟所命吳挺兼提舉賜岳飛廟
曰忠烈八月庚戌虞允文請蚤建太子癸丑復置詳
定一司勅令所丙寅置閤門舍人十員是月虞允文
上乾道勅令格式九月壬辰賜蘇軾謚曰文忠辛丑
沅州獠人相讐殺守臣孫叔傑出兵擊之失利獠人

進迫州城安撫司諭解之叔傑尋抵罪是月范成大
至自金金許以遷奉及歸欽廟梓宮而不易受書禮
冬十月己酉以孫攄爲左千牛衛大將軍丙辰詔發
運使置司行在謚司馬朴曰忠潔辛酉遣呂正己等
使金賀正旦丁卯金遣耶律子敬等來賀會慶節甲
戌起居舍人趙雄請置局議恢復詔以雄爲中書舍
人十一月丁丑朔復置軍器監一員壬午合祀天地
于園丘大赦乙未復置神武中軍以吳挺爲都統制
召曾覲提舉佑神觀丁酉加上光堯壽聖太上皇帝
尊號曰光堯壽聖憲天體道太上皇帝壽聖太上皇

后尊號曰壽聖明慈太上皇后是月遣趙雄等賀金
主生辰別函書請更受書之禮置左藏南上庫十二
月戊申大閱甲子置江州廣寧監臨江軍豐餘監撫
州裕國監鑄鐵錢壬申金遣蒲察愿等來賀明年正
旦癸酉罷發運司以史正志奏課不實責為楚州團
練副使永州安置是歲兩浙江東西福建水旱

七年春正月丙子率羣臣奉上太上皇太后册
寶于德壽宮庚辰虞允文復請建太子帝命允文擬
詔以進士寅命三省旬錄宣諭聖語及時政記同進
是月復鑄錢司二月癸丑詔立子惇為皇太子大赦

以慶王愷為雄武保寧軍節度使判寧國府進封魏
王丁巳增置皇太子宮講讀官庚申罷會子庫仍賜
戶部內藏南庫緡錢二百萬銀九十萬兩以增給官
兵之奉甲子詔寺觀毋免稅後丁卯大傳大寧郡王
吳益薨壬申大風三日乙亥朔趙雄至金金拒其請
詔訓習水軍丙子立恭王夫人李氏為皇太子妃戊
寅徙侍衛馬軍司成建康己卯起復劉珙同知樞密
院事以明州觀察使知閣門事兼樞密都承旨張說
簽書樞密院事左司員外郎兼侍講張拭言說不宜
執政乙酉立沿海州軍私齎銅錢下海船法丙戌復

置將作監殿中侍御史李處全乞遣張說按行邊戍
以息衆論中書舍人范成大乞下草詞戊子說罷為
安慶軍節度使提舉萬壽觀真寶遣使覈兩淮種麥
丙申御天慶殿冊皇太子禮部侍郎鄭聞工部侍郎
胡銓樞密院檢詳文字李衡秘書丞潘慈明並罷虞
允文乞留銓乃以為寶文閣待制兼侍講己亥皇太
子謝于紫宸殿宰相率百官赴東宮賀夏四月戊申
以會觀為安德軍承宣使庚申詔諸路增收無額錢
物並輸南上庫壬戌從太皇太后上皇太后幸聚景園
甲子詔皇太子判臨安府己巳詔侍從臺諫兩省官

率任刑獄錢穀及有智略吏能者各二人辛未詔皇
太子領臨安府五月戊寅復置淮東總領所丁亥劉
拱起復同知樞密院事為判襄宣撫使拱辭不拜庚
寅金人郭欽宗于鞏京丁酉詔廣西帥臣措置南丹
州市馬是月遣知閣門事王朴點閱荆襄軍馬六月
丙午復主管馬軍司公事李顯忠為太尉己巳賜吳
璘謚曰武順壬申詔兩淮蠲田母創增稅賦秋七月
庚子以王炎為樞密使四川宣撫使八月丙辰詔兩
淮民丁充民兵者本名丁錢勿輸辛酉搜捕襄陽城
九月壬申朔以江西湖南旱命募民為兵甲申從太

上皇太上皇太后幸東園戊子安定郡王令德薨冬十月丁未罷紹興宗正行司改恩平郡王璩判西外宗正已酉遣英傑等使金賀正具壬戌金遣烏林答天錫等來賀會慶節天錫要帝降榻開金主起居虞允文請帝還內命知閣門事王抃諭天錫以明日見天錫沮退癸亥會慶節金使隨班入見十一月甲戌御集英殿策試應賢良方正能直言極諫科李阜戊寅錫虛制科出身十二月丁未遣翟絳等賀金主生辰庚申詔閣門吉人依文臣館閣以次輪對癸亥罷太監苟丙寅金遣宗顏朱寧等來賀明年正具是歲湖內

江東西路旱振之

八年春正月庚午朔班乾道勅令格式丁酉朝獻景靈宮遂幸天竺寺玉津園二月乙巳詔改尚書左右僕射同中書門下平章事為左右丞相丙午詔六察分隸事有違戾許監察御史隨事具實狀糾劾以聞戊申遣姚憲等使金賀上尊號附請受書之事辛亥以虞允文為左丞相梁克家為右丞相並兼樞密使癸丑以安慶軍節度使張說吏部侍郎王之奇並簽書樞密院事侍御史李衡右正言王希呂交章論說不可為執政不報禮部侍郎兼直學士院周必大不

草答詔權給事中莫濟封還錄黃詔並與在外宮觀
丙辰詔罷王希呂與遠小監當尋詔與宮觀丁巳李
衡罷為起居郎丙寅戶部尚書曾懷賜出身參知政
事三月戊子詔省待中中書尚書令負以左右丞相
充其位夏四月庚子賜禮部進士黃定以下三百八
十有九人及第出身己酉殿中侍御史蕭之敏劾虞
允文擅推不公允文請罷政許之翼日復留出之敏
提點江東刑獄甲子措置兩淮官田徐子寅等坐授
田歸正人逃亡奪官有差乙丑詔再蠲兩淮二稅一
年五月戊子福吉益行鈔法丙申立宗室銓試法六

月庚子以武德郎令禮為金州觀察使封安定郡王
壬寅蠲兩淮歸正人撮收課子淮東巡尉有縱逸歸
正戶口過淮者奪官有差子子省監司薦舉員秋七
月辛巳罷淮西屯田官兵募歸正人耕佃姚憲曾覲
至白金金人拒其請癸未以覲為武泰軍節度使壬
辰兩電九月戊辰定江西四監鐵錢額乙亥詔王炎
赴鄱堂治事戊寅以虞允文為少保武安軍節度使
四川宣撫使封雍國公己丑賜允文家廟祭器壬辰
允文入辭帝諭以決策親征令允文治兵奏報冬十
月丁未遣馮榘等使金賀正甲辰金遣夾谷清臣

等來賀會慶節罷借諸路賦田十一月辛未遣官齎
江浙福建二廣湖南八路官田辛巳復四川諸州教
授員廣寅進檢校少傅知福州史浩開府儀同三司
十二月戊戌蠲兩淮明年租賦甲辰詔京西招集歸
正人授田如兩淮甲寅命四川試武舉丙辰追封劉
光世為安成郡王丁巳遣韓元吉等賀金主生辰庚
申復置鑄錢司提點官二員辛酉金遣曹望之等來
賀明年正旦是歲隆興府江筠州臨江興國軍大旱
四川水

九年春三月辛未王之奇罷為淮南安撫使壬寅罷

為觀文殿大學士提舉洞霄宮乙亥以張說同知樞
密院事戶部侍郎沈夏簽書樞密院事戊寅遣官齎
兩浙營田及沒官田次及江東西四川如之以刑部
尚書鄭問簽書樞密院事乙酉福建鹽復官賣法是
月以措置兩淮荆襄十六事勅安撫轉運使督諸州
守臣月具所行事奏仍審擇減否以議黜陟閏月戊
申以久雨命大理三衙臨安府及兩浙州縣決繫囚
減雜犯死罪以下一等釋杖以下乙卯脩廬州城辛
酉大風幸天竺寺玉津園二月壬申蠲江西旱傷五
州逋負米乙亥青羗奴兒結寇安靜砦黎州推官黎

商老戰死乙酉孫榮國公挺薨追封豫國公丁亥特
贈蘇軾為太師三月甲午禁北界博易銀絹戊申從
太上皇太上皇后幸聚景園癸丑復以進奏院隸門
下後省丙辰復分淮南安撫司為東西路夏四月丁
丑裁定武鋒軍軍額己丑皇太子解臨安尹事五月
壬辰朔日有食之己未以迪功郎朱熹屢詔不起特
改宣教郎主管台州崇道觀六月甲戌禁兩淮荆襄
四川諸州籍民戶馬已丑戒飭監司守令勸農秋七
月壬寅青羌奴兒結降辛亥吐蕃彌羌畜列陷安靜
紫引兵深入黎州守臣誘邛部川蠻擊却之八月丙

子詔興脩水利癸未合荆鄂二軍為一以吳挺克都
統制九月丙申梁克家等上中興會要太上皇及皇
帝王牒庚子命盱眙軍以受書禮移牒泗州示金生
辰使金使不從冬十月甲子遣留正等使金賀正旦
右丞相梁克家與同知樞密院張說議使事不合乃
求去辛未克家罷為觀文殿大學士知建寧府壬申
禡雲見甲戌以曾懷為右丞相張說知樞密院事鄭
聞參知政事沈夏同知樞密院事庚辰金遣完顏襄
等來賀會慶節丁亥襄等入辭別函申議受書之禮
仍示虞允文速為邊備十一月辛卯詔樞密院除授

及財賦事關中書門下省其邊機軍政更不錄送戊戌合祀天地于園丘大赦改明年為淳熙元年十二月巳未朔戒勅沿邊諸軍毋輒遣間探招納叛亡甲子沈夏罷乙丑以御史中丞姚憲簽書樞密院事遣韓彥直等賀金主生辰辛未交趾入貢癸酉罷廣西客鈔鹽復官般官賣法甲戌遣使措置宜州市馬乙亥以嗣濮王士鞞未陽郡王居廣並為少保乙酉金遣完顏璋等來賀明年正旦以議受書禮不合詔俟改日以太上皇有旨姑聽仍舊丁亥璋等入見是歲浙東江東西湖北旱

淳熙元年春正月乙未禁淮西諸關採伐林木戊戌罷坐倉糴米賞庚子罷兩淮將帥權攝官丙午禁兩淮耕牛出境以交趾入貢詔賜國名安南封南平王李天祚為安南國王二月癸酉虞允文薨辛巳為郭浩立廟于金州三月戊子朔詔寄祿官及選人並去左右字丙申以鄭聞為資政殿大學士四川宣撫使戊申幸玉津園癸丑金遣梁肅等來計事夏四月戊辰從太上皇幸聚景園壬申許桂陽軍谿洞子弟入州學聽讀乙亥詔四川宣撫使教閱諸州將兵戊寅遣張子顏等使金報聘己卯以姚憲參知政事戶部

尚書葉衡簽書樞密院事五月壬寅班鄭興裔所創
檢驗格目六月丙辰朔詔禮官討論別建四祖廟正
太祖東嚮位戊午以興州都統制吳玠爲定江軍節
度使癸酉改江陵府爲荆南府戊寅曾懷罷癸未姚
憲罷甲申落憲端明殿學士罷宮觀以葉衡參知政
事秋七月丁亥以鄭聞參知政事罷四川宣撫司以
成都府路安撫使薛良朋爲四川安撫制置使戊子
詔舉廉吏壬辰以曾懷爲右丞相己酉姚憲南康軍
居住八月己未張說罷爲太尉提舉隆興府玉隆觀
以徽猷閣學士楊俊爲昭慶軍節度使簽書樞密院
事九月乙酉朔以曾覲開府儀同三司壬寅幸玉津
園宴射乙巳罷宜州市馬冬十月辛酉立金銀出界
罪賞壬戌遣蔡洸使金賀正旦癸亥以積雨命中外
決繫囚丙寅鄭聞薨乙亥金遣完顏讓等來賀會慶
節戊寅占城入貢辛巳再蠲臨安府民身丁錢三年
壬午以魏王愷判明州蠲郴州桂陽軍借貸常平米
十一月甲申朔日有食之戊戌以禮部侍郎龔茂良
參知政事楊俊罷以葉衡兼權知樞密院事丙午曾
懷罷戊申以葉衡爲右丞相兼樞密使十二月丁巳
以吏部尚書李彥穎簽書樞密院事壬戌遣吳琚等

賀金主生辰丙寅罷鐵錢改鑄銅錢庚午詔禮官論復魏悼王襲封壬申葉衡等上真宗玉牒金遣劉仲諤等來賀明年正旦以資政殿學士知江陵府沈夏升大學士為四川宣撫使仍命升差從主帥場務還軍中新四川制置使范成大改管內制置使

二年春正月癸巳前宰相梁克家曾懷坐擅改堂除克家落觀文殿學士懷降為觀文殿學士甲午廢同安蘄春監丁未以兩淮諸莊歸正人安業徐子寅等行賞有差庚戌詔籍諸軍子弟為背嵬軍三月丙申以太上皇壽七十詔禮官討論慶壽典禮乙巳詔武

舉第一人補東義郎堂除諸軍計議官夏四月乙卯賜禮部進士詹曠以下四百二十有六人及第出身己巳幸玉津園是月茶寇賴文政起湖北轉入湖南江西官軍數為所敗命江州都統皇甫倜招之五月辛卯諭宰相以朝政闕失士民皆得獻言庚子命鄂州都統李川調兵捕茶寇乙巳詔知縣三年為任六月庚戌朔詔自今宰執侍從以下除外任非有功績者不除職名外任人非有勞效亦不除職以遠夏同知樞密院事辛酉罷四川宣撫司以倉部郎中辛棄疾為江西提刑節制諸軍討捕茶寇丁卯命工部

湯邦彥言落蔣市三災觀文殿大學士張謐落節度使節是昌軍災袁州說撫州並君在成反發濟湖南江西被寇州縣是月茶寇自湖南犯廣東秋七月辛丑有旱于西方八月丙辰江西總管賈和仲以捕茶寇失律除名賀州編管甲子賜安南國三印丁卯獨湖南江西被寇州縣租稅丁丑遣左司諫湯邦彥等使金中議九月乙卯朔湯邦彥請分楊廬州荆南襄陽府金州興元府興州為七路每路文臣一人充安撫使以治民武臣一人充都總管以治兵三載視其成以議誅賞從之乙酉振恤淮南水旱州縣乙未

葉衡罷丁未沈夏罷贈趙鼎為太傅還其爵邑追封豐國公閏月丁巳以李彥穎參知政事翰林學士王淮簽書樞密院事甲子詔武臣從軍毋帶內職是月辛棄疾諡賴文並殺之卒完平冬十月戊寅朔賞平茶寇功湖南江西廣東臣帥熟陟有差庚辰大風壬午詣德壽宮加上元堯壽聖壽天體道太上皇帝尊號曰光堯壽聖壽天體道隆仁誠德經武緯文太上皇帝壽聖明慈太上皇帝壽號曰壽聖齊明廣慈太上皇帝乙酉遣謝舉等使金賀正甲戌成金邊完顏禮等未質會慶節十一月戊申朔奉太上皇帝太

上皇后冊寶于德壽宮庚戌罷正門內火焚三月大風
戊午提點坑冶王捐進羨餘十萬詔部之十二月
辛巳班淳熙吏部七司法道張宗元等普金三座辰
甲午朝德壽宮行慶壽禮大赦文武官封父母賞諸
軍議放天下苗稅三之一大臣言國用不足延正丙
申更定強盜賊法甲辰金遣完顏迨等來賀明年三
旦

三年春正月甲寅以常州旱賞其遺負之半剛犯賊
陰補法振淮東饑仍命貸貧民種乙丑振恤歸正人
二月壬午蠲兩淮救閱民兵夏稅癸未以伯圭為安

德軍節度使甲申詔四川監司帥守聞命之官毋候
告勅賜韓世忠謚曰忠武是月罷諸路營田三
月丙午朔日有食之露雲不見辛亥上太上皇日曆
于德壽宮己未置六部編勅司癸亥幸報恩寺遂幸
聚景園己巳併左藏四庫為二辛未詔四川制置司
歲擇梁洋義士材武者二人遣赴樞密院壬申立任
子參選覆試遂夏四月戊寅詔侍從臺諫兩省官歲
舉監司郡守各五人辛巳靖州擒人寇遣遣兵討捕
之丁亥兩寇已丑責受葉倫安德軍節度副使彭州
安置丁酉湯邦彥陳雷奉使無狀除名并逐新州雷

永州編管已亥諸路提刑歲五月理四五月癸丑
合利州東西路為一安南國王亨天祐平戊午遣使
賜祭壬申太白書見六月乙酉減四川酒課四十七
萬餘緡申午以朱熹屢詔不起特令為秘書郎熹不
就秋七月乙丑禁浙西園田八月乙亥以王淮同知
樞密院事禮部尚書趙鼎簽書樞密院事詔六察官
糾察庶政臺綱益添各進二官庚辰太上皇詔立貴
妃謝氏為皇后壬午以久雨命中外決繫囚戊戌靖
州擒寇平九月癸亥詔自今犯公罪至死者其蔭補
其所犯妻妾裁者為令冬十月甲戌以久雨命中外決

繫囚丙子御文德殿冊皇后丁丑命臨安守臣嚴禁
踰修庚辰詔自今非歉歲不許鬻爵癸未遣閩蒼舒
等使金賀正旦壬辰金遣蒲察通等來賀會慶節十
一月癸丑合祀天地于園丘大赦庚午遣張子正等
賀金主生辰十二月己丑黎州蠻寇邊官軍失利蠻
亦遁去甲午詔職事官補外者復除職如故事追封
吳玠為涪王丁酉定鑄錢司歲鑄額為十五萬緡戊
戌金遣劉琬等來賀明年正旦是歲京西湖北諸州
興元府金洋州旱紹興府台婺州水並振之
四年春正月戊申詔自今內外諸軍歲一閱試庚申

詔沿江諸軍歲再習水戰丙寅雨雹丁卯班淳熙曆
二月乙亥幸太學祗謁先聖退御敦化堂命國子祭
酒林光朝講中庸下詔遂幸武學謁武成王廟監學
官進秩一等諸生推恩賜帛有差己卯詔諸軍毋以
未補官人任軍職戊子立邊人逃入溪洞及告捕法
癸巳立武臣授環衛官法戊戌以新知荆南府胡元
質爲四川安撫制置使兼知成都府三月乙巳以史
浩爲少保觀文殿大學士醴泉觀使兼侍讀進封永
國公己酉龔茂良等上仁宗玉牒徽宗實錄皇帝玉
牒庚戌幸玉津園宴射壬子貧隨郢二州饑民米詔

李龍翰襲封安南國王甲寅脩韶州城丙寅幸聚景
園夏四月甲戌以魏王愷爲荆南集慶軍節度使行
江陵尹判明州如故乙亥參知政事龔茂良以曾覲
從騎不避道赦之戊寅上奏乞罷政不許甲午給歸
正官子孫田屋五月庚子朔幸佑聖觀罷四川和羅
六月丁丑龔茂良罷己卯以王淮參知政事辛巳班
幸學詔癸未升蜀州爲崇慶府甲申詔自今宰執朝
殿得言事須覆奏方行秋七月辛丑禁江上諸軍盜
易戰馬振襄陽饑民壬寅立待補太學試法戊申班
御史臺彈奏裕乙酉罷臨川伯王粲從祀癸丑龔茂

良賁授寧遠軍節度副使英州安置甲寅甲嚴四川
入蕃茶禁甲子班溥熙重脩勅令格式八月辛巳禁
耕牛過淮九月丁酉朔日有食之巳亥命脩築海潮
所壞塘岸辛丑免宰執以下會慶節進奉庚戌命禮
官定開寶鼓和祀禮戊午閱蹴鞠于選德殿冬十月
丙子以久陰命中外決繫囚遣錢良臣等使金賀正
早丁丑詔監司守臣歲舉武臣堪知縣者各二人巳
卯詔將士智勇傑出者躡等升差丁亥金遣完顏忠
等來賀會慶節十一月丁酉詔兩淮歸正人為強勇
軍庚子以趙雄同知樞密院事壬戌大白晝見癸亥
遣趙思等賀金主生辰十二月丁卯試四川所上義
士二人官而遣之巳巳詔行薦舉事實格法乙亥大
閱辛巳蠲太平州民貧常平錢米壬辰金遣完顏炳
等來賀明年正日是歲福州建寧府南劍州水並振
之

本紀卷第三十五

宋史三十五

開府儀同三司桂國鎮軍國重事前行書哀相兼國史領經筵事都總裁臣脫脫等奉
勅修

孝宗三

五年春正月辛丑侍御史謝廓然乞戒有司毋以程
頤王安石之說取士從之癸卯罷特旨免臣僚及寺
觀科徭庚戌大風己未詔侍從臺諫兩省官集議考
課法二月己巳置州縣丁稅司辛未申嚴武官呈試
法詔二廣毋以攝官人治獄丁丑禁解鹽入京西界
甲申雨土庚寅威州蠻寇邊討降之三月丁未李彥

穎罷給辰沅澧靖四州刀弩手田壬子以史浩爲右丞相丁巳幸玉津園己未以王淮知樞密院事趙雄叅知政事是春黎州蠻出降夏四月乙丑朔詔葉衡任便居住丙寅以禮部尚書范成大叅知政事辛未知紹興府張津進羨餘四十萬緡詔以代民輸和買身丁之半賜禮部進士姚穎以下四百十有七人及第出身丁丑雨土巳卯以趙思奉使不如禮罷起居舍人仍降二官丁亥命後省擇中外所言利病不戾成法者以聞五月庚子置武學國子員丁未修臨安府城禁諸路州軍責屬縣進羨餘六月庚午飭百官

及諸監司毋得請托乙亥范成大罷癸未詔京西湖北商人以牛馬負茶出境者罪死甲申詔翰林學士諫議大夫給事中中書舍人侍御史各舉堪御史者二人以給事中錢良臣簽書樞密院事己丑罷諸州私置稅場減四川茶課十五萬餘緡庚寅蠲大理寺贓錢三萬九千餘緡閏月丙申贈強寬強震官立廟西和州賜名旌忠丁酉限四川總領會子額戊戌罷興州都統司營田官兵募民耕佃己亥復分利州東西路爲二壬寅置鎮江建康府轉般倉龔茂良卒于英州乙巳以魏王愷爲永興成德軍節度使雍州牧

判明州如故庚戌蠲秀州民折帛錢秋七月甲子太尉提舉萬壽觀李顯忠薨癸未禁砂毛錢丁亥以歲豐命沿江糴米百六十萬石以廣邊儲八月甲午詔諸路監司戒所部民稅毋以重價強折輸錢復制科舊法丁酉詔關外四州增募民兵爲忠勇軍戊午增銓試爲五場呈試爲四場九月甲子定廣西賣鹽賞罰壬申幸秘書省戊寅賜岳飛謚曰武穆冬十月戊戌史浩等上三社下第六世仙源類譜仁宗玉牒庚子遣宇文价等使金賀正旦辛亥金遣張九思等來賀會慶節乙卯奉國軍節度使殿前都指揮使王友

直以募兵擾民降爲武寧軍承宣使罷軍職統制以下奪官有差軍民謹叟者執送大理寺鞠之戊午以孫右千牛衛大將軍擴爲明州觀察使封英國公十一月丙寅詔軍民喧闕者並從軍法史浩言民不宜律以軍法不聽王友直再降爲宜州觀察使信州居住浩請罷政甲戌浩罷爲少傅還舊節克醴泉觀使兼侍讀乙亥以錢良臣參知政事丁丑以趙雄爲右丞相王淮爲樞密使戊寅以兩川禁卒千人爲成都府雄邊軍庚辰復監司互察法十二月庚寅朔班新定薦舉式辛卯遣錢冲之等賀金主生辰丁酉罷興

元都統司管田官兵募民耕佃辛丑復同安蘄春監
丙午禁兩淮銅錢復行鐵錢丙辰金遣烏延察等來
賀明年正旦是歲階福建興化軍水通泰楚州高郵
軍田鼠傷禾三佛齊國入貢

六年春正月戊辰振淮東饑民庚午復置內侍省合
同憑由司壬申蠲夔州路上供金銀丁丑雨雹辛巳
復置光州中渡榷場二月巳丑朔幸佑聖觀召史浩
曾覲賜酒壬辰錢良臣以失舉贓吏奪三官丙申詔
前宰執侍從有巳見利便聽不時以聞辛丑立武臣
關升蔭補法丙午詔逃軍犯強盜者毋擬貸癸丑命

州縣毋撓義役乙卯詔自今歸正官親赴部授官以
革冒濫丁巳裁特奏名試法三月庚申幸聚景園丙
寅錄趙鼎岳飛子孫賜以京秩巳巳郴州賊陳峒等
破連道州桂陽軍諸縣命湖南帥臣討捕之置廣西
義倉辛未再振淮東饑民壬申雨雹丁丑詔戒勵諸
道轉運使庚辰幸玉津園夏五月壬戌裁宗室換官
法庚午蠲四川鹽課十萬緡乙亥郴寇平癸未給襄
陽歸正忠義人田六月甲午建豐儲倉丙申詔特奏
名毋授知縣縣令戊戌蠲郴州運糧丁未今年役錢
之半辛亥廣西妖賊李接破鬱林州守臣李端卿棄

城遁遂圍化州命經略司討捕之端卿除名勒停梅州編管秋七月癸亥籍郴州降寇隸荆鄂軍戊辰班隆興以來寬恤詔令于諸路趙雄等上會要乙亥詔諸軍五口以上增給緡錢癸未太白晝見經天八月庚寅罷諸路監司帥守便宜行事壬寅以知楚州翟改過淮生事奪五官筠州居住九月辛未合祭天地于明堂大赦癸未詔福建二廣賣鹽毋擅增舊額冬十月乙酉朔蠲連州被寇民租稅辛卯遣陳峴等使金賀正旦丙申詔太學兩優釋褐與殿試第二人恩例庚子四川行當三大錢再蠲四川鹽課十七萬餘

緡辛丑除紹興府民逋賦五萬餘緡乙巳金遣蒲察鼎壽等來賀會慶節戊申廣西妖賊平十一月乙卯朔帝著論數百言深原用人之弊因及誅賞之法命宰執示從臣于都堂辛酉裁宗子試法戊寅罷金州管内安撫司壬午詔宗室有出身人得考試及注教授官癸未遣傅淇等賀金主生辰十二月丙戌班重脩淳熙勅令格式丙申修百司省記法巳亥詔自今鞫賊吏後雖原貸者毋以失入坐獄官庚戌金遣耶律慥等來賀明年正旦辛亥蠲臨安府征稅一年是歲温台州水和州旱

七年春正月甲子減廣西諸州歲賣鹽數乙丑劉焯以平李接功擢集英殿修撰將佐幕屬吏士進官減磨勘年有差己卯詔京西州軍並用鐵錢及會子民戶銅錢以鐵錢或會子償之滿二月不輸官許告賞庚辰蠲淮東民貸常平錢米二月癸未朔初置廣南州庫諸州醫官丙戌復置皇太子宫小學教授辛卯魏王愷薨乙未詔撥廣西兵校五百人隸提刑司戊戌罷瓜洲孳生馬監己亥出湖南椿積米十萬石振糶永邵郴三州甲辰命利州路守貳縣令兼領營田乙巳限改官負歲母過八十人封子棟為宜州觀察

使安定郡王三月壬戌詔舉賢良方正能直言極諫者庚午迎太子皇太^上皇后宴翠寒堂乙亥減內外官薦舉負丁丑再蠲臨安府民身丁錢三年詔諸州招補軍籍之闕自今歲以為常夏四月甲申幸聚景園丙戌趙雄等上仁宗哲宗玉牒戊子除明州積欠諸司錢十五萬緡辛卯再免沿邊歸正人請占官田賦役三年甲辰黎州五部落犯盤陀砦兵馬都監高晃以綿潼大軍三千人與戰敗走蠻人深入大掠而去己酉命廢補武舉宗室小使臣行三年喪五月戊辰以吏部尚書周必大參知政事刑部尚書謝廓然

簽書樞密院專索州分宜縣大水捐其稅戊寅詔舒
 斬二州鑄錢歲以四十五萬貫為額己卯申飭書坊
 擅刻書籍之禁庚辰詔特奏名年六十人母注縣尉
 六月丙戌以特進觀文殿大學士判建康府陳俊卿
 為少保壬辰五部落再犯黎州制置司鈐轄成光延
 戰敗官軍死者甚眾提點刑獄權州事折知常棄城
 遁甲午制置司益兵遣都大提舉茶馬吳總任平之
 壬寅詔試刑法官增試經義秋七月癸丑詔二廣帥
 臣監司察所部守臣減否以聞丁卯以旱決繫囚分
 命羣臣禱雨于山川壬申移廣西提刑司于鬱林州

八月癸未禁黎州官吏市蕃商物甲申以禱雨未應
 諭輔臣欲令職事官以上各實封言事是夕雨丁酉
 置湖南飛虎軍戊戌兩甲辰五部落犯黎州塞興州
 左軍統領王去惡拒却之折知常重賂繼使之納款
 九月癸亥詔自今常朝毋稱丞相名甲子命樞密使
 亦如之乙丑詔宰執使相給使減年恩數身後三年
 者毋收使丙寅詔知縣成資始聽監司薦舉主申禁
 諸路過糴癸酉各省記法為淳熙重修石司法冬十
 月丙戌詔限田太寬民役煩重其令臺諫給合同戶
 部長貳詳議以聞戊子遣葉宏等使金賀正己丑未

黎州五部落進馬乞降詔却獻焉奇其五市庚子金
遣李倫等來賀會慶節十一月癸丑詔邊吏存極江
西過淮饑民丁巳禁淮南諸司州郡抑配民酒辛酉
蜀兩淮州軍二稅一年癸亥黎州戍軍伍進等作亂
折知常遠去壬去惡誘進等誅之壬申南康軍旱詔
出檢放所餘苗米萬石充軍糧癸酉遣蓋經等賀金
主生辰十一月庚寅趙鼎等上神宗哲宗徽宗欽宗
四朝國史志壬辰以四川制置使胡元質不備蕃部
致其猖獗奪兩宮器之丙申嗣濮王士朝薨戊戌以
新除成都府路提點刑獄程東之權四川制置司應

黎州邊事隨宜措置癸卯詔臨安府承宣旨審奏如
故事甲辰金遣徒單守素等來賀明年正旦是月詔
以太上皇明年七十有五議行慶壽禮太上皇不允
帝進黃金二千兩為壽是歲江浙淮西湖北旱蠲租
發廩貸給趣州縣決獄募富民振濟補官故歲雖凶
民無流殍安南入貢
八年春正月甲寅停折知常官汀州居住丙辰詔內
侍見帶兵官並與在京宮觀者為令乙亥詔福建歲
撥鹽于邵武軍市軍糧二月壬午詔去歲旱傷郡縣
以義倉米日給貧民至閏三月半止黎州土丁張百

祥等不堪科役為亂統領官劉大年引兵逆擊之土
丁潰去大年坐誅戊子禁浙西民因旱置園田者裁
童子試法己丑禁廣西諸州科賣亭戶食鹽庚寅詔
三省樞密六部置籍稽考興利除害等事戊戌以保
康軍節度使士欽為嗣濮王三月丁未朔幸佑聖觀
戊午以潮州賊沈師為亂趣帥憲捕之辛未幸聚景
園閏月辛己命諸路帥臣監司分州郡減否為三等
歲終來上戊子賜禮部進士黃由以下三百七十有
九人及第出身庚寅修揚州城甲午幸玉津園壬寅
減在京及諸路房廊錢什之三德壽宮所減月以南

已上少第
葉

庚錢貼進禁潭道等州官賣鹽甲辰立宗室命繼法
夏四月癸丑修湖南諸州城丙辰以臨安疫分命醫
官診視軍民庚申復以強盜配隸諸軍車役丁卯安
定郡王子棟薨癸酉立郴州宣章桂陽軍臨武縣學
以教養峒民子第五月戊寅詔監司守令勸課農桑
以奉行勤怠為賞罰壬午詔諸路轉運司趣民間補
書經界簿籍辛卯以久雨減京畿及兩浙囚罪一等
釋赦以下貧貧民種錢壬寅以史浩為少師六月
己酉詔放廢前司平江府牧馬草場二萬畝聽民漁
採戊午除淳熙七年諸路旱傷檢放米一百三十七

萬石錢二千六萬緡平酉罷諸路坊場監官聽民承
買戊辰史浩薦薛叔似楊簡陸九淵陳謙葉適袁燾
趙善舉等十六人詔並赴都堂審察七月癸未復以
許浦水軍諫殿前司水陽郡三君廣慶進封永王辛
卯賞監司守臣情舉劾者十六人以不雨決繫囚
壬辰紹興大水出秀發州平江府米振糶丁酉嚴州
水詔被災之家蠲其和買三等以上二戶減半辛丑錄
差質後八月丙午以旱罷招軍庚戌趙雄罷壬子詔
紹興府諸縣夏稅和市折昂身丁錢絹之類不以名
色截日並令住催癸丑以王淮為右丞兼樞密使

甲寅以謝廓然同知樞密院事丙辰更後殿幄次為
延和殿己未以觀文殿大學士新四川制置使趙雄
知瀘州戊辰言者請自今歉歲蠲減經費有虧令戶
部據實以聞毋得督趣己蠲閣之數從之罷諸路補
葺經界簿籍九月庚辰命諸路提舉司貸民麥種辛
巳錢良臣罷庚寅以謝廓然兼權參知政事冬十月
己酉遣施師點等使金賀正日辛酉錄黎州戰歿將
士四百三人甲子金遣完顏寔等來賀會慶節詔災
傷州縣諭民振糶十一月甲戌以旱傷罷喜雪宴戊
寅蠲當陽新城錢塘夏稅庚寅前池州守趙粹中誤

斬遞卒汪青落職仍詔給青家衣糧十五年辛卯詔
兩省侍從臺諫各舉所知浚行在至鎮江府運河下
西遣燕世良賀金主生辰己亥振臨安府及嚴州饑
民庚子再詔臨安府爲粥食饑民辛丑以淳熙元年
減半推賞法募民振糶十二月癸卯朔以徽饒二州
民流者衆罷守臣官出南庫錢三十萬緡付新浙東
提舉常平朱熹振糶丁未禁諸州營造戊申謚劉安
世曰忠定辛亥蠲諸路旱傷州軍明年身丁錢物甲
寅雨雹以度僧牒募閩廣民入米丙辰詔縣令有能
舉荒政者監司郡守以名聞甲子下朱熹社倉法于

諸路戊辰金遣魏貞吉等來賀明年正旦以爭執進
書儀帝還內遣王抃往諭旨己巳貞吉奉書入見是
月廣東安撫輩湘誘潮賊沈師出降誅之是歲江浙
兩淮京西湖北潼川夔州等路水旱相繼發廩蠲租
遣使按視民有流入江北者命所在振業之

九年春正月甲戌詔四孟朝獻分用三日如在京故
事丁丑命兩淮戍兵歲一更癸未罷樞密都承旨王
抃爲在外官觀因罷諸軍承受復密院文書關錄兩
省舊法以文臣爲都承旨戊子糴廣南米赴行在庚
寅詔江浙兩淮旱傷州縣貸民稻種計度不足者貸

以椿積錢二月庚戌遣使訪問二廣鹽法利害戊辰
四川制置司言獲叙州賊大波浪三月辛未朔幸佑
聖觀詔振濟忠萬恭涪四州癸未振濟鎮江壬辰遣
使按親淮南江浙振濟甲午罷諸路寄招軍兵三年
就揀軍子弟補其闕夏四月甲辰詔自今盜發所在
親臨帥守監司論罰平定有勞者議賞乙卯詔諸路
提刑文武臣通置一員癸亥帝覽陸贄奏議諭講讀
官曰今日之政恐有如德宗之弊者卿等條陳來上
無有所隱五月癸丑以孫柄為右千牛衛大將軍丙
子詔輔臣擇監司郡守必先才行六月壬寅詔侍從

臺諫各舉操脩端亮風力彊明可充監司者一二人
甲寅蠲犒賞庫酒課二十二萬餘緡江漳二州民為
沈師蹂踐者除其賦丁巳給臨安府貧民棺殮錢戊
午謝廓然薨庚申太白晝見臨安府蝗詔守臣亟加
焚瘞甲子太白晝見經天秋七月甲戌以江西常平
義倉及椿管米四十萬石付諸司預備振糶辛巳出
南庫錢三十萬緡付浙東提舉朱熹以備振糶壬辰
以資政殿學士李彥穎參知政事詔發所儲和糶米
百四十萬石補淳熙八年振濟之數于沿江屯駐諸
州椿管八月己亥朔詔紹興民戶去歲已納夏稅應

減者三十萬緡理爲今年之數庚子減皇后內命婦
蔭補數立文武臣遇郊奏薦負限致仕遺表恩澤視
舊法損三之一淮東浙西蝗壬子定諸州官捕蝗之
罰乙卯復賞脩舉荒政監司守臣九月巳巳朔罷諸
路科買軍器物料三年庚午以王淮爲左丞相梁克
家爲右丞相丙子以子彤爲容州觀察使封安定郡
王辛巳大享明堂大赦乙酉以錢引十萬緡賜瀘州
備振糶辛卯封伯圭爲榮陽郡王以旱減恭合渠昌
州今年酒課癸巳太白晝見乙未禁蕃舶販易金銀
者爲令十月戊戌朔遣王蘭等使金賀正日丙午罷

軍器所招軍辛亥塞四川沿邊支徑戊午金遣完顏
宗回等來賀會慶節甲子蠲諸路旱傷州軍浮熙七
年八年坤賦出縣官緡錢以償戶部十一月戊辰朔
禁臣庶之家婦飾僭擬庚午振麥路飢乙酉進奏院
欠丙戌遣賈選等賀金主生辰戊子大風十二月巳
亥更二廣官賣鹽法復行客鈔仍出緡錢四十萬以
備漕計之關癸亥金遣字水魯正等來賀明年正旦
十年春正月丁丑以給事中施師點奏言樞密院事
命州縣捕蝗甲申李彥穎罷乙酉命二廣提舉監事
官互措置監事丙戌以施師點兼樞密院事知政事丁亥

詔終身任官觀人毋得奏子巳丑詔罷廣南官審蓋
 法壬辰罷江東浙西寄招鎮江諸軍三年二月癸卯
 提舉德壽宮陳源有罪竄建寧府尋移郴州仍舊其
 家費進納德壽宮三月戊辰李燾上續資治通鑑長
 編六百八十七卷辛未有司請造第七界會子辛巳
 免四川和籴三年癸未辛酉洋園戊子詔四川類試
 自今十六人取一人巳丑除許稱災傷籍產法癸巳
 復銓試舊法罷試雜文夏四月丙申再蠲臨安府民
 丁身錢三年巳亥命湖南廣西埤塞溪洞徑路五月
 丙寅增皇太子宮小學教授一員申戊戌以潭州飛虎

軍隸江陵都統司戊寅辛聚景園辛卯詔疏襄陽木
 渠以渠傍地為屯田尋詔民間侵耕者就給之廢舒
 州宿松監六月戊戌監察御史陳賈請禁偽學乙巳
 罷昭州歲貢金巳未詔諸路監司帥臣歲舉廉吏庚
 申嚴贓吏禁秋七月乙丑以不雨決繫囚丙寅辛明
 慶寺禱雨甲戌以夏秋旱曠避殿減膳令侍從臺諫
 雨省卿監即官館職各陳朝政關夫分命群臣禱雨
 于天地宗廟社稷山川左丞相王淮等以旱乞罷不
 許丁丑詔除災傷州縣淳熙八年欠稅甲申雨巳丑
 御殿復膳八月戊申以施師點參知政事兼同知樞

密院事御史中丞黃洽參知政事庚戌以史浩為太
保魏國公致仕庚申以左藏南庫隸戶部九月乙丑
長溪寧德縣大水丙寅嚴盜販解鹽法丁丑辛佑聖
觀壬午蠲諸州逋負內藏庫錢六十萬緡乙酉遣余
端禮等使金賀正具丁亥禁內郡行鐵錢冬十月乙
未詔兩浙義役從民便壬子金遣完顏方等來賀會
慶節十一月壬戌朔日有食之乙丑降會子收兩淮
銅錢甲戌辛龍山大閱遂辛壬津園閏月壬寅詔却
安南獻象丁巳遣陳居仁等賀金主壬辰十二月丙
子朝德壽宮行太上皇后慶壽禮推恩如太上皇故

事丁亥金遣完顏婆盧火等來賀明年正旦是歲福
漳台信吉州水京西金澧州南平荆門興國廣德軍
江陵建康鎮江紹興寧國府旱

十一年春正月辛卯朔雨土辛丑安化蠻蒙光漸等
犯宜州思立砦廣西兵馬鈐轄沙世堅出兵討之獲
光漸丙午詔江東西路諸監司義役差役從民便甲
寅兩土二月甲申詔兩淮京西湖北萬弩手令在家
閱習每州許歲上材武者一二人試授以官如四川
義士之制三月辛卯詔刑部御史臺每季以仲月錄
囚徒癸巳命利路三都統吳挺郭鈞彭杲密陳出師

嘉靖丙辰年

宋史卷之三

十一

監生杜棟刊

進取利害以備金人復金州管內安撫司甲午以上
津洵陽旱蠲其稅辛丑罷秀州御馬院莊歸其侵地
于民丁未禁淮民招溫處州戶口除職田官田八年
逋租庚戌詔御試策有及軍民利害者考官哀類以
聞辛亥史浩入謝賜宴于內殿夏四月甲子以興元
義勝軍移戍襄陽戊辰賜禮部進士衛涇以下三百
九十四人又第出身癸未重班紹興申明刑統五月
戊子朔蠲宗德等十六縣小民淳熙十年欠稅十四
萬緡癸卯命刑部大理寺議減刺配法甲寅出緡錢
三十萬犒給四川又戌將士乙卯太白晝見六月戊

午朔詔諸道總領舉偏裨可將帥者庚申以周必大
為樞密使壬戌詔在內尚書侍郎兩省諫議大夫以
上御史中丞學士待制在外守臣監司不限科舉年
分各舉賢良方正能直言極諫一人巳卯詔諸州歲
買稻種備農民之闕秋七月癸卯蠲減浙東敗闕坊
場酒課癸丑以浙西江東水禁諸州遏糴甲寅築黎
州要衝城八月庚申遣章森使金賀正旦九月丁亥
詔諸路添差官自今毋創置乙巳詔殿前軍子弟許
權收刺一次甲寅再減四川酒課六十八萬餘緡冬
十月甲子初命舉改官人犯贓者舉主降二官乙丑

遣王信等賀金主生辰庚午禁諸州增收稅錢丙子
金遣張大節等來賀會慶節肝胎軍言得金人牒以
上京地寒來歲在旦生辰人使權止一年壬午詔諸
以忠義立廟者兩淮漕臣繕治之十一月壬寅禁福
建民私有兵器癸卯助廣西諸州歲計十萬緡甲寅
令峽州歲時存問處士郭雍十二月丁巳修湖南府
城巳卯詔戒監司州縣毋得於常賦外追取於民是
歲江東浙西諸州水福建廣東吉贛州建昌軍興元
府金洋西和州旱

十二年春正月巳丑禁交吐鹽入省地壬辰四川制

置使留正遣人誘賣死奴兒結殺之戊戌日中有黑
子戊申賜任伯雨謚曰忠敏庚戌日中復有黑子二
月辛酉雨雹乙亥罷諸軍額外制領將佐與長置黎
州防邊義勇三月乙酉進孫擴為安慶軍節度使封
平陽郡王辛卯禁習海樂辛亥命侍從臺諫兩省
總領管軍官各舉堪都副統制者一二人癸丑除統
場高等累賞法夏四月甲子幸聚景園戊辰幸淳熙
寬恤詔令丙子謀言故遣大石林牙假道夏人以伐
金密詔吳挺與雷正議之巳卯幸三韓園五月庚寅
地震辛卯福州地震詔帥臣趙汝愚察守令擇兵官

防盜賊六月乙卯立准東疆軍效用効士陸三成
除諸軍逋欠管運錢丁不詔浙東帥臣監司不以時
上諸州賊不奪一官戊寅太白晝見秋七月丁酉太
白晝見經天壬寅望二廣試攝官如銓試例取其半
甲辰以淮西屯田兩總領軍帥漕臣守臣奪官有
差八月癸亥詔太上皇壽八十令有司議慶壽禮乙
丑詔戶部給合臺諫詳議官民戶役法以聞九月甲
申復二廣監司以下到罷酬債法丙戌詔恤湖州合
州被水之家庚寅遣王信等使金匱具正旦丁丑詔諸
路總領軍帥漕臣守臣感上屯田所收之數冬十月

辛亥加太上皇壽號曰光堯壽聖憲天體道性仁
誠德經武緯文紹業興統明謨感烈太上皇帝太上
皇后曰聖壽齊明廣慈備德太上皇后甲寅蠲施黔
州經制無額錢命侍從各舉宗室三二人癸亥詔諸
路獄否以三月終四川二廣以五月終宋上十一月
丁亥鄂州大火戊子雷壬辰遣章森等賀金主生辰
辛丑合祀天地于園立大赦十二月庚戌朔師壽聖
奉太上皇太上皇太后皇太后冊寶于德壽宮推恩如紹興
二十三年故事甲子以知福州趙汝愚為四川制置
使丙子金遣僕散守忠等來賀明年正旦

十三年春正月庚辰朔率群臣詣德壽宮行慶壽禮
大赦文武臣僚並理三年磨勘免貧民丁身歲之年
為一百一十餘萬緡內外諸軍犒賜共一百六十萬
緡癸巳以史浩罷太傅陳俊卿為少師嗣濮王立歆
為少保庚子以昭慶軍節度使王岷為開府儀同三
司二月甲寅詔強盜兩次以上雖為從論死庚申詔
舉歸正添差任滿人才藝堪從軍者三月丁酉詔職
事官改官許在歲額八十員之外合舉舉廣南東西
益寧事司為一甲辰辛丑律國夏四月辛亥詔吳玘結
約夏人戊辰再蠲四川和籩軍糧二年辛未辛聚景

園五月癸未日中有黑子甲申詔非泛補官及七色
補官人非曾任在朝侍從者品秩雖高毋得免後丙
申賜冲晦處士郭雍號曰頤正先生仍遣官就問雍
所欲言備錄來上秋七月壬辰詔內外諸軍主帥各
舉堪統制者二三人壬寅謚胡銓曰忠簡閏月丙午
朔雨雹戊申以敷文閣學士留正簽書樞密院事已
酉施師點乞免兼同知樞密院事許之己未五星皆
伏八月乙亥朔日月五星聚于軫丙子以故相曾懷
鬻奏補恩追落觀文殿大學士壬午新築江陵城成
九月乙巳詔偽造會子凡經行用並處死是月遣李

獻等使金賀正日冬十月甲戌朔福州火甲午金遣
完顏老等來賀會慶節十一月戊午詔四川制置司
通知馬政量收木渠民包占荒田租庚申遣張叔椿
等賀金主生辰甲子王淮等上仁宗英宗玉牒神宗
哲宗徽宗欽宗四朝國史列傳皇帝會要丙寅梁克
家罷為觀文殿大學士醴泉觀使兼侍讀辛未裁定
百司吏額十二月丙子思州田氏獻納所買黔州民
省地詔償其直辛巳減汀州鹽價歲萬緡甲午陳俊
卿薨乙未振臨安府城內外貧乏老疾之民戊戌大
理寺獄空己亥金遣耶律子元等來賀明年正旦辛

丑再賜軍士雪寒錢是歲利州路饑江西諸州旱
十四年春正月癸亥出四川椿積米貸濟金洋州及
關外四州饑民二月丁亥以周必大為右丞相戊子
以施師點知樞密院事三月甲子幸玉津園夏四月
己卯置籍考諸路上供殿最以為賞罰戊子賜禮部
進士王容以下四百三十五人及第出身五月乙巳
成都火己酉遣官措置汀州經界六月戊寅以久旱
班畫龍祈雨法甲申幸太一宮明慶寺禱雨丁亥梁
克家薨庚寅臨安府火辛卯太白晝見癸巳王淮等
以旱求罷不許詔衡州葺炎帝陵廟己亥減兩浙路

囚罪一等釋杖以下秋七月辛丑罷戶部上供殿最
丙午詔群臣陳時政闕失及當今急務丁未以旱罷
汀州經界己酉詔監司條上州縣弊事民間疾苦辛
亥避殿減膳徹樂癸丑命檢正都司看詳群臣封事
有可行者以聞詔省部漕臣催理已蠲逋欠者令臺
諫覺察權減秀州經總制糴本錢半年丙辰命臨安
府捕蝗募民輸米振濟除紹興新科下戶今年和市
布帛二萬八千匹辛酉江西湖南饑給度僧牒鬻以
糴米備振糴戊辰兩命給舍看詳監司所條弊事八
月辛未賜度牒一百道米四萬五千石備振紹興府

饑甲戌御殿復膳癸未以留正參知政事兼同知樞
密院事丙戌復夔路酬賞法九月癸卯太上皇不豫
乙巳詣德壽宮問疾丙午遣萬鍾等使金賀正旦巳
未詣德壽宮問疾乙丑罷增收木渠民田租丙寅除
官軍私負冬十月辛未以太上皇不豫赦壬申詣德
壽宮問疾癸酉分遣群臣禱於天地宗廟社稷甲戌
以太上皇未御常膳自來日不視朝宰執奏事內殿
乙亥詣德壽宮侍疾太上皇崩于德壽殿遺詔太上
皇后改稱皇太后奉皇太后旨以奉國軍承宣使甘
昇主管太上皇喪事丙子以蕭璞等為金告哀使戊

寅以榮陽郡王伯圭為攢宮總護使翰林學士洪邁
言大行皇帝廟號當稱祖詔有司集議以聞己卯詔
尊皇太后辛巳詔曰大行太上皇帝奄棄至養朕當
衰服三年群臣自遵易月之令可令有司討論儀制
以聞甲申用禮官顏師魯等言大行太上皇帝上繼
徽宗正統廟號稱宗乙酉百官五上表請帝還內聽
政丙戌詔俟過小祥勉從所請戊子帝衰經御素輦
還內以顏師魯等克金國遺留國信使己丑金遣田
彥臯等來賀會慶節詔免入見却其書幣甲午詣德
壽宮自是七日皆如之十一月戊戌朔詣德壽宮自

是朔望皆如之己亥大行太上皇帝大祥自是帝以
白布巾袍御延和殿詣德壽宮衰經而杖如初詔皇
太子惇參決庶務庚子皇太子三辭參決庶務不許
辛丑詣德壽宮禪祭百官釋服甲辰羣臣三上表詣
御殿聽政詔俟過祔廟戊申遣胡晉臣等賀金主生
辰辛亥冬至詣德壽宮甲寅西南方有赤氣隨日入
乙卯雷戊午詔皇太子參決庶務于議事堂在內寺
監在外守臣以下與宰執同除授訖乃奏己未詔三
日一朝德壽宮十一月庚午太理寺減空壬午東北
方有赤氣隨日出癸巳金遣完顏崇安等來賀明年

正旦見于垂拱殿之東楹素幄詔禮物毋入殿付之
有司是歲兩浙江西淮西福建旱振之

十二年春正月丁酉朔詣德壽宮几筵行禮戊戌皇
太子初決庶務于議事堂辛丑復置左右補闕拾遺
乙巳詔免諸州軍會慶節進奉二年詔自今御內殿
令皇太子侍立庚申施師點罷甲子以黃洽知樞密
院事吏部尚書蕭燧參知政事二月丁亥金遣使蔡
克忠等來吊祭行禮于德壽殿次見帝于東楹之素
幄癸巳遣京鏗等使金報謝三月庚子王淮等上大
行太上皇謚曰聖神武文憲孝皇帝廟號高宗乙巳

上高宗謚冊寶于德壽殿又上懿節皇后改謚憲節
冊寶于別廟本室丁未右丞相周必大攝太傅持節

導梓宮癸丑用洪邁議以呂順浩韓世忠張俊配饗

高宗廟庭吏部侍郎章森乞用張浚岳飛祕書少監

楊萬里乞用浚皆不報丙寅權橫高宗于永思陵夏

四月壬申帝親行奉迎虞主之禮自是七虞八虞九

虞卒哭奉辭皆如之乙亥詔洪邁楊萬里並予郡甲

申用禮官尤袤請詔群臣再集議配享臣僚丙戌祔

高宗神主于太廟詔曰朕比下令欲衰經三年群臣

屢請御殿易服故以布素視事內殿雖詔俟過祔廟

嘉靖丙辰年

勉從所請。然稽諸典禮。心實未安。行之終制。乃爲近古。宜體至意。勿復有請。己丑詔減臨安紹興府囚罪一等。釋杖以下。民緣橫官役者。蠲其賦。庚寅用御史冷世光言。罷再議配享皇太后。有旨車駕一月四詣德壽宮。如舊禮。五月己亥。王淮罷。乙巳。帝既用薛叔似言。罷王淮。詔諭叔似等曰。卿等官以拾遺補闕。爲名不任。糾劾。今所奏乃類彈擊。甚非設官命名之意。宜思自警。丁巳。詔脩高宗實錄。己未。祈門縣大水。壬戌。始御後殿。詔歲出錢五萬六千餘緡。減廣東十二州折納米價錢。六月丁卯。雨霪。戊辰。罷勅令所。己巳。

以伯圭爲少傅。帶御器械。夏。執中爲奉國軍節度使。癸酉。以新江西提點刑獄朱熹爲兵部郎官。熹以疾未就職。侍郎林栗劾熹慢命。熹乞奉祠。太常博士葉適論栗襲王淮鄭丙陳賈之說。爲道學之目。妄廢正人。詔熹仍赴江西。熹力辭不赴。庚寅。熒惑犯太微。秋七月戊戌。上高宗廟樂。曰大勳。舞曰大德。己未。出兵部侍郎林栗。壬戌。恩平郡王璩薨。追封信王。八月甲子朔。日有食之。九月庚子夜。南方有赤黃氣。覆大內。辛丑。大饗明堂。以太祖太宗配。大赦。癸卯。更試補醫官法。己酉。遣鄭僑等使金賀正。旦甲寅。上皇太后宮。

名慈福冬十月癸未金遣王克温等來賀會慶節見
于垂拱殿東楹甲申會慶節詔北使百官詣東上閣
門拜表起居免入賀己丑再罷諸州科買軍器物料
三年十一月庚子建煥章閣藏高宗御集遣何澹賀
金主生辰甲辰詔百官輪對毋過三奏十二月丙寅
追復龔茂良資政殿學士壬午命朱熹主管西太一
宮兼崇政殿說書辭不至戊子金遣田彥舉等來賀
明年正旦是歲江西湖北兩淮建寧府徽州水
十六年春正月癸巳金主雍殂孫璟立甲午封孫柄
為嘉國公丙申黃洽罷己亥以周必大為左丞相留

正為右丞相蕭燧兼權知樞密院事禮部尚書王簡
參知政事刑部尚書葛邲同知樞密院事乙巳蕭燧
罷丙午皇太后移御慈福宮戊申以昭慶軍承宣使
郭師禹為保大軍節度使辛亥罷淮西屯田是日帝
始諭二府以旬日當以禪命周必大留身呈詔宣丙
辰罷拘催錢物所復二廣官般官賣鹽法己未更德
壽宮為重華宮謚孝綱曰忠定二月辛酉朔日有食
之壬子下詔傳位皇太子是日皇太子即皇帝位帝
素服為之重華宮辛未上尊號曰至尊壽皇聖帝皇
后曰壽成皇后紹熙五年五月壬戌壽皇聖帝不豫

六月戊戌崩于重華殿年六十有八十月丙辰謚曰
哲文神武成孝皇帝廟號孝宗十一月乙亥權輿于
孝皇陵十二月甲戌祔于太廟慶元三年十一月辛
巳加謚紹紹同道冠德昭功哲文神武明聖成孝皇
帝

贊曰高宗以公天下之心擇太祖之後而立之乃得
孝宗之賢聰明美善早然為南渡諸帝之稱首可謂
難矣試即位之初銳志恢復符離邂逅失利重違高
宗之命不輕出師又值金世宗之立金國平治無釁
可乘然易表稱書改臣稱意減去歲幣以定鄰好金

人易宋之心至是亦寢異於前日矣故世宗每戒群
臣積錢穀謹邊備必曰吾恐宋人之和終不可恃蓋
亦忌帝之將有為也天厭南北之兵欲休民生故帝
用兵之意弗遂而終焉然自古人君起自外藩入
繼大統而能盡宮庭之孝未有若帝其間父子怡愉
同享高壽亦無有及之者終喪三年又能却群臣之
請而力行之宋之廟號若仁宗之為仁孝宗之為孝
其無愧焉其無愧焉

